

Siunnersuummut oqaaseqaatit

## Oqaaseqaatit nalinginnaasut

### 1. Aallarniut

Peqqussutissatut siunnersuutip inissialiortiternermut tapersiissuteqartarneq pillugu Inatsisartut peqqussutaat nr. 1, 9. april 1992-imeersoq taarsissavaa. Peqqussut atuuttoq atuutilerminiit tallimariarluni allangortinneqartarsimavoq, kingullermik 2005-imi allangortinneqarsimalluni.

Inissiat inissialiortiternermut tapersiissuteqartarneq pillugu Inatsisartut peqqussutaanni atuuttumi pineqartut ulluinnarni amerlanertigut "BSU-mit taarsigassarsilluni illulianik" taaneqartarput, tamatumani peqqussummi atuuttumi kapitali 3 (kommunit inissiaataannut attartortittakkanut tapiissutit), kapitali 4 (akiliutinut tapiissutitalimmik taarsigassarsiarititat) imaluunniit kapitali 5 (nammineq illuliornissamut taarsigassarsiarititat) naapertorlugit inissiamut tapiissuteqartoqarsimanera taarsigassarsititsisoqarsimaneraluunniit apeqqutaatinnagu. Allat inissiat taamaallaat peqqussummi atuuttumi kapitali 4 naapertorlugu taarsigassarsititsivigineqarsimasut ulluinnarni BSU-mit taarsigassarsilluni illuliatut taarsarpaat, aammalu inissiat peqqussummi atuuttumi kapitali 2 naapertorlugu taarsigassarsititsivigineqarsimasut kommunip inissiaataannik attartortittakkanik, inissiallu peqqussummi atuuttumi kapitali 5 naapertorlugu taarsigassarsititsivigineqarsimasut nammineq illulianik taaneqartarlutik.

Taamatut taaguutinik paatsiveerusimaartarneq peqqussummi matumani ersarissaaviginiarneqarpoq, tassalu taaguut "BSU-mit taarsigassarsilluni illuliaq", oqaatsip sumut tunnganeranut ulluinnarni paasinnittarnerit assigiinngitsut eqqarsaatigalugit atorneqanngilaq. Tassunga taarsiullugu taaguutit eqqornerusut, tassalu "kommunip inissiaatai attartortittakkat", "kommunip illuutai ataatsimoorussat", "inissiat" aamma "illut sanaqataaffiusut" atorneqarput, tamatumani siunnersuummi kapitalit suut pineqarnersut apeqqutaalluni.

Peqqussutissatut siunnersuut inissialiortiternermut tapersiissuteqartarneq pillugu Inatsisartut peqqussutaannut atuuttumut, kingusinnerusukkat allanguuteqartinneqartarsimasumut naleqqiullugu annertuumik najoqqutassatigut taamatullu piumasarineqartutigut iluarsaanneqarpoq, Naalakkersuisut ineqarnermut anguniagaannut tamakkiisumut naleqquttunngorsarneqarluni.

## 2. Peqqussutissatut siunnersuutip pingaarnersai

Peqqussutissatut siunnersuummi kapitali 1 siunnersuummi aalajangersakkat malillugit taarsigassarsititsisarnermut tapiissuteqartarnermullu aalajangersakkanik nalinginnaasunik imaqarpoq.

Peqqussutissatut siunnersuummi kapitali 2 kommunit inissiaataannik attartortittakkanik sananissamut kommuninut Naalakkersuisut tapiissuteqarsinnaanerinit maleruagassanik atuuttunik ingerlatitseqqiineruvoq. Tapiissutit annertussusissaannut killissarititaasut ingerlateqqinneqarput.

Peqqussuummi kapitali 3-mi nutaatut kommunit illuutaannut ataatsimoorussanut maleruagassanik atuutsitsisoqalissaaq. Kommunit illunik ataatsimoorussanik, illutut sullivittut tamanut ammasumik, assersuutigalugu atisanik errorsiviusinnaasumik, uffarfiusinnaasumik, pikkorissartitsiviusinnaasumik, sannavittut mikinerusut atorpeqarsinnaasunik, inissiiiviusinnaasunik allatullu atorpeqarsinnaasunik sananissamut tapiiffigineqarnissamik Naalakkersuisunut qinnuteqarsinnaapput. Illut ataatsimoorussat nunaqarfinnut kiisalu illoqarfinnut mikinerusunut, ineqarnikkut pissutsinik nunaqarfinnut naleqqiullugu allaanerungaangitsunik atugaqarfiusunut atorpeqarnissaat eqqarsaatigineqarpoq.

Tamatuma saniatigut peqqussutissatut siunnersuummi kapitali 4 inissianut, Naalakkersuisunit taarsigassarsititsivigineqarsimasunut maleruagassanik imaqarpoq. Maleruagassat siornatigut kapitali 4 malillugu taarsigassarsiatut taagorneqartunut tunngasut annertuumik iluarsaaneqarput. 1990-ikkulli aallartinneranni inissianut kapitali 4 nutaaq malillugu taarsigassarsititsisoqarsimanngilaq, nammineerluni illuliassanut tapiiffigineqarnissaq taarsigassarsisumut aningaasaqarnikkut iluanaarnarnerulersimammat. Taamaattumik aaqqissuussineq, Naalakkersuisut inissianik nutaanik sanaartornissamut taarsigassarsititsisinnaanerannik periarfissiisoq taanna maanna atorunnaarsinneqarpoq.

Kiisalu peqqussutissatut siunnersuummi kapitali 5, illunut sanaqataaffiusunut tunngasoq, maanna nammineerluni illuliassanut aaqqissuussinermut atuuttumut taartigitinneqarpoq. Tassani ilaatigut taarsigassarsisup nammineerluni aningaasaliissutissaasa annertussusissaat pillugu maleruagassanik nutaanik siunnersuuteqartoqarpoq. Peqqussutissatut siunnersuut malillugu sanaqataasussap isertitai nammineerluni aningaasaliissutissaanut apeqqutaatinneqassapput, taamaalilluni sanaqataasusaaq isertitaqqortunerusoq sanaqataasussanit isertitakinnerusunit akiliinerusalissalluni.

Tamatuma saniatigut aaqqissuussinerit marluusut taakku assigiinngissutaat annertoq tassaavoq, sanaqataasussap illumik sanaqataaffiusumik sananermunit atatillugu najukkami sanasumit ilitersorneqarnissamut ikiorneqarnissamullu tapiissutinik qinnuteqarsinnaalernera. Taamaalilluni illuliat iluatsittumik naammassisartut amerlingaatsiarnissaat naatsorsuutigineqarpoq, taamatullu illut sanaqataaffiusussat maannamut naleqqiullugu pilertornerusumik sananeqarsinnaanissaat naatsorsuutigineqarluni.

Ataatsimut isigalugu maleruagassat atuuttut ingerlateqqinneqartussat annertuumik iluarsanneqarput.

### **3. Pisortanut aningaasaqarnikkut allaffissornikkullu sunniutissat**

Sulisartut nuttarsinnaanerit taamaalillunilu inuiaqatigiit ineriartornerannut inissaaleqinerup akornutaannginnissaa pingaarteqarpoq. Naalakkersuisut ineqarneq pillugu anguniakkaminni pissutsit pingasut makku pingaartippaat:

- Inissiaatit pingaartumik aningaasaqarnikkut siuariartorfiusuni amerlineqarnissaat.
- Namminersortut inissianik niueruteqarnerisa ineriartortinneqarnissaat, aammalu innuttaasut aningaasaqarnikkut periarfissaqartut inissianik imminnut pilersorsinnaanerisa annertusineqarnissaa anguniarlugu inissiaatit amerlisarneqarnissaat.
- Isertitat apeqqutaatinnagit kikkut tamarmik ineqarnikkut akuersarneqarsinnaasunik atugaqarnissaat.

Ineqarneq pillugu anguniakkat siuliani taaneqartut anguneqassappata assigiinngitsunik isertitalinnut innuttasunullu assigiinngitsunut tamanut assigiinngisitaartumik naleqqussakkanik inissianik neqerooruteqartoqarsinnaanngorlugu ineqarnerup ineriartornissaa ilusilersorneqartariaqarpoq. Innuttaasut atugarissaarnerit piginneqatigiilluni inissianik imaluunniit inissianik nammineq pigisanik imminnut pilersorsinnaanerit annertusarneqassaaq. Tamanna inuiaqatigiinni ileqqaakkanik amerlanerulersitsissaaq, pisortat inissiaataannik attartortittakkanik ilaqutariinnut, nammineerlutik inissianik pisinissamut isumalluutissaqanngitsunut pissarsiffiussalluni aammalu inissianut nutaanut aningaasaliinissamut isumalluutissat amerlisinneqarnissaat qulakkeerneqassalluni.

Aammattaaq aningaasaqarnikkut siuariartorfiusuni naammattunik inissaqartitsinissaaq qularnaarneqassaaq, taamaalilluni sulisussat nuttarsinnaanerit inissaaleqinermit akimmisaartinneqannginniassamat.

Siunnersuutip Nunap Karsianut aningaasaqarnikkut nammakkiinissaa naatsorsuutigineqanngilaq, peqqussutit siornatigut atuuttuusimasut naapertorlugit taarsigassarsiarititaareersut piffissami taarsigassarsiat suliarineqarnerini akilerneqarnerinilu IST-imut sunniuteqareersimammata.

#### **3.1 Kommunit inissiaataannut attartortittakkanut tapiissutit, siunnersuummi kapitali 2**

Naalakkersuisooqatigiit 2007-imiit 2009-mut ukiut pingasut ingerlanerini inissiat 1.000-it sananeqarnissaannik 2006-imi anguniagassatut siunniussaataat eqarsaatigalugu, illoqarfanni anginerusuni, realkredit-imit taarsigassarsinikkut aningaasalersuinissamik periarfissaqarfiusuni kommunit inissiaataannik attartortittakkanik sanaartornerit Naalakkersuisut tapiissuteqartarnerisa salliutinneqannginnerat ingerlaannassaaq.

Tassani pineqarput Qaqortoq, Nuuk, Sisimiut aamma Ilulissat, siunissami annertunertigut illulioriternernut aningaasalersuineq pillugu Inatsisartut peqqussutaanni aamma piginneqatigiilluni inissiat pillugit Inatsisartut peqqussutaanni maleruagassat malillugit inissialiortiternermik isumaginnittariaqartut. Anguniakkap taassuma 2002-mili kommuninut nalunaarutigineqarsimasup ingerlateqqinneqarnissaa tassani pineqarpoq.

Tassalu aningaasat kommunit inissiaataannut attartortittakkanut Naalackersuisut atugassaat pingaarnersiunermini siullerpaatut illoqarfiit sinnerinut tutsinneqartassapput. Siuliani taaneqartoq illoqarfinni anginerusuni sisamani taakkunani inissianut attartortittakkanut aningaasaleeqataanissamut neriorsuuteqartoqartannginnissaanik kinguneqartariaqanngilaq, aammattaaq tak. takussutissiaq 1 matuma kingulianiittoq, tassanilu allassimavoq 2004-mi aamma 2005-imi kommunip inissiaataanik attartortittakkanik 129-nik sananermut tapiissuteqartoqarnissaanik neriorsuuteqartoqarsimasoq, taakkunanngalu inissiat 52-it illoqarfinnut Qaqortumut, Sisimiunut ilulissanullu aningaasaleeqataanissamik neriorsuuteqarfigineqarsimasut.

<b>Sumiiffik</b>	<b>Suliassap taaguutaa</b>
Ittoqqortoormiit	Inissiat pingasut
Aasiaat	Inissiat arfinillit
Qeqertarsuaq	Inissiat 16-it
Nanortalik	Inissiat marluk
Akunnaaq	Inissiat marluk
Aasiaat	Inissiat arfinillit
Qaqortoq	Inissiat 16-it
Sisimiut	Inissiat 12-it
Qaqortoq	Inissiat 18-it
Narsarsuaq	Inissiaq ataaseq
Kangaatsiaq	Inissiat arfineq marluk
Niaqornaarsuk	Inissiat tallimat
Aasiaat	Inissiat 12-t
Aasiaat	Inissiat arfinillit
Ilulissat	Inissiat arfinillit
Qeqertarsuaq	Inissiat arfineq pingasut
Kangerluk	Inissiat pingasut

*Takussutissiaq 1: Naalackersuisut kommunit inissiaataanut attartortittakkanut 2004-mi aamma 2005-imi tapiissutaat*

Peqqussutissatut siunnersuummi maleruagassat atuuttut ingerlateqqinneqarput, taamaalilluni kommunit inissiaataannik attartortittakkanik sanaartornermut tapiissutit kommunimut tunniunneqartussat inissiani kommunip sanaassatut kissaatigisaani inigisap annertussusaa kvadratmeterit amerlassusaat tunngavigalugit naatsorsorneqartarlutik.

Taamaalilluni Naalackersuisut tapiissutissaannut sanaartugassani aalajangersimasuni suliariumannittussarsiuussinerup inerneru apeqqutaajunnaarsinneqarpoq. Taamaalilluni kommuni sanatitsisutut suliariumannittussarsiuussinerup kingunitsiannua sanaartugassamik aallartitsisinnaavoq.

*Takussutissiaq 2: Kvadratmeterimut tapiissutit*

Angiss. m <sup>2</sup> - nngorlugu	0-60 m <sup>2</sup>	60-85 m <sup>2</sup>	85-110 m <sup>2</sup>	110-130 m <sup>2</sup>	Tapiissutit katillugit
45	436.500	-	-	-	436.500
50	485.000	-	-	-	485.000
55	533.500	-	-	-	533.500
60	582.000	-	-	-	582.000
65	582.000	42.500	-	-	624.500
70	582.000	85.000	-	-	667.000
75	582.000	127.500	-	-	709.500
80	582.000	170.000	-	-	752.000
85	582.000	212.500	-	-	794.500
90	582.000	212.500	40.000	-	834.500
95	582.000	212.500	80.000	-	874.500
100	582.000	212.500	120.000	-	914.500
105	582.000	212.500	160.000	-	954.500
110	582.000	212.500	200.000	-	994.500
115	582.000	212.500	200.000	37.500	1.032.000
120	582.000	212.500	200.000	75.000	1.069.500
125	582.000	212.500	200.000	112.500	1.107.000
130	582.000	212.500	200.000	150.000	1.144.500

Takussutissiaq 2-mi kommunip ataatsip tapiissutissat qanoq amerlatigisut kommunip inissiaataannik attartortittakkamik sananermi pissarsiarisinnanaera takutinneqarpoq.

### **3.2 Inissiamut taarsigassarsianik isumakkeerineq, allannngortitsineq aamma taarsigassarsiat allanik taarserlugit taarsigassarsititsineq, siunnersuummi kapitali 4**

Naalackersuisut inissianut taarsigassarsiarititaasa akilersorneqartarneranni maannamut misilittagaasimasut iluatsitsiviuallaarsimangillat. Akiitsut akilinngitsuumkat qaffakkiartorujussuarsimapput, pingaartumillu 1986-imiit 1996- imut inissialiortiternermut tapersiissuteqartarneq naapertorlugu inissianik Naalackersuisunit taarsigassarsititsivigineqarsimasunik piginnittut akiitsui akilinngitsuumkat ataatsimut isigalugu qaffariarujussuarsimapput. Piffissami akiitsut akilinngitsuumkat pilieriartuaarsimanerat takussutissiaq 3-mi takuneqarsinnaavoq.

*Takussutissiaq 3: 1986-imiit 1996-imut inissiani Naalackersuisunit taarsigassarsititsiviusimasuni akiitsut akilinngitsuukkat*

Ukioq	1986	1987	1988	1989	1990	1991	1992	1993	1994	1995	1996
Aningaasartai (mio. kr.)	27,4	29,4	33,9	37,8	50,6	62,7	66,4	73,5	75,4	91,2	100,2

Aaqqissuussinerit ataqtigiisinnegartut ingerlateqqinneqarnerannut tunngaviusoq pingaarneq, tassalu inissianik Naalackersuisunit taarsigassarsititsiviusimasunik piginnittut taarsigassarsianik isumakkeerfigineqarnissamut, allanngortitsinissamut imaluunniit taarsigassarsiat allanik taarserlugit taarsigassarsinissamut qinnuteqarnissamut periarfissaqartinneqarnerat, inissianut taarsigassarsianik akilersuisarnermi misilittagaasunik siuliani taaneqartunik tunngaveqartutut isigineqassaaq.

1998-imi akiitsut akilinngitsuukkat amerleriarujussuarneri tunngavigalugit inissiani Naalackersuisunit taarsigassarsititsiviusimasuni taarsigassarsisimasut tamarmik, isertitat annertussusaat apeqqutaatinnagu akiitsunik akilinngitsuugaasimasinnaasunik taarsigassarsiatut nutaatut allanngortitsinissamut periarfissinneqarput. Taarsigassarsiat allanik taarserlugit taarsigassarsinermi akiitsut sinneri piffissamilu aalajangersimasumi akiliutissat akilinngitsuukkat ilaatinneqarput, tassunga taarsigassarsiatoqaasunut pillaaammik ernialiusat, akitsuutit il.il. ilaatinneqarlutik.

Taarsigassarsisimasorpassuit taarsigassarsiatik allanik taarserlugit taarsigassarsinissaminnut periarfissaq atorsimagaluaaraat, tamatuma iluaqutaanera killeqarsimavoq. Akiitsut akilinngitsuukkat taarsigassarsiat allanik taarserlugit taarsigassarsinerit kinguneriisaannik soorunami apparput, kisiannili taarsigassarsiallit aningaasaqarnerat allannguuteqanngilaq, aammalu inunnut ataasiakkaanut iliuusissatut pilersaarutunik, taarsigassarsialik akilinngitsuukkaminik akiitsoqaqqilerpat atuutilersussamik suliaqartoqarani.

2001-imi upernaakkut ataatsimiinnermi aammalu 2004-mi ukiakkut ataatsimiinnermi pissutsit, inissianik Naalackersuisunit taarsigassarsititsivigineqarsimasunik piginnittut atugaat oqaluuserineqarput, tassanilu Inatsisartut aaqqiissutissatut siunnersuummik, ilaqutariinni aningaasakillionerpaani inissianut taarsigassarsiat ilaqutariit aningaasaqarnikkut piginnaasaannut naleqqussaannissamut iluaqutaasussamik suliaqartoqarnissaa akuersissutigaat.

Kiisalu Inatsisartut Kukkunersiuinnermut Ataatsimiititaliaat, Inatsisartut Aningaasaqarnermut Ataatsimiititaliaat Inatsisartullu Attaveqaqatigiinnermut Ineqarnermullu Ataatsimiititaliaat ineqarnermi akiitsut akilinngitsuukkat ajornartorsiutigineqarnerisa piaartumik aaqqiiffigineqarnissaannik Naalackersuisunut inassuteqarput innersuussillutillu.

Peqqussutissatut siunnersuut manna misilittakkanik siuliani taaneqartunik aammalu taarsigassarsiallit inigisaminnut Naalackersuisunut akiitsullit tamatumalu peqatigisaanik akilersuutiminnik kinguaattooruteqarsimasut maannamut

periarfissaannik tunngaveqarpoq. Peqqussutissatut siunnersuummi inissianik piginnittunut periarfissat assigiinngitsut pingasut siunnerfigineqarput:

Inissianik Naalackersuisunit taarsigassarsiaqarfiusunik pigisaqartut, ukiuni akileraaruteqarfiusuni kingullerni marlunni inoqutigiinni 128.000 koruunit inorlugit akileraaruteqaataasussanik isertitaqartarsimasut, akiliutit akiligassanngortinneqartut akiitsullu sinnerisa isumakkeerinniffigineqarnissaannik qinnuteqarsinnaapput.

Inissianik Naalackersuisunit taarsigassarsititsivigineqarsimasunik piginnittut, ukiuni akileraaruteqarfiusuni marlunni kingullerni inoqutigiinni ukiumut 180.000 koruunit inorlugit akileraaruteqaataasussanik isertitaqarsimasut akiliutit akiligassanngortinneqarsimasut akiitsullu sinnerisa taarsigassarsiatut erniaqanngitsutut akilersugassaanngitsutullu allanngortinneqarnissaannik, tamatumalu kingorna piffissap taarsersuiffiusup sinneruttup ingerlanerani nalikillisikkiartuaartinneqarnissaannik qinnuteqarsinnaapput.

Inissiamik piginnittup assersuutigalugu akiitsui 300.000 koruuninik sinneqarpata, piffissallu akilersuiffiusussap sinnera ukiunik aqqaneq marlunnik sivissuseqarpat, taarsigassarsiat ukiuni tulluittuni aqqaneq marlunni ukiumut 25.000 koruuninik nalikillilerneqartassapput, tamatumalu kingorna akiitsut 0 koruuninngussallutik.

Periarfissat pingajuat taarsigassarsialinnut, ukiuni akileraaruteqarfiusuni marlunni kingullerni inoqutigiinni ukiumut 180.000 koruuninik amerlanerusunilluunniit akileraaruteqaataasussanik isertitaqartarsimasunut tunngatinneqarpoq. Taakku taarsigassarsiamik allanik taarserneqarlutik taarsigassarsitinneqarnissaminnik qinnuteqarsinnaapput, taamaalillunilu nutaatut akilersuinermi nammagassat taarsigassarsianillu akilersuinissaq aningaasaqarnermut maannakkut atugaannut naleqqussarneqartalissaaq.

Peqqussutissatut siunnersuutip akuerineqarneratigut inissianik piginnittut taarsigassarsiallillu aningaasakilliortut periarfissaat takussutissiaq 4-mi nassuiarneqartutut isikkoqalissapput:

*Takussutissiaq 4: Taarsigassarsianik isumakkeerineq, allanngortitsineq imaluunniit taarsigassarsiat allanik taarserlugit taarsigassarsineq*

Inoqutigiinni ukiumut isertitat akileraaruteqaataasussat	Taarsigassarsialimmut aaqqiissutissatut periarfissaq
128.000 koruunit tikillugit	Taarsigassarsialik akiligassanik akiligassanngortinneqartunik akiitsullu sinnerinik tamakkiisumik isumakkeerfigineqarnissamik qinnuteqarsinnaavoq.
180.000 koruunit inorlugit	Taarsigassarsialik akiliutinik akiligassanngortinneqartunik akiitsullu sinnerinik taarsigassarsianut erniaqanngitsunut

	akilersugassaanngitsunullu, piffissap taarsersuiffiusup sinnerata ingerlanerani nalikillisikkiartuaarneqartussanut allangortitsinissamik qinnuteqarsinnaavoq.
180.000 koruunit amerlanerusulluunniit	Taarsigassarsialik akiliutit akiligassanngortinneqartut akiitsullu sinneri allanik taarserlugit taarsigassarsiatut nutaatut, taarsigassarsiallit ataasiakkaat taarsigassarsianik ernialersuisinnaanerannut akilersuutinullu akilersuisinnaassusiannut naleqqussarneqartumik taarsigassarsitinneqarnissamik qinnuteqarsinnaavoq.

Naalackersuisut ineqarnermut taarsigassarsianit pisassaam tamakkiisut 2005-ip naanerani 754 millioner koruuninik amerlassuseqarput, taakkunanngalu 130 millioner koruunit missaat, tassalu Naalackersuisut ineqarnermut taarsigassarsianit pisassaam tamakkiisut 17 procenterpiiaat akiitsunut akilinngitsuukkanut tunngasuupput. Akiitsut akilinngitsuukkat annilaarnartumik qaffasittutut isikkoqaraluartut, akiitsut akilinngitsuukkat 1996-imi 100 millioner koruuninik amerlassuseqareersimammata eqqaamaneqassaaq.

Akiitsut akilinngitsuukkat amerlanersaasa akilerneqarsinnaannginnerat qularnanngilaq, tamannalu taarsigassarsiallit ataasiakkaat akiliisinnaassuseqannginnerannik peqquteqarpoq. Tamanna taarsigassarsialinnut pingaartumillu inuiaqatigiinnut ajornartorsiutaavoq.

Naatsorsukkat 2002-meersut takutippaat, taarsigassarsialinnit 23 procentit sinnilaarlugit ukiumut inoqutiginni akileraaruteqaataasussanik 128.000 koruunit inorlugit isertitaqartut, kiisalu 38 procentingajaat ukiumut inoqutiginni akileraaruteqaataasussanik 180.000 koruunit inorlugit isertitaqartut, kiisalu 62 procentit sinnilaarlugit ukiumut inoqutiginni akileraaruteqaataasussanik 280.000 koruunit inorlugit isertitaqartut.

Naatsorsukkat 2002-meersut aningaasaqarnermik suliassaqarfimmi akiliisinnaassutsimik naliliisarnermut tunngaviusunut nalinginnaasunut sanilliukkaanni, taarsigassarsiallit 62 procentii sinnerlugit niuernermit piunasaqaatit nalinginnaasut tunngavigalugit taarsigassarsisinnaassanngikkaluarput, isertititik tunngavigalugit ineqarnermut taarsigassarsianut erniat akilersuutillu akilersorsinnaanaviannamikkat. Taamaalilluni taarsigassarsialinnit taamaallaat 38 procentit niuernermit piunasaqaatit nalinginnaasut tunngavigalugit taarsigassarsisinnaassagaluarput.

*Takussutissiaq 5: 2003-miit 31. december 2006-imut ineqarnermut taarsigassarsianik isumakkeerinerit allangortitsinerillu amerlassusaat*



Ukioq	Isumakkeerinerit		Allanngortitsinerit		Katillugit	
	Amerl.	Mio. kr.-inngorl.	Amerl.	Mio. kr.-inngorl.	Amerl.	Mio. kr.-inngorl.
2003	151	30,5	0	0	151	30,5
2004	166	30,4	0	0	166	30,4
2005	170	26,2	27	7,9	197	34,1
2006	102	19,8	105	26,3	207	46,1
<b>Katillugit</b>	<b>589</b>	<b>106,9</b>	<b>132</b>	<b>34,2</b>	<b>721</b>	<b>141,1</b>

Takussutissiaq 5-imi takuneqarsinnaasut Naalakkersuisut 2003-p aallartinneraniit 31. december 2006-imut akiitsunik katillugit 141,1 millioner koruuninik naleqartunik isumakkeerinissamut allanngortitsinissamulluunniit taarsigassarsialinnut 721-nut akuersissuteqarsimapput.

### **3.3 Illuliassat sanaqataaffiusut nammineerluni illuliassanut taartigineqarnissaat, siunnersuummi kapitali 5**

Matuma kinguliani takussutissiaq 6-imi takuneqarsinnaasut 1990-imiit 2003-mut nammineerluni illuliassanut taarsigassarsinissamut qinnuteqartut 1.118-it Naalakkersuisut akuerisimavaat. Nammineerluni illuliassanit piffissami tassani tunniunneqartunit 191-it, imaluunniit 17 procenterpiaat 1. marts 2004-mi suli sananeqarsimangillat.

Tamatumunnga tunngatillugu oqaatigineqassaaq, 2003-imi Inatsisartut aningaasanut inatsisaata kingusissukkut akuerineqarnera peqqutigalugu 2003-mi nammineerluni illuliassanik tunniussisoqarsimangimmat. Taamaattumik 1990-imiit 2002-mut nammineerluni illuliassat tunniunneqartut sanaartorneqartullu matumani pineqartut eqqorneruvoq.

Nammineerluni illuliassat agguaqatigiissillugu 550.000 koruuninik naleqartarmata, nammineerluni illuliassat sananeqanngitsut 191-it nalingisa katinnerat 105 millioner koruuniuvoq.

*Takussutissiaq 6: 1990 – 2003-imi nammineerluni illuliat*

Kommune	Piffissaq 1990 - 2003		
	Katillugit	Naam- massisut	Amigaa- taasut
Nanortalik	107	83	24
Qaqortoq	22	13	9
Narsaq	41	22	19
Paamiut	0	0	0
Nuuk	1	1	0
Maniitsoq	85	68	17
Sisimiut	36	29	7
Kangerlussuaq	2	0	2
Kangaatsiaq	77	68	9
Aasiaat	27	23	4
Qasigiannuit	8	4	4
Ilulissat	69	65	4
Qeqertarsuaq	22	22	0
Uummannaq	174	155	19
Upernavik	287	262	25
Qaanaaq	49	31	18
Tasiilaq	95	68	27
Ittoqqortoormiit	16	13	3
<b>Katillugit</b>	<b>1.118</b>	<b>927</b>	<b>191</b>

*Oqaaseqaatit: Naatsorsukkat 1. marts 2004-meersuupput.*

Naalackersuisut kisitsisit siuliani taaneqartut tunngavigalugit A/S Inissiaatileqatigiiffik INI suleqatigalugu suliniummik immikkut aallartitaqarput, tamatumani lu siunertaavoq nammineerluni illuliassat sananeqanngitsut siunissami ikilisinneqarnissaat.

Suliniuteqarnerup kingunerisaanik 2004-mi Panbo Huse A/S suleqatigalugu Kullorsuarmi illuliassat sanaqataaffiusut tallimat misiligutaasumik sananeqarlutik aallartinneqarput.

2005-imi aamma illut sanaqataaffiusut Kullorsuarmi sisamat, Nuussuarmi arfinillit, sermiligaami tallimat aamma Tiniteqilaami tallimat sananeqarput. Tamaginni Panbo Huse A/S suleqatigineqarpoq. Illut sanaqataaffiusut 25-t taakku pilertortumik sanaartorneqarput, tamatumalu kingorna ilaqutariit iserterlutik.

2004-mi aamma 2005-imi tamakkiisumik naliliinerup takutippaa, illut sanaqataaffiusut sananeqartussanngoraangata taarsigassarsiallit sanaqataasunik ikiorserneqarnissaat aamma ilitersuisartunit ikiorserneqarnissaat pingaaruteqartoq.

Tunumi 2005-imi sanaqataasut takutitsillu arnerpaapput, tassalu illup toqqavissaa illutassaalu ullut sisamaannaat atorlugit napparpaat. Tamatuma kingorna atorussat sialummut, anorimut, nittaallanut apummullu illersorniarlugit illussamut

matoriikkamut eqqussuunneqarsinnaalerput, sanataqataasullu illu inaarsarlugu aallartissinnaalerpaat.

Nunap karsiata illuliassanut sanaqataaffiusunut aningaasartuutissaat Nunap karsiata nammineerluni illuliassanut aningaasartuutaanit qaffasinnerunissaat naatsorsuutigineqarpoq, sanaqataasunik ikiorteqarnermut ilitserorneqartarnermullu aningaasartuutissat qaffannerat peqqutigalugu. Inatsisartut ukiumoortumik aningaasanut inatsisaanni aningaasaliissutissat 2007-imi allannguuteqartinneqannginnissaat siunnerfigineqassappat, naliliineq malillugu illut sanaqataaffiusut aningaasaliiffigineqartut amerlassusaasa appariaateqarnerinik tamanna kinguneqassaaq, tamannalu Naalakkersuisut sanaqataasussanut taarsigassarsiarititaasa isertitat apeqqutaatillugit assigiinngisitaartumik annertussusilerneqartalerneqisigut aaqqiivigineqarsinnaassagunarpoq. Kiisalu illut sanaqataaffiusut naammassineqartartut amerlanerulerpata isumalluutinik atorluanerup pitsaanerulernissaa naatsorsuutigineqarpoq.

Taarsigassarsititsisarnermi aaqqissuussineq, taarsigassarsiallit ataasiakkaat pisariaqartitaannut annertunerusumik naleqqussagaasoq siuarsarniarlugu, sanaqataaffiusunik illuliortiternermik aaqqissuussinermut Naalakkersuisut taarsigassarsiaritittagaannut isertitat apeqqutaatinneqartalerput.

Takussutissiaq 7-imi taarsigassarsinissamik qinnuteqartup ukiumut isertitai Naalakkersuisut taarsigassarsiarititassaannut taarsigassarsinissamillu qinnuteqartup nammineerluni akiligassaanut qanoq sunnuteqartassanersut procentinngorlugu takutinneqarpoq.

*Takussutissiaq 7: Taarsigassarsinissamik qinnuteqartup isertitai, Naalakkersuisut taarsigassarsiarititassaat aamma taarsigassarsinissamik qinnuteqartup aningaasalersuinissamut nammineerluni akiligassai*

Isertitat	Taars. %- inngorl.	Namm. akiligassat %- inngorl.
0 - 180.000	95	5
180.001 - 195.000	90	10
195.001 - 210.000	85	15
210.001 - 225.000	80	20
225.001 - 240.000	75	25
240.001 - 255.000	70	30
255.001 - 270.000	65	35
270.001 - 285.000	60	40
285.001 - 300.000	55	45
300.001 - 315.000	50	50
315.001 - 330.000	45	55
330.001 - 345.000	40	60
345.001 - 360.000	35	65
360.001 - 375.000	30	70
375.001 - 390.000	25	75
390.001 - 405.000	20	80
405.001 - 420.000	15	85
420.001 - 435.000	10	90
435.001 - 450.000	5	95
450.001 - .....	0	100

Sanaqataasarnermik aqqissuussineq siunnersuutigineqartoq taarsigassarsiallip illuliortiternernut aningaasalersuisarneq pillugu Inatsisartut peqqussutaanni maleruagassat malillugit inissianik sanaartornermut aningaasalersuinissamut periarfissaqarnera peqatigalugu ingerlasussaavoq, taamaattumillu isertitanut agguataarisarnissap siuliani siunnersuutigineqartup kingunerisaanik, inuit 345.000 koruunit sinnerlugit ukiumut isertitaqartartut sanaqataasarnermik aqqissuussinermik atuinninnissaat naatsorsuutigineqarpoq.

Qinnuteqartoq ukiumut 345.000 koruunit sinnerlugit isertitaqarsimaguni, sanaqataasarnermik aqqissuussineq malillugu 35%-inik erniaqanngitsunik akilersugassaanngitsunillu, ukiuni 33-ni nalikillisikkiartuaarneqartussanik taarsigassarsitinneqassaaq, akerlianillu illuliortiternernut aningaasalersuisarnermut aqqissuussineq malillugu qinnuteqartoq pisortanit 40 procentinik taarsigassarsitinneqarsinnaassalluni. Taarsigassarsiat illuliortiternernut aningaasalersuisarneq pillugu Inatsisartut peqqussutaat atuuttoq naapertorlugu ukiuni 20-ni erniaqartinneqanngillat akilersugassaanatillu, tamatumalu kingorna taarsigassarsiat ernialersorneqalissapput ukiunilu 15-ini angeqqatigiinnik aningaasartalerlugit akilersorneqartussaallutik.

### **3.4 Ineqarnermut Attaveqarnermullu Pisortaarfik aamma A/S Inissiaatileqatigiiffik INI**

Peqqussutissat siunnersuutip atuutsinneqalenera Ineqarnermut Attaveqarnermullu Pisorta qarfirmi aamma A/S Inissiaatileqatigiiffik INI-imi allaffissornikkut oqiliallaataangaatsiartussat nalilerneqarpoq, taamatullu siunissami akiliutinik akiligassanngortinneqartunik akiliisitsiniartarnerup allaffissornikkut suliariuminarnerulernissaa naatsorsuutigineqarluni.

2001-imi ukiakkut A/S Inissiaatileqatigiiffik INI-p 2000-imi piffissani akiliiffissani akiligassiissutigineqartut naatsorsuiffigai. Naatsorsuinermi paasineqarpoq

- Taarsigassarsiallit 36 %-ii akilinngitsuukkanik akiitsoqanngitsut, tassalu piffissaq eqqorlugu akiligassaminnik akiliisarsimasut
- Taarsigassarsiallit 13 %-ii piffissami akiliiffissami ataasiinnarmi akiligassaminnik kinguaattooqqasut, kiisalu
- Taarsigassarsiallit 51 %-iisa piffissani akiliiffissani akiligassaat akiitsutut akilinngitsuukkatut "uninngatinneqartut".

2002-mi paasissutissat pissarsiarineqartut tunngavigalugit imatut takussutissiortoqarsinnaavoq:

- Taarsigassarsiallinit 1.560-it 2002-mi ukiumut akileraaruteqaataasussanik 180.000 koruunit inorlugit isertitaqarsimapput. Taakku taarsigassarsiaat katillugit 2.138-iupput, akiitsut sinneruttut katillugit 300 mio. koruunit sinnilaarlugit annertussuseqarlutik.
- Taarsigassarsiallinit 2.554-it 2002-mi ukiumut akileraaruteqaataasussanik 280.000 koruunit inorlugit isertitaqarsimapput. Taakku taarsigassarsiaat katillugit 3.517-iupput, akiitsut sinneruttut katillugit 568 mio. koruunit sinnilaarlugit annertussuseqarlutik.

2004-mi decembarimi A/S Inissiaatileqatigiiffik INI Ineqarnermut Attaveqarnermullu Pisorta qarfirmut paasissutissiivoq, inissianik piginnittut Naalakkersuisunut taarsigassarsiaqartut 1.880-it taarsigassarsiaminnik sumiginnaasimasut, tamatumalu kingunerisaanik taarsigassarsiallit 1.880-it taarsigassarsiaat tamakkerlutik akiligassanngortinneqarsimasut. Taarsigassarsiallit tamarmik pingajorarterutaat akilinngitsuukkaminnik akiitsoqarnerat imminermini toqqissisimananngilaq. Tamannalu aamma allaffissornikkut toqqissisimanartuunani.

2004-mi ukiakkut ataatsimiinnermi Nunap Karsiata 2003-mut naatsorsuutaasa imm. 11-tut suliarineqartut aappassaanneerreqarnerannut Naalakkersuisut akissuteqaamminni oqaatigisaattut, akiliutinik akiligassanngortitanik akiitsullu sinnerinik pinngitsaaliilluni akiliisitsiniarneq avissaartuuffiusunik nassataqarpoq.

Ilaqtariinik inissiamit Naalakkersuisunit taarsigassarsititsivigineqarsimasumit anisitsinermi inisseeqinnissamik pisussaaffiliisumik malittarisassiuussisoqarsimanngikkaluartoq, Kalaallit Nunaanni Politimesteri Kalaallit Nunaanni eqqartuussisaaseq pillugu inatsimmi kap. 7-imi § 18-imi aalajangersagaq malillugu aalajangersimasumik suleriaaseqalersimavoq, taannalu malillugu *"Eqqartuussummik naammassitsiniaasartup anisitsinissamik piumasagaat itigartissinnaavaa, akiitsulik imaluunniit akiitsullip inoqutai*

*tamatumuunakkut inissaarutissappata, aammalu pissutsit allat suliap naammassinissaanut akerliuppata".* Politimesterip suleriaasia Inatsisunik atuutsitsinermut ministeriaqarfimmit akuerisaavoq, tamannalu kingullermik allakkatigut 19. december 2003-meersutigut nalunaarutigineqarpoq.

Nunaqarfinni arlaqartuni illoqarfinnilu ataasiakkaani inisseeqqinnissamut periarfissaqanngilaq. Ajornerpaamik pisoqartillugu tamatuma nassatarisaanik taarsigassarsialik akilinngitsuukkaminik akiitsoqarnini peqqutigalugu inissiamut anisitaaffigisaminut inisseeqqinneqartariaqartarpoq. Tamanna akiliisitsiniartarnermut anguniakkamik nukillaarsaataavoq, tamatumalu peqatigisaanik taarsigassarsialinnut pisussaaffimminnik naammassinnittartunut mamiatsannartutut sunniuteqarsinnaalluni.

Matuma kinguliani takussutissiami akilinngitsuukkanik akiitsullit amerlassusaat aammalu peqqussummi atuuttumi kapitali 4 naapertorlugu ineqarnermut taarsigassarsianut akiitsut akilinngitsuukkat tamakkiisut takussutissiorneqarput, tassanilu peqqussummi atuuttumi kapitali 5 naapertorlugu nammineerluni illuliassanut taarsigassarsisimasut ilaatinneqanngillat. Tamatuma peqatigisaanik taarsigassarsialinnit qanoq amerlatigisut eqqartuussivitsigut akiliisinniarneqartut takuneqarsinnaapput.

Takussutissiaq 8: Kapitali 4 naapertorlugu taarsigassarsianut akilinngitsuukkanik akiitsullit aamma eqqartuussivitsigut akiliisinniarneqartut amerlassusaat

<b>Illoqarfik / Nunaqarfik</b>	<b>Taars. akilinngitsuukkanik akiitsullit</b>	<b>Akiitsut akilinngitsuukkat 1.000 kr.-inngorlugit</b>	<b>Eqqartuussivinnut suliakkiissutigineqartut</b>
<b>Nanortalik</b>	107	5.175	34
Aappilattoq	15	1.247	9
Narsarmijit	6	529	3
Tasiusaq	3	181	2
Ammassivik	4	158	3
Alluitsup Paa	35	2.043	20
<b>Qaqortoq</b>	50	2.324	7
Saarloq	5	339	3
Eqalugaarsuit	5	153	0
Qassimiut	2	146	0
<b>Narsaq</b>	82	3.875	35
Upernaviarsuk	1	9	0
Igaliku	3	97	1
Qassiarsuk	7	408	3
<b>Paamiut</b>	42	1.013	3
Arsuk	22	1.419	6
<b>Nuuk</b>	26	1.250	10
Qeqertarsuatsiaat	18	605	8
Kapisillit	0	0	0

<b>Maniitsoq</b>	40	1.498	13
Atammik	8	820	2
Napasoaq	9	717	4
Kangaamiut	6	914	7
<b>Sisimiut</b>	100	4.038	21
Itilleq	8	355	2
Sarfannguaq	1	6	0
Kangerlussuaq	2	29	0
<b>Kangaatsiaq</b>	44	2.810	13
Iginniarfik	1	1	0
Ikerasaarsuk	2	365	0
Attu	12	916	4
Niaqornaarsuk	7	226	4
<b>Aasiaat</b>	102	3.493	26
Kitsissuarsuit	4	14	0
Attu	5	108	1
<b>Qasigiannuit</b>	65	1.261	21
Ikamiut	6	56	1
<b>Iulissat</b>	93	1.331	5
Saqqaq	11	70	0
Ilimanaq	2	32	0
<b>Qeqertarsuaq</b>	85	2.594	15
Kangerluk	2	208	2
<b>Ummannaq</b>	142	8.055	38
Niaqornat	2	8	1
Qaarsut	4	48	2
Ikerasak	19	558	7
Saattut	9	418	5
Ukkusissat	13	968	3
Illorsuit	3	50	0
Nuugaatsiaq	1	13	0
<b>Upernavik</b>	129	4.935	21
Upernavik Kuj.	7	265	1
Kangersuatsiaq	8	734	2
Aappilattoq	6	354	3
Tasiusaq	10	353	2
Nuussuaq	5	39	0
Kullorsuaq	8	63	1
Naajaat	2	10	0
Innaarsuit	10	332	2
<b>Qaanaaq</b>	49	3.276	7
Savissivik	2	18	0

Siorapaluk	2	18	0
Moriusaq	3	310	0
Qeqertat	0	0	0
<b>Tasiilaq</b>	79	2.321	13
Sermiligaaq	10	721	2
Isortoq	2	81	0
Kulusuk	16	671	3
Tiniteqilaaq	9	436	0
Kuummiut	22	1.404	3
<b>Ittoqqortoormiit</b>	37	2.573	23
Ittaajimmiit	3	191	3
<b>Katillugit</b>	<b>1.660</b>	<b>72.056</b>	<b>430</b>

Tassani taarsigassarsiat 1.660-it, katillugit 51 mio. koruunit sinnilaarlugit akilinngitsuukkanik akiitsoqarfiusut pineqarput.

Peqqussutissatut siunnersuut pissutsit nassuiarneqartut saniatigut pisortanut aningaasaqarnikkut allaffissornikkullu sunniuteqartussatut naatsorsuutigineqanngilaq.

#### **4. Inuussutissarsiornermut aningaasaqarnikkut allaffissornikkullu sunniutissat**

Peqqussutissatut siunnersuut illuliassat sanaqataaffiusut sanaartorneqarnerinut atatillugu ilinniarsimasunik sulisussarsiornerup annertusinissaata naatsorsuutigineqarnerata saniatigut inuussutissarsiornermut aningaasaqarnikkut allaffissornikkullu sunniuteqarnissaa naatsorsuutigineqanngilaq.

#### **5. Innuttaasunut aningaasaqarnikkut allaffissornikkullu sunniutissat**

Peqqussutissatut siunnersuut sanaqataasunut, ukiumut akileraaruteqaataasussanik 180.000 koruunit sinnerlugit isertitaqartartunut aningaasaqarnikkut sunniuteqarnissaa naatsorsuutigineqarpoq, peqqussutissatut siunnersuut malillugu taarsigassarsiarititassanut inoqutigiit ukiumut isertitaat akileraaruteqaataasussat apeqqutaasartussaammata.

Peqqussutissatut siunnersuutip innuttaasunut allaffissornikkut sunniuteqarnissaa naatsorsuutigineqanngilaq.

#### **6. Avatangiisinut pinngortitamullu sunniutissat**

Peqqussutissatut siunnersuut avatangiisinut pinngortitamulluunniit sunniuteqartussatut naliliiffigineqanngilaq.

#### **7. Sunniutaasinnaasut allat annertuut**



Peqqussutissatut siunnersuut sunniutissanik allanik annertuunik nassataqartussatut naliliiffigineqanngilaq.

## **8. Pissutsit Naalagaaffeqatigiinnermut namminersulernissamullu tunngasut**

Peqqussutissatut siunnersuut Naalagaaffeqatigiinnermut imaluunniit namminersulerniarluni sulianut sunniuteqartussatut naliliiffigineqanngilaq.

## **9. Oqartussaasunut kattuffinnullu il.il. tusarniaaneq**

Peqqussutissatut siunnersuummut missingiuut Aningaasaqarnermut Pisortaqaarfimmut, Akileraartarnermut Pisortaqaarfimmut, Inuussutissarsiornermut Pisortaqaarfimmut, A/S Inissiaatileqatigiiffik INI-mut, Iserit A/S-imut, KANUKOKA-mut, KANUNUPE-mut aamma SIK-mut tusarniaassutigineqarpoq.

Aningaasaqarnermut Pisortaqaarfik, Akileraartarnermut Pisortaqaarfik, Inuussutissarsiornermut Pisortaqaarfik, A/S Inissiaatileqatigiiffik INI aamma KANUKOKA tusarniaanermi akissuteqarput.

Teknikkikkut kukkunerit, kiisalu oqaatsitigut kukkunerit amigaatillu, tusarniaaffigineqartut maluginiaqqusaat iluarsineqarput. Taakkununga tunngatillugu sukumiinerusumik nassuiaateqarnissaq pisariaqanngilaq.

Kisiannili missingiuutip najoqqutassartamigut imaanut tunngatillugu tusarniaaffigineqartut eqqumaffigeqqusaat matuma kinguliani pingaarnersiorlugit issuarneqarput oqaaseqarfigineqarlutillu. Siunnersuutip tulleriaarneqarnera malillugu tusarniaanermi akissutit oqaaseqarfigineqarnissaat Ineqarnermut Attaveqarnermullu Pisortaqaarfimmiit naleqqunnerpaatut isumaqarfigineqarpoq.

Siunnersuut ataatsimut isigalugu

A/S Inissiaatileqatigiiffik INI-mit "BSU-mit taarsigassarsilluni illuliaq" qanoq isumaqarnersoq ersernerluttutut isumaqarfigineqarpoq. Oqaaseqaatini nalinginnaasuni imm. 1-ip ataani tamanna nassuiaateqarfigineqarpoq.

Siunnersuummi § 1-imut

A/S Inissiaatileqatigiiffik INI isumaqarpoq, illunik sanaqataaffiusunik alliliisarnissaq aalajangersakkamut ilaatinneqartariaqartoq. Ineqarnermut Attaveqarnermullu Naalackersuisoqarfiup illunik sanaqataaffiusunik alliliinissamut taarsigassarsititsisarnissaq kissaatiginngilaa, taamaattumillu aalajangersakkap oqaasertaliornera allanngortinneqanngilaq.

Siunnersuummi § 6-imut (siunnersuummi tusarniaassutigineqartumi § 4)

A/S Inissiaatileqatigiiffik INI-miit aalajangersakkamut "Naalackersuisut allamik aalajangiisimatinnagit" ilanngunneqarnissaa kissaatigineqarpoq. Ineqarnermut Attaveqarnermullu Naalackersuisoqarfik oqaasertassatut toqqarneqareersup

allanngortinneqannginnissaanik aalajangiivoq, aalajangersakkakut sanaartorerup aallartinninnerani peqqussutissatut siunnersuut manna malillugu Naalakkersuisut taarsigassarsititsissanersut tapiissuteqassanersulluunniit pillugu Naalakkersuisut suliaqarnerisa aalajangiinissaasalu naammassineqartarnissaa qulakkeerneqartussaammat.

Siunnersuummi §§ 13, imm. 3-mut aamma 14, imm. 1, nr. 1-imut (siunnersuummi tusarniaassutigineqartumi §§ 10, imm. 3 aamma 11, imm. 1, nr. 1)

A/S Inissiaatileqatigiiffik INI-miit Naalakkersuisut qinnuigineqarput, inigisap annertussusissaasa minnerpaaffissaasa annertusineqarnissaat, taamaalillunilu inissiat ullutsinnut naleqqunnerusumik atorneqarnissaasa qulakkeerneqarnissaa eqqarsaatigeqqullugu. Assersuutigalugu inissiap minnerpaaffissaa 20 kvadratmeterimut aalajangernagu 25 kvadratmeterimut aalajangerneqartariaqarpoq. Ineqarnermut Attaveqarnermullu Naalakkersuisoqarfimmiit annertussusissanut killiliussaareersut attatiinnarnissaat aalajangiuisimaannarneqarpoq. Kommunit ilinniartunut inissianik, pisarneq malillugu mikisunnguusartunik sanaartornissamut tapiiffigineqarnissamik periarfissaqarnissaat tamatumunnga tunngavigineqarpoq. Ilinniartunut inissiani ini ataasiinnaasarpoq, taamaattullu initut mikisumik igaffitalittut, immaqalu aamma sinittarfittut atorneqartarput, taakkulu saniatigut inissiaq uffarfeqartarpoq.

Siunnersuummi § 20-mut (siunnersuummi tusarniaassutigineqartumi § 16, imm. 2)

KANUKOKA isumaqarpoq, pilersaarusionerq tapiissutinut ilaanersaq erseqqissarneqartariaqartoq. Aalajangersagaq allanngortinneqarpoq, taamaalillunilu suut tapiissutinut ilaanersut erseqqissumik allassimalerpoq. Illut qanoq ittut kommunit illuutaattut ataatsimoorussatut tapiiffigineqartassanersut pillugit Naalakkersuisut maleruagassiorsinnaareermata, pilersaarusionissaq pisariaaruttussaavoq.

Siunnersuummi § 29-mut (siunnersuummi tusarniaassutigineqartumi § 25)

KANUKOKA isumaqarpoq, erniat ukiut ataasiakkaarlugit iluarsineqartarnissaat naleqqunnerpaassasoq. Naalakkersuisut taarsigassarsiat aalajangersimasumik erniaqartinneqarnissaat kissaatigaat, taamaattumillu aalajangersakkap oqaasertai allanngortinneqanngillat.

Siunnersuummi § 31-mut (siunnersuummi tusarniaassutigineqartumi § 27)

A/S Inissiaatileqatigiiffik INI-mit uparuarneqarpoq, Kalaallit Nunaanni eqqartuussisaaseq pillugu inatsimmi akiliisitsiniartartut akileeqqusissutinut akitsuutiniq akiliisitsiniarnissamut erseqqissumik tunngavissinneqarsimanngitsut, taamaattumillu siunnersuutigineqarpoq aalajangersakkami oqaaseqaatigiinnilu akiliisitsiniartartut akileeqqusissutinut akitsuutiniq akiliisitsiniarsinnaanerit erseqqissarneqassasoq. Aalajangersagaq imm. 2-mik ilaneqarpoq, tassanilu akileeqqusissutinut akitsuutit akiligassatut taarsigassarsianut ilaasutut isigineqartussaasut allassimavoq. Aalajangersakkamut oqaaseqaatini taassuma

atuutilertera ilaatigut akileeqqusissutitut akitsuutit akiitsunut akilinngitsuukkanut ilanngullugu akiliisitsiniartartunit akilersinneqartussaamera nassuiarneqarpoq.

#### Siunnersuummi tusarniaassutigineqartumi § 28

A/S Inissiaatileqatigiiffiup najugaqartussaataaernerup maannamit allaanerusumik nassuiarneqarnissaa pisariaqartutut isigaa, taarsigassarsiallit ilaat piffissap ilaani suliffissaqarumallutik sumiiffimmi allami najugaqarnissartik toqqartarmassuk. Siunnersuummi tusarniaassutigineqartumi § 28-mi najugaqartussaataaneq peerneqarpoq. Tassunga taarsiullugu siunnersuummi § 35-mi nr. 6-imi maleruagassamik ilanngussisoqarpoq, taannalu malillugu Naalakkersuisunit taarsigassarsiarititat taarsigassarsiallip Naalakkersuisunit akuerineqaqqaarani inissiamit nuunnerani imaluunniit inissiamik allamut attartortitsinerani akiligassanngortinneqartassapput. Oqaaseqaatini taarsigassarsiallip inissiamit nuunnerani allamulluunniit attartortitsinerani Naalakkersuisut qaqugukkut akuersissuteqartarnissaat nassuiarneqarpoq.

#### Siunnersuummi § 38-mut (siunnersuummi tusarniaassutigineqartumi § 34)

A/S Inissiaatileqatigiiffik INI isumaqarpoq, Naalakkersuisut inissiamik inisseeqqiffissatut atuisarnissamut inatsisitigut tunngavissaqartariaqartut. Tamanna tunngavigalugu aalajangersagaq allanngortinneqarpoq.

A/S Inissiaatileqatigiiffik INI-mit Naalakkersuisut qinnuigineqarput, illuliortiternernut aningaasalersuisarneq pillugu Inatsisartut peqqussutaanni maleruagassanik atuinikkut Naalakkersuisut inissiamik tunisisassanersut eqqarsaatigeqqullugu. Naalakkersuisuniit tamanna soqutigineqanngilaq, illuliortiternernut aningaasalersuisarneq pillugu Inatsisartut peqqussutaat naapertorlugu taarsigassarsititsisarnissaq, tamatumalu peqatigisaanik peqqussut manna naapertorlugu taarsigassarsititsisarnissaq Naalakkersuisut kissaatiginngimassuk.

KANUKOKA isumaqarpoq, inissiaq siunertaasumut atorneqaannarsinnaajunnaartillugu isaterneqartassasoq, tak. nunaminertanik atuinissamut inatsit. Ineqarnermut Attaveqarnermullu Naalakkersuisoqarfik isumaqanngilaq, siunnersuummi § 38, imm. 3 nunaminertanik atuinissamut inatsimmut naapertuutinngitsoq.

#### Siunnersuummi § 45-mut (siunnersuummi tusarniaassutigineqartumi § 41)

KANUKOKA isumaqarpoq, tapiissuteqartarnermi aningaasassarititaasut 100.000 koruuniniit minnerpaamik marloriaammut, soorlu 250.000 koruuninut qaffanneqartariaqartut. Ineqarnermut Attaveqarnermullu Naalakkersuisoqarfik tamatumunnga isumaqataanngilaq. Tassani tapiissutit pineqarput, taarsigassarsiarititassat pineqaratik. Kiisalu taarsigassarsiallip inissiami najukkamini iluarsaassinissaq, alliliinissaq nutarterinissarlunniit nammineq aningaasalersorniarnarlugu nammineerluni aalajangertussaavaa.

Siunnersuummi § 46-mut (siunnersuummi tusarniaassutigineqartumi § 42)

KANUKOKA isumaqarpoq, nutaanik taarsigassarsinissamut ukiunut tallimanut killiliussamit allangortiterinerit, nutarterinerit assigisaallu pisortani oqartussaasunit peqqussutigineqartut inassutigineqartullu peerneqartariaqartut. Ineqarnermut Attaveqarnermullu Naalakkersuisoqarfik tamatumunnga isumaqataaangilaq. Pisortat oqartussaasut atortulersuutinik aalajangersimasunik peqqussuteqartut, soorlu kommuni inissiap kuuffeqarfimmut attavilerneqarnissaanik peqqussuteqartoq, peqqussuteqarnerminut atatillugu tamatumunnga aningaasanik illuartitsisinnaasariaqarpoq.

Siunnersuummi § 56-imut (siunnersuummi tusarniaassutigineqartumi § 46, imm. 2.)

KANUKOKA-mit oqaatsip nunaminertamik inniminniisarnerup nunaminertat pillugit nalunaarummi ilaannginnera erseqqissaatigineqarpoq, taamaattumillu oqaatsip taassuma peqqussutikkut ersarissarneqarnissaa KANUKOKA-p inassutigaa. Oqaaseq aalajangersakkamut oqaaseqaatini erseqqissaavigineqarpoq.

### **Peqqussutissatut siunnersuummi aalajangersakkanut ataasiakkaanut oqaaseqaatit**

#### *§ 1-imut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 1-imut taartaalluni. Aalajangersakkami nr. 1 oqaasertamigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi nr. 1-ip assigaa, kiisalu aalajangersakkami nr. 2 nutaajulluni. Aalajangersakkami nr. 3 aamma 4 najoqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi nr. 2-p assigaa. Inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi nr. 3 atorunnaarpoq.

Nr. 1-imut

Aalajangersakkami nr. 1 naapertorlugu peqqussutissatut siunnersuut kommunit inissianik attartortittakkanik sanaartornerannut Namminersornerullutik Oqartussat tapiissuteqartarnerannut atorneqassaaq. Kommunit inissianik attartortittakkanik sananerminni illunik ilaqutariinnut ataatsinut inissianik illunillu affarleriinnik, illunik uiguleriinnik, illunik uigulukuttunik inissiarsuarnilluunniit sanaartussanerlutik nammineerlutik aalajangersinnaavaat. Taarsigassarsititsisoqarani

tapiissuteqartoqartassaaq, tassalu aningaasat taakku Namminersornerullutik Oqartussanut akilersorneqassanngillat.

Nr. 2-mut

Kiisalu kommunit aamma kommunit illuutaannik ataatsimoorussanik sanaartornissamut tapiiffigineqarsinnaapput, tak. aalajangersakkami nr. 2. Taarsigassarsititsisoqarani tapiissuteqartoqartassaaq, tassalu aningaasat taakku Namminersornerullutik Oqartussanut akilersorneqassanngillat.

Nr. 3-mut

Peqqussutissatut siunnersuummi nr. 3 inissianik, Namminersornerullutik Oqartussanit taarsigassarsititsiviusimasunik pigisaqalernissamut, alliliinissamut pitsaangorsaaniissamullu tapiiffigineqarnissamut taarsigassarsitinneqarnissamulluunniit periarfissiivoq. Kisianni nutaatut inuit, inissianik nutaanik sananissamut taarsigassarsitinneqarsinnaajunnaarput, tassanili illut sanaqataaffiusut pineqanngillat.

Nr. 4-mut

Kiisalu peqqussutissatut siunnersuummi nr. 4 illunik sanaqataaffiusunik pigisaqalernissamut tapiiffigineqarnissamik taarsigassarsitinneqarnissamilluunniit periarfissiivoq. Illunut sanaqataaffiusunut nassuiaatit sukumiinerusut pillugit siunnersuummi § 48-mut nassuiaatit innersuussutigineqarput.

#### *§ 2-mut*

Imm. 1 nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 2, imm. 2-p immikkoortuanut siullermut, § 10, imm. 4-p immikkoortuanut siullermut, § 10, imm. 5-ip immikkoortuanut siullermut, kiisalu § 21b, imm. 1-ip immikkoortuanut siullermut aammalu § 21b, imm. 3-p immikkoortuanut siullermut taartaalluni, kiisalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 2, imm. 2-mi immikkoortup tullia pingajuallu atorunnaarput.

Imm. 2 nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi, § 10a, imm. 1-p immikkoortuanut siullermut aamma § 10a, imm. 4-p immikkoortuanut siullermut, kiisalu § 21a, imm. 2-p immikkoortuanut siullermut aamma § 21a, imm. 3-p immikkoortuanut siullermut taartaalluni, kiisalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 21a, imm. 1 atorunnaarpoq.

Imm. 3 nutaajuvoq.

Imm. 1-imut

Siunnersuummi imm. 1-ip atuutilerneratigut peqqussutissatut siunnersuut naapertorlugu tapiiffigineqarnissamut taarsigassarsinissamullu qinnuteqaatit qanorluunniit ittut allakkatigut Naalackersuisunut nassiunneqartassapput. Piffissap qanoq ilinerani qinnuteqaatip tunniunneqartarnissaanut piunasaqaateqartoqanngilaq, taamaattumillu tunniussisarneq ingerlaavartumik ingerlanneqassaaq. Tassanili illunik sanaqataaffiusunik sananissamut qinnuteqaatit pineqanngillat, qinnuteqaatit kingusinnerpaamik decembarip ulluisa aallaqqaataanni tiguneqarsimanissaat piunasarineqarmat, tamatumunngalu sanaqataaffiusumik illuliassat ukiukkut nassiunneqarnissaminnut piareersarneqartarnerat, taamaalillutillu upernaakkut sumiiffimmuut nassiunneqarsinnaanissaat, aammalu upernaap aasalluunniit ingerlanerani sananeqarsinnaanissaat peqqutaavoq. Tassalu illumik sanaqataasussap ukiup tulliani illuliassamik sanaqataaffiusussamik sananissamut taarsigassarsitinneqarnissani kissaatigiguniuk, qinnuteqaat kingusinnerpaamik decembarip ulluisa aallaqqaataanni Naalackersuisunut nassitussavaa.

Qinnuteqaat Naalackersuisunut nassiunneqassaaq, tamannalu Naalackersuisoqarfiup inissialiortiternermut, ataatsimoorussanik illuliortiternermut, illuliassanut il.il. tapersiissuteqartarneq pillugu Inatsisartut peqqussutaannik akisussaasuusup suliasamik isumaginnittussaananeramik paasineqassaaq.

Imm. 2-mut

Siunnersuummi imm. 2, akiliutit akiligassanngortinneqartut, akiitsut akilinngitsuukkat, akileeqqusinermut akitsuutit akiitsullu sinnerisa isumakkeerneqarnissaannik imaluunniit allanngortinneqarnissaannik qinnuteqaatinut tunngasuvoq.

Akiliutit akiligassanngortinneqarsimasut tassaapput, taarsigassarsiallip Namminersornerullutik Oqartussanut taarsigassarsiaminut akilersuutissai akiligassanngortinneqarsimasut, tassanilu pineqarpoq piffissaq Naalackersuisut taarsigassarsianut akileeqqusiffiat, piffissarlu eqqorlugu akiliinissamut ullussarititaq kingulleq sulii nallerneqarsimanngitsoq. Tassalu akiliutit akiligassanngortinneqartut piffissami pineqartumi akiliinissamut taarsigassarsiallip pisussaaffeqarneranut ersiutaapput. Piffissaq eqqorlugu akiliiffissamut ullussarititaasoq qaangerneqarpat, akiliutit akiligassanngortinneqartut tassaalissapput akiitsut akilinngitsuukkat.

Akiitsut sinneri tassaapput, taarsigassarsiallip Namminersornerullutik Oqartussanit taarsigassarsiaanit akiitsut sulii akiligassanngortinneqarsimanngitsut.

Imm. 3-mut

Aalajangersakkami imm. 3 tapiiffigineqartup imaluunniit taarsigassarsiallip Naalackersuisunit tunngavissaqanngitsumik pissarsiarisimasaminik utertitsinissamik pisussaaffeqarneranut tunngasuvoq. Utertitsinissamut piunasaqaat piffissami

qinnuteqarfiusumi, taamatullu piffissami taarsigassarsiat atuuffigisaani tamarmiusumi atuutsinneqarsinnaavoq. Aningaasat tapiiffigineqartumut taarsigassarsisumulluunniit tunngavissaqanngitsumik Naalakkersuisut tunniussimasaat, Naalakkersuisunit uterteqquneqarsinnaapput. Tapiiffigineqartoq imaluunniit taarsigassarsitinneqartoq assersuutigalugu isertitat inoqutigiinniluunniit inuit amerlassusaat pillugit paasissutissanik eqqunngitsunik tunniussisimasinnaavoq.

### *§ 3-mut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi, § 4, imm. 1-mut taartaalluni, kiisalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 4, imm. 2 atorunnaarpoq.

Qinnuteqartup inissiamik imaluunniit sanaartukkamik sananissamut, pigisaqalernissamut, alliliinissamut imaluunniit pitsanngorsaanissamut aningaasalersuinissamut aningaasartuutissanut tamakkiisunut aningaasartuutit suut ilanngussinnaaneraa aalajangersakkami aalajangersarneqarpoq. Aningaasartuutit aalajangersakkami taagorneqartut assersuutigalugu aningaaserivimmit taarsigassarsianik pilersitsinermut aningaasartuutitut, eqqartuussissuserisumut akiliutitut, illunik tuniniaasartumut akiliutitut, naqissusiinermut qularnaveeqqusiussaqaarluni taarsigassarsititsinermi allagartap nalunaarsorneqarneranut aningaasartuutitut, sanaartukkamik nakkutilliinermut aningaasartuutitut, kiisalu aningaasartuutitut sanaartornermut attuumassuteqartunut allanut tunngasuupput. Aningaasartuutissat attuumassuteqartut tamarmik ilanngunneqarnissaat qinnuteqartup akisussaaffigaa.

### *§ 4-mut*

Aalajangersagaq nutaajuvoq.

Aalajangersakkami inissiami inigisap annertussusaa qanoq naatsorsorneqassanersoq aalajangersarneqarpoq. Inigisap annertussusaaq naatsorsuinerup eqqortumik pinissaa pingaaruteqarpoq, tamanna assersuutigalugu Naalakkersuisut kommunit inissiaataannik attartortittakkanik sanaartornermut tapiissutaasa annertussusissaannut, aammalu Naalakkersuisut taarsigassarsiat allanik taarserlugit taarsigassarsititsinerini taarsigassarsiallip qaammammut akiliutissaasa minnerpaaffissaasa annertussusissaannut pingaaruteqarmat. Aalajangersakkami inissiami inissiap annertussusaa qanoq iliorluni naatsorsorneqassanersoq sukumiisumik nassuiarneqarpoq. Naqqup ataani, inimi quleriaani ataatsimi nalinginnaasuni, qaliani ininilu ataatsimoorussani inissiap annertussusaa immikkoortiterlugu nassuiaatigineqarpoq.

### *§ 5-imut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 3-mut najoqqutassatigut allannguuteqarluni assingusuulluni.

Aalajangersakkami sanaartornermut pilersaarusiormullu inatsimmut allamut naleqqiussilluni malittarisassiortoqarpoq, tassanilu siunertaavoq sanaartukkanut, sanaartornermut pilersaarusiormullu inatsimmut atuuttumut naapertuutinngitsunut Naalakkersuisut taapiissuteqartannginnissaasa taarsigassarsititsisannginnissaasalu qulakkeerneqarnissaa. Sanaartugaq sanaartornermut pilersaarusiormullu inatsimmut atuuttumut naapertuussimanngippat Naalakkersuisut sananermut, alliliinermut pitsanngorsaanernulluunniit taarsigassarsititsissanngillat. Tassani pingaartumik taarsigassarsiallip illuliornermut malittarisassanik aamma nunaminertanik atuinermit pilersaarusiormullu Inatsisartut peqqussutaanik malinninnissaa eqqarsaatigineqarpoq.

### *§ 6-imut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 7, imm. 4-mut taartaalluni.

Inissianut sanaartukkanullu, suliarinnittussamut isumaqatigiissusiorfioreersunut imaluunniit Naalakkersuisut suliamik aallartitsinnginneranni aallartinneqareersunut naammassineqareersunulluunniit taarsigassarsinissamik tapiiffigineqarnissamilluunniit qinnuteqaatinut Naalakkersuisut itigartitsisarnissaat aalajangersakkami qulakkeerniarneqarpoq.

Kisiannili Naalakkersuisut tapiissuteqarnissaat taarsigassarsititsinissaalluunniit sioqqullugu qinuteqartup sanaartukkap isikkussaa, inissisimaffissaa aningaasassaqarneralu misissuiffiginarlugu siunnersortimut isumaqatigiissusiorsimanissaa aalajangersakkami ajornartinneqanngilaq.

### *§ 7-imut*

Aalajangersagaq nutaajuvoq.

Aalajangersakkap atuutilerneratigut inissianik sanaartukkanilluunniit, inuussutissarsiutinik ingerlatsiviusunik ingerlatsiviususanillu sananissamut, pigisaqalernissamut, alliliinissamut pitsanngorsaanissamulluunniit taarsigassarsititsisoqarsinnaajunnaarpoq. Inuussutissarsiormi pineqarpoq inissiat sanaartukkalluunniit suliffeqarfittut inuussutissarsiormik ingerlatsivittut atornerqartut. Taamaattumillu inuussutissarsiutit inissiamit sanaartukkamilluunniit



tamakkiisumik taassumaluunniit ilaanit ingerlanneqartut tungavimmikkut taarsigassarsinissamut itigartitsivigineqartassapput. Taamaakkaluartoq inissiap annersaa najugaqarfittut atorneqarpat, inissiamit inuussutissarsiutinik namminersortunik annikinnerusunik ingerlatsisinnaaneq akuerisaavoq. Tikeraanut angerlarsimaffiit imaluunniit tikeraanut sinittarfiit, motel-it, cabin-it, akunnittarfiit assigisaallu najugaqarfiit avataaniittutut isigineqarput.

Inissiap annersaa najugaqarfittut atorneqartutut isigineqarnersoq pisuni ataasiakkaani Naalakkersuisut naliliisassapput. Pingaarnertut inissiami ini ataaseq sinnerlugu inuussutissarsiutinut namminersortunut atuisoqassanngilaq, assersuutigalugu ini ataasiinnaq nutserinermut atorneqarsinnaalluni. Ataatsimut isigalugu inissiami inuussutissarsiutinut namminersortut annikinnerusunut inissiap ilaannamininnguanit ingerlanneqarsinnaapput. Inuussutissarsiutinut namminersortunut allanut assersuutitut kukkunersuisarfiit pilerisaarusiortarfiillu minnerit, illumiit sullitanut attaveqarfiunerusartut, namminersortumik ulluunerani paaqqinnittarneq imaluunniit isikkanik passussisarfiit taaneqarsinnaapput.

#### *§ 8-mut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 6-imut taartaalluni.

Aalajangersakkami taarsigassarsialik tapiiffigineqartorluunniit peqqussutissatut siunnersuut manna malillugu taarsigassarsitinneqarnermini tapiiffigineqarnerminiluunniit minnerpaamik inissiamik sanaartukkamilluunniit ikuallattoornissamut anorersuarneranilu ajoqusernissamut sillimmasiinissamik pisussaaffilerneqarpoq. Taamaalilluni taarsigassarsiallip tapiiffigineqartulluunniit annertunerusumut matussusiisinnaasumik sillimmasiissanerluni nammineq aalajangersinnaavaa.

Taarsigassarsiallip tapiiffigineqartulluunniit minnerpaamik ikuallattoornissamut anorersuarneranilu ajoqusernissamut matussusiisinnaasumik sillimmasiinissaanut piunasaqaateqarneq, taarsigassarsititsisup tapiiffiginnittulluunniit inissiamik sanaartukkamilluunniit qularnaveeqqusiussaqarnissamik soqutigisaqarneranik aallaaveqarpoq. Ikuallattoornissamut anorersuarneraniluunniit ajoqusernissamut sillimmasiinissami pigisami aalaakkaasumi ikuallattoornissamut anorersuarneranilu ajoqusernissamut sillimmasiissutigineqartartoq nalinginnaasoq eqqarsaatigineqarpoq.

#### *§ 9-mut*

Aalajangersagaq nutaajuvoq, aammalu inatsisitigut inissisimaneq, allaffissornermi suleriaatsit atuuilereersimasoq erseqqissarniarlugu ilanngunneqarluni.

Aalajangersakkap atuutilerneratigut peqqussutissatut siunnersuut naapertorlugu qinnuteqartup tapiiffigineqarnissamut taarsigassarsitinneqarnissamullu neriorsuummik pissarsinissaq pisinnaatitaaffigilerpaa, taamaattumillu Naalackersuisut akuersisimatinnagit tapiiffigineqarnissamut taarsigassarsinissamulluunniit neriorsuummik tunniussinissaq pisinnaangilaq.

### *§ 10-mut*

Aalajangersagaq nutaajuvoq, aammalu ilaatigut inissialiortiternermut tapersiissuteqartarnek pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allanguuteqartinneqartumi § 10, imm. 6-imut, § 10a, imm. 6-imut aamma § 21a, imm. 4-mut, kommunit inissiaataannut attartortittakkanut tapiisarnek pillugu Namminersornerullutik Oqartussat nalunaarutaannut nr. 10-mut, 22. marts 1994-imeersumut aamma nammineerluni illuliat pillugit Ineqarnermut Attaveqarnermullu Pisorta qarfiup kaajallaasitaanut nr. 6-6-imut, 10. marts 1986-imeersumut taartaalluni.

#### Imm. 1-imut

Aalajangersakkami Naalackersuisut qinnuteqaatinik suliaqartarnermut maleruagassiorsinnaanerat tunngavilerneqarpoq. Paasissutissanut ilassutissanik piniartarnermi assersuutigalugu qinnuteqartup najugaatut inuit allattorsimaffianni nalunaarsukkanik imaluunniit qinnuteqartup ukiumut isertitai akileraaruteqaataasussat pillugit paasissutissanik Naalackersuisut piniarsinnaanerat pineqarpoq. Kiisalu immersugassanik qinnuteqarfissanik assigiissaakkanik sananissaq naleqquttutut Naalackersuisut isumaqarfigisinnaavaat, imaluunniit qinnuteqaammi pissutsit assigiinngitsut suut tulleriiarinermi pingaartinneqassanersut pillugit Naalackersuisut kissaateqarsinnaapput, taakkununga ilaallutik assersuutigalugu sumiiffinni pisortat inissiaataannik inoqanngitsuni peqartuni illunik sanaqataaffiusunik tunniussinissamut itigartitsisarnissaq, imaluunniit inunnut inissiamik pisortanit aningaasaleeqataaffiusumik allamik peqareersunut illumik sanaqataaffiusumik tunniussinissamut itigartitsisarnissaq.

#### Imm. 2-mut

Aalajangersakkap atuutilerneratigut namminersortut ingerlatsinerneq inatsisit tunngavigalugit suliaasanut aalajangiinissaat isumaqatigiissutigineqanngippat, Naalackersuisut suliaasanik aaqqiiniarnissaq pillugu assersuutigalugu A/S Inissiaatileqatigiiffik INI-mut, aningaaserivinnut, kommunit suliffeqarfinnuunniit isumaqatigiissuteqarsinnaapput.

Assersuutigalugu isumaqatigiissut taarsigassarsianik aqutsinerneq, taarsigassarsianik akiliisitsiniarnerneq, akiliutinik akiligassanngortinneqartunik isumakkeerinerneq allanngortitsinerneq, taarsigassarsiat allanik taarserlugit taarsigassarsititsinerneq, taarsigassarsianik inaarinerneq nalimmassaanermeq il.il. atatillugu sullissinerneq suliaassallu piareersarnerneq tunngasinnaavoq. Namminersornerullutik Oqartussat

pisassaannik akiliisitsiniarneq Akileraartarnermut Pisortaqarfimmit, pisortanut akiitsut akilinngitsuukkat akilersinniarneqartarneri pillugit Inatsisartut inatsisaannut pisortaqarfittut akisussaasuusumit isumagineqartassaaq. Inatsisartut inatsisaanni pissarsiassat ilaatigut peqqussutissatut siunnersuut manna tunngavigalugu pilersimasut pineqarput.

#### *§ 11-mut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkat allannguuteqartinneqartumi § 9, imm. 4-mut taartaalluni. Naalakkersuisut kapitali II naapertorlugu illulianik naliliisarneq pillugu Ineqarnermut Attaveqarnermullu Pisortaqarfiup kaajallaasitaata nr. 13.001-p, 17. august 1987-imeersup akuerineqarnissaanut piginnaatitsissut atorsimavaat. Kapitali II naapertorlugu illuliat inissianut peqqussutissatut siunnersuummi kapitali 4-mi pineqartunut assingusuupput. Kaajallaasitaq atuutsinneqarpoq, aammalu inissiap teknikkikkut aningaasaqarnikkullu naliliiffigineqarneranut naatsorsuineranut tunngasuulluni.

Aalajangersakkami inissiamik, peqqussutissatut siunnersuut manna tunngavigalugu sananeqarsimasumik imaluunniit inissialiortiternermut tapersiissuteqartarneq pillugu Inatsisartut peqqussutaat siusinnerusukkat atuuttuusimasoq tunngavigalugu sananeqarsimasumik taarsigassarsialimmiit Naalakkersuisut tigusinerannut atatillugu, inissiap naliliiffigineqarnissaanut kiisalu tunisinermut akiusup aalajangersarneqarnissaanut maleruagassanik aalajangersaanissamut Naalakkersuisut piginnaatinneqarput. Piginnaatitsissut assersuutigalugu niuernikkut akiusoq, teknikkikkut aningaasaqarnikkullu naligititaasoq naligititaasorluunniit alla atorlugu inissiap Naalakkersuisut tunissaneraat aalajangiiniarnermut atorneqarsinnaavoq, tassungalugu inissiap akeqanngitsumik tunniunneqarsinnaanera ilaavoq.

Suleriaatsit, Ineqarnermut Attaveqarnermullu Pisortaqarfiup kaajallaasitaanni nr. 13.011-mi, 17. august 1987-imeersumi aalajangersarneqartut tunngavigalugit teknikkikkut aningaasaqarnikkullu naligititaasoq naatsorsorneqassaaq. Teknikkikkut aningaasaqarnikkullu naliliisarnermi pingaarnertut inissiap inissisimaffia allatigullu alianaassutsikkut naligisinnaasaa eqqarsaatiginagu inissiap sanaqqinneqarnerata nalinga naatsorsorneqartarpoq.

#### *§ 12-imut*

Aalajangersagaq nutaajuvoq, ilaatigullu kommunit inissiaataannut attartortittakkanut tapiisarneq pillugu Namminersornerullutik Oqartussat kaajallaasitaannut nr. 10-mut, 22. marts 1994-imeersumut taartaalluni.

Aalajangersakkami tapiissutinik taarsigassarsiarititanillu tunniussisarnermut maleruagassiorsinnaanermut Naalakkersuisut piginnaatinneqarput. Assersuutigalugu tapiissutit taarsigassarsiarititallu ataatsikkut tunniunneqassanersut Naalakkersuisut

aalajangersinnaavaat, tassunga ilaallutik sanaartornerup nalaani naafferartumik tapiisarneq taarsigassarsitsisarnerlu. Naafferartumik piffissap ingerlanerani tunniunneqartartut aalajangersimasunik procentilernerqarsinnaapput, imaluunniit sanaartornerup ingerlanera malillugu assigiinngitsunik aningaasartaqartinneqarsinnaallutik. Aamma tapiissutit akilernerqartarnerat suliap ingerlanera malillugu tunniunneqartassanersut Naalakkersuisut aalajangersinnaavaat, taamaalillunilu suliassanut suli naammassineqanngitsunut tapiissuteqartoqartassanngilaq.

### *§ 13-imut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukut allannguuteqartinneqartumi § 7, imm. 1-imut aamma 2-mut najoqqutassatigut allannguuteqarluni assingusuulluni.

#### Imm. 1-imut

Aalajangersakkami kommunit inissiaataannik attartortittakkanik sanaartornermut Naalakkersuisut kommuninut tapiissuteqarsinnaanerat tunngavissinneqarpoq. Tapiissuteqarnissamut piumasarineqarpoq, kommunit inissianik sanaartortut angissusissatut piumasaqaatinik, aalajangersakkami aalajangersarneqartunik naammassinnissimanissaat. Tassani Nuup Kommuneanut tapiissutit aamma nunami kommunit sinnerinut tapiissutit immikkoortinneqarput.

#### Imm. 2-mut

Aalajangersakkami aningaasat qanoq amerlatigisut kommunit inissiaataannut attartortittakkanut tapiissutigineqartassanersut aalajangersarneqarpoq.

Tapiissutit annertussusaat inissiat annertussusaasa qaffakkiartornerat malillugit ikilisikkiartuaarneqartassapput, taamaalillunilu inissiap annertussusaani kvadratmeterit siulliit kvadratmeterinut kingullernut naleqqiullugu akisunerusarnerat sillimaffigineqarpoq. Tamatumunnga peqatigitillugu atortulersuutit tunngaviusut inissiani mikinerusuni inissianut anginerusunut naleqqiullugu akisunerusarput. Assersuutigalugu pingaaruteqarpoq igaffimmut uffarfimmulluunniit aningaasartuutissat 100.000 koruuniusut 60 imaluunniit 110 kvadratmeterinut agguarneqarsinnaanersut.

Inissianut assigiinngitsunut annertussusilinnut tapiissutit annertussusissaat matuma kinguliani takussutissiami takutinneqarput.

30 m <sup>2</sup>	291.000	0	0	0	291.000
35 m <sup>2</sup>	339.500	0	0	0	339.500
40 m <sup>2</sup>	388.000	0	0	0	388.000
45 m <sup>2</sup>	436.500	0	0	0	436.500
50 m <sup>2</sup>	485.000	0	0	0	485.000
55 m <sup>2</sup>	533.500	0	0	0	533.500
60 m <sup>2</sup>	582.000	0	0	0	582.000
65 m <sup>2</sup>	582.000	42.500	0	0	624.500
70 m <sup>2</sup>	582.000	85.000	0	0	667.000
75 m <sup>2</sup>	582.000	127.500	0	0	709.500
80 m <sup>2</sup>	582.000	170.000	0	0	752.000
85 m <sup>2</sup>	582.000	212.500	0	0	794.500
90 m <sup>2</sup>	582.000	212.500	40.000	0	834.500
95 m <sup>2</sup>	582.000	212.500	80.000	0	874.500
100 m <sup>2</sup>	582.000	212.500	120.000	0	914.500
105 m <sup>2</sup>	582.000	212.500	160.000	0	954.500
110 m <sup>2</sup>	582.000	212.500	200.000	0	994.500

#### Imm. 3-mut

Tapiissutissat kvadratmeterimut annertussusissaat aalajangersimasuuvog, taamaattumillu inissiat annertussusaanni kvadratmeterit siulliit kvadratmeterinut kingullernut naleqqiullugit akisunerunerat eqqarsaatigineqanngilaq.

Tamatuma Nuummi kommunip inissiaataanik attartortittakkanik kommunip sanaartorneranut ilanngunneqarsimannginneranut peqqutaasoq tassaavoq, amerlanerpaat piginneqatigiilluni inissianik imaluunniit inissianik illunilluunniit nammineq pigisanik sanaartornissaannik pisinissaannilluunniit Naalakkersuisut anguniagaqarnerat. Nuummut tapiissutit nunami kommunit sinnerinut tapiissutaasartunit naleqqiullugu ikilisinneqarnerisigut, illoqarfimmi ajornannginnerusumik inuinaat piginneqatigiilluni inissianik aamma inissianik illunillu nammineq pigisanik sanaartornissamut realkredit-imit taarsigassarsinissaannik periarfissaqarfiusumi Naalakkersuisut anguniagaat ersarinnerulersinneqarpoq. Inuinnarmut Nuummi najugaqartumut inissiamik nammineq pigisassamik sananissamut realkredit-imit taarsigassarsinissaq inunnt illoqarfimmi allani najugaqartunut naleqqiullugu ajornannginneruvoq, tassanissaq assersuutigalugu Qaqortoq, Sisimiut Ilulissallu pineqarput. Naalakkersuisut kvadratmeterimut ataatsimut 7.700 koruuninik tapiissuteqartarneranni aamma aningaasat taamatupajaaq amerlassuseqartut atorlugit piginneqatigiilluni inissianik inissianillu nammineq pigisanik, kvadratmeterimut 5.000 koruuninik aamma kvadratmeterimut 2.700 koruuninik Naalakkersuisunit taarsigassarsititsivigineqarsinnaasunik sanaartornermut Naalakkersuisut taarsigassarsititsisinnaanerit takussutissiorneqarpoq.

#### Imm. 4-mut

Aalajangersakkakut Naalakkersuisut tapiissutaasa minnerpaaffissaat annerpaaffissaallu aalajangersarneqarput. Aalajangersakkap atuutilerneratigut inissianut 20 kvadratmeterit inorlugit annertussuseqartunut Naalakkersuisut taarsigassarsititsisinnaajunnaarput. Kiisalu inissiat annertussusaannut annerpaamik 110 kvadratmeterinut Naalakkersuisut tapiissuteqarsinnaapput, tamatumani inissiaq anginerugaluarpalluunniit.

Inissiap annertussusaata 20 kvadratmeterinik minnerpaaffilerneqarneranut kommunit ilinniartunut inissianik sanaartornermut tapiiffigineqarnissamut periarfissaqarnerat peqquataatinneqarpoq. Ilinniartunut inissiaq ataatsimik initaqarpoq, initut atornerqarnermi saniatigut mikisumik igaffittaqartoq, kiisalu sinittarfittaqarsinnaalluni, taakkulu saniatigut inissiaq uffarfittaqarpoq.

#### *§ 14-imut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusuklut allannguuteqartinneqartumi § 7, imm. 3-mut taartaalluni.

#### *Imm. 1-imut*

Aalajangersakkami inissiami attartortittakkami init amerlassusissaannut, kiisalu kvadratmeterinngorlugit angissusissaannut piumasagaatit aalajangersarneqarput. Assersuutigalugu inissiaq pingasunik initalik minnerpaamik 60 kvadratmeteriussaaq annerpaamillu 85 kvadratmeteriussalluni.

Inatsisartut 2002-mi upernaakkut ataatsimiinneranni aalajangiiffigisassatut siunnersuutip nr. 94-ip: "Pisortat inissiaataasa attartortittakkat, inissiat Namminersornerullutik Oqartussat sulisuinut naatsorsuussat nalinginnaasumillu attartortittakkat ilanngullugit, angissusilerneqarnissaanni oqartussaassuttip Inatsisartunut tunniunneqarnissaanik aalajangiiffigisassatut siunnersuut", suliarineqarnerani oqallinneq tunngavigalugu angissusissanut killissarititit ilanngunneqaqqaarput. Aalajangiiffigisassatut siunnersuutip kingunerisaanik 2003-mi Inatsisartut upernaakkut ataatsimiinnerminni inissianik tapersiissuteqartarneq pillugu Inatsisartut peqqussutaannut allannguut, inissialiortiternermut tapersiissuteqartarneq pillugu Inatsisartut peqqussutaanik allannguneq pillugu Inatsisartut peqqussutaat nr. 4, 15. april 2003-meersoq akueraat, tassanilu piumasagaatit saqqummiunneqartut akuersissutigineqarput. Taamaattumik kvadratmeterinut killiliinermi, assersuutigalugu inissianik marlunnik angisoorsuarnik initalinnik, Nunap Karsianit ilaannaasumik aningaasalersorneqartunik sananissap pinngitsoortinneqarnissaanik Inatsisartut kissaateqarnerat tunngavigineqarpoq, aningaasat taakku atorlugit inissianik, assersuutigalugu pingasunik sisamanilluunniit initalinnik inissianik marlunnik angisuunik initalinniit, ilaqtariinnik annerusunik inissaqartitsinissamut naleqqunnerusunik sanasoqarsinnaammat.

Inigisap annertussusissaa inissianik attartortitsisarneq pillugu Inatsisartut peqqussutaanni aalajangersakkani sukkulluunniit atuuttuni inigisap annertussusissaannik naatsorsuisarnertulli naatsorsorneqassaaq.

Inissiaq marlunnik initalik tassaavoq, inissiaq ataatsimik sinittarfeqarlunilu ataatsimik inilik. Inissiaq pingasunik initalik tassaavoq, inissiaq ataatsimik inilik marlunnillu sinittarfilik. Inissiaq sisamanik initalik tassaavoq, inissiaq ataatsimik inilik pingasunillu sinittarfilik. Aamma inissiaq igaffittaqaassaaq imaluunniit ammaannartumik igaffeeraqassalluni, kiisalu perusuersartarfeqarsinnaalluni uffarfeqarsinnaalluniluunniit. Igaffik inilu inimi ataatsimuussappata, taanna initut ataatsit naatsorsuunneqassaaq. Tassalu inissiami marlunnik initalimmi inip aappaa sinittarfiusinaavoq aappaalu iniusinnaalluni igaffittalik. Taakku saniatigut perusuersartarfik uffarfilluunniit ilaassaaq.

Imm. 2-mut

Aalajangersakkap atuutilerneratigut inissiaq marlunnik amerlanerusunilluunniit initaqarpat, inissiap ilusilersorneqarnissaanut piunasaqaatit ilapput. Tassani inissiami inuit minnerpaamik 9 kvadratmeteriunissaat piunasarineqarpoq. Igaffiup imaluunniit inuit minnerpaamik 9 kvadratmeterinik annertussuseqartinneratigut piunasarineqartoq naammassineqarsinnaanngilaq. Inissiami ineqqamik ataatsimik, soorlu sinittarfimmik meeqqanulluunniit sinittarfimmik peqassaaq.

Imm. 3-mut

Aalajangersagaq imm. 1-imi aamma 2-mi piunasaqaatinik aalajangersarneqarsimasunik uniuissinnaanermut immikkut ittumik Naalakkersuisut akuersissuteqarsinnaanerannik imaqarpoq. Immikkut ittumik akuersissuteqartarnermi kommunit piunasaqaatinik uniuissamut tunngavilersuutaanik nalilersuineq tunngavineqassaaq. Immikkut ittumik akuersissuteqartarnermi kommunit inissiaataat attartortittakkat, kommunit inissiaataattut attartortittakkat nalinginnaasut, taamatullu kommunit sulisunut, soorlu distriktimi nakorsanut, kommunaldirekturinit, suliffeqarfinni pisortanut, inissiaataattut inissisimanerat eqqarsaatigineqassaaq. Kommunit immikkut ittumik akuerineqarnissamut itigartitaagaluaruni, kommunit Namminersornerullutik Oqartussanit tapiissutitaqanngiinnartumik inissiamik attartortittakkamik sananissaa akornusersimaneqanngilaq.

### *§ 15-imut*

Aalajangersagaq oqaasertamigut allannguuteqartinneqarluni inissialiortiternermut tapersiissuteqartarnek pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkat allannguuteqartinneqartumi § 8-mut assingusuvoq.

Aalajangersakkami kommunit inissiaataannik attartortittakkanik, Naalakkersuisunit tapiiffiqineqarlutik sananeqartussanik sanaartornermut sukumiinerusunik maleruagassiornissamut Naalakkersuisut piginnaatinneqarput. Piginnaatitsissut

kommunit inissiaataannut attartortittakkanut tapiissuteqartarneq pillugu Namminersornerullutik Oqartussat nalunaarutaani nr. 10-mi, 22. marts 1994-imeersumi atorneqarpoq.

Aalajangersagaq taanna malillugu Naalakkersuisut akinut piumasaqaatinik aalajangersaasinnaapput, tassunga aningaasartuutit, kommunit inissiaataasa attartortittakkat akiinut tamakkiisunut ilaasussat ilaatinneqarlutik. Kiisalu Naalakkersuisut suliassamut maleruagassanik aalajangersaasinnaapput, tassunga sanaartugassat tamakkiisumik imaluunniit immikkoortiterlugit suliakkiissutigineqassanersut ilaallutik. Tamatuma saniatigut Naalakkersuisut inissianik sanaartornissamut pilersaarusiortarneq pillugu maleruagassiorsinnaapput, tassunga pilersaarusiorderup nalaani kommunip inissiaataanik attartortittakkanik pisariaqartitsinerup annertusinera uppersarniarlugu kommunimi innuttaasut amerliartornerannik missiliummik kommunip suliaqarnissaa ilaalluni. Naalakkersuisut aamma sanaartugassat aquanneqarnerinut maleruagassiorsinnaapput, tassunga ilaalluni kommuni nammineeirluni sanaartukkamik aqutsisuusinnaanersoq, imaluunniit avataaniit sanaartornermut siunnersuisumik aqutsisoqarnissaaq piumasaqaataassanersoq.

Kiisalu Naalakkersuisut naatsorsuusiortarnermut maleruagassiorsinnaapput, assersuutigalugu sanaartukkap naammassineraniit piffissap qanoq sivisutigisup qaangiunnerani kommunip naatsorsuutini inaarutaasunik tunniussinissaa tassani pineqarluni.

Neqeroortitsisarnermut suliariumannittussarsiuussisarnermullu maleruagassanut tunngatillugu suliariumannittussarsiuussisarneq il.il. pillugu Inatsisartut inatsisaat nr. 3, 6. april 1992-imeersoq malinneqassaaq.

### *§ 16-imut*

Imm. 1 nutaajuvoq, aammalu ilaatigut inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 9, imm. 1-imut taartaalluni. Imm. 2 nutaajuvoq.

Imm. 1-imut

Aalajangersakkami kommunit inissiaataasa attartortittakkat, sananeqarnerminni Naalakkersuisunit tapiiffigineqarsimasut tunineqartarnerat allanullu atorneqartarnerat pineqarpoq. Tassani Naalakkersuisut inissiat tunineqarnissaannut aammalu najugaqarfittut atorneqarnerminnit allaanerusumut atorneqarnissaannut akuersissuteqarnissaaq piumasaqaatigineqarpoq. Tamatumunnga tunngavilersuutigineqarpoq, inissiat attartortittagassatut atorneqarnissaaq piumasaqaatigalugu Naalakkersuisut tapiissuteqarsimanerat.

Imm. 2-mut



Aalajangersagaq pineqaatissiisinaanermut aalajangersakkamik imaqarpoq. Inissiamik tunisinermi kommunalbestyrelsip aalajangersakkami imm. 1 malissimangippagu, Namminersornerullutik Oqartussat kommunip inissiaataanik attartortittakkanik tunisinermit pisassaas erngerlutik utertillugit akilerneqartussaapput. Namminersornerullutik Oqartussat tunisinermit pissarsiassaas Namminersornerullutik Oqartussat tapiissuteqarnerminni sanaartornermut naatsorsuutit tunngavigalugit aggorniliisimanerisa annertoqqataanik aggorniliinikkut annertussusilerneqassapput. Tassani kommunip tunisinermini qaffasinnerusumik akeqartitsinermini pissarsiarisimasinnaasai kommunip aningaasartuutigisimasaannit kiisalu inissiap attartortittakkap sananeqarnissaanut Namminersornerullutik Oqartussat tapiissutigisimasaannit amerlanerunersut apeqputaatinneqassanngilaq. Taamaalillunilu Namminersornerullutik Oqartussat tapiissutigisimasaannik utertitsinikkut pisuunnguallannissamik eqqarsartoqanngilaq.

Namminersornerullutik Oqartussat piimasaqaatimi naammassineqarnissaa naammassitissinnaavaa, kommunip Namminersornerullutik Oqartussanit pissarsiassarissinnaasa pissarsiariumaagassaasalu suulluunniit ajornaatsumik ilanngaatiginerisigut. Naalakkersuisunik oqarnermi Naalakkersuisut aammalu sullissiviit ingerlatsiviillu allat taassuma ataaniittut pineqarput.

#### *§ 17-imut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 9, imm. 2-mut aamma 3-mut taartaalluni.

Imm. 1-imut

Kommunit inissiaataanik attartortittakkanik, aalajangersakkami pisuni taaneqartuni Namminersornerullutik Oqartussanit tapersiiffigineqarlutik sananeqarsimasunik tunisinissamut Naalakkersuisut akuersissuteqarsinnaanissaanut aalajangersakkami killiliisoqarpoq.

Aalajangersakkami taamaallaat qanoq pisoqarnerani Naalakkersuisut tunisinissamut akuersissuteqarsinnaanersut maleruagassiorneqarpoq.

Aalajangersakkami kommunip inissiaataanik attartortittakkamik tunisinermit inatsisitigut tunngavissat suut imaluunniit atugassarititaasut suut tunngavigineqassanersut isummerfigineqanngilaq. Kommunilbestyrelsip kommunip inissiaataa attartortittagaq aalajangersakkami nr. 1 naapertorlugu attartortumut tunissappagu, tunisinissaq Namminersornerullutik Oqartussat kommunillu inissiaataanik attartortittakkanik inissiatut illutulluunniit nammineq pigisatut tiguisarneq pillugu Inatsisartut peqqussutaanni maleruagassat malillugit pissaq. Kommunilbestyrelsip kommunip inissiaataa attartortittagaq inoqanngitsoq aalajangersakkami nr. 2 naapertorlugu tamanut ammasumik tuniniaanikkut

annerpaamik neqerooruteqartumut tunissappagu, tunisinissaq  
isumaqatigiissuteqarsinnaanermut maleruagassat nalinginnaasut malillugit pissaaq.

Imm. 2-mut

Naalackersuisut tunisinissamik akuersissuteqarsinnaasimappata, tunisinermini  
iluanaarutit atorineqarsinnaannut aalajangersimasunik piunasaqaateqartoqarpoq.

Kommunalbestyrelsip tunisinermini iluanaarutissanit Namminersornerullutik  
Oqartussat pisassaannik utertitsinissaq aalajangiuppagu, tamanna  
Namminersornerullutik Oqartussat tapiissuteqarnerminni sanaartornermut  
naatsorsuutit tunngavigalugit aggorniliisimanerisa annertoqqataanik aggorniliinikkut  
pissaaq. Tassani kommunip tunisinermini qaffasinnerusumik akeqartitsinermini  
pissarsiarisimasinnaasai kommunip aningaasartuutigisimasaannit kiisalu  
Namminersornerullutik Oqartussat inissiap sananeqarnissaanut  
tapiissutigisimasaannit amerlanerunersut apeqqutaatinneqassanngilaq.  
Taamaalillunilu Namminersornerullutik Oqartussat tapiissutigisimasaannik  
utertitsinikkut pisuunnguallannissamik eqqarsartoqanngilaq.

Tunisinermini pissarsiat sanaartorfissagissaanissamut atorniarlugit  
Kommunalbestyrelsip aalajangiuppagu, aningaasat sanaartorfissagissaanermut  
pingaarnermut imaluunniit sumiiffiup iluani sanaartorfissagissaanermut  
atorneqarsinnaapput. Kiisalu kommunalbestyrelsip tunisinermini pissarsiassat nutaanik  
sanaartornermut atorsinnaavai, soorlu illuliortiternernut aningaasalersuineq pillugu  
Inatsisartut peqqussutaat malillugu inissialianut imaluunniit piginneqatigiilluni  
inissialiortiternermut, kommunilluunniit inissiaataanik attartortittakkanik kommunip  
aningaasalersugaanik sanaartornermut. Pissarsiassat nutaanik sanaartornermut  
imaluunniit sanaartorfissagissaanermut atorniarlugit kommunip aalajangiuppagu,  
siuliani isummersuutit atuutsinneqassapput, tassalu Namminersornerullutik  
Oqartussat sanaartornermut tapiissutigisimasaasa aggornilerneqarsimanerisa  
annertoqqataanik piffissami pineqartumi tunisineranut akiusumit agguilluni kommuni  
immikkoortitsissaaq.

Namminersornerullutik Oqartussat tapiissutaat Inatsisartut aningaasanut inatsisaat  
tunngavigalugu oqartussaasunit pingasuniit aningaasaliiffigineqartunut  
(Naalagaaffiup, Namminersornerullutik Oqartussat kommunalbestyrelsillu tamarmik  
pingajorarterutinik aningaasaliiffigisaattut), Inatsisartut aningaasanut inatsisaat  
tunngavigalugu 40/60-imik sanaartukkanut (Namminersornerullutik Oqartussat 40  
procentinik aamma kommunalbestyrelsit 60 procentinik aningaasaliiffigisaattut),  
inissialiortiternermut tapersiissuteqartarneq pillugu Inatsisartut peqqussutaat nr. 1, 9.  
april 1992-imeersoq, kingusinnerusukkut allannguuteqartinneqartoq tunngavigalugu  
60/40-mik sanaartukkanut (Namminersornerullutik Oqartussat 60 procentinik  
aamma kommunalbestyrelsit 40 procentinik aningaasaliiffigisaattut), Inatsisartut  
aningaasaqarnermut inatsisaat tunngavigalugu 80/20-mik sanaartukkanut  
(Namminersornerullutik Oqartussat 80 procentinik aamma kommunalbestyrelsit  
20 procentinik aningaasaliiffigisaattut) imaluunnit inissialiortiternermut  
tapersiissuteqartarneq pillugu Inatsisartut peqqussutaat nr. 1, 9. april 1992-imeersoq,

kingusinnerusukkut allannguuteqartinneqartoq tunngavigalugu kvadratmeterimut tapiiffigineqartunut tapiissutaasimasinnaapput.

### *§ 18-imut*

Aalajangersagaq nutaajuvoq.

Imm. 1-imut

Aalajangersakkami kommunit illuutaannik ataatsimoorussanik sananissamut Naalackersuisut kommuninut tapiinissamut periarfissaqarnerat tunngavilerneqarpoq. Naalackersuisut taamaallaat tapiissuteqartussaammata kommuni sanatitsisuusaaq, taamaattumillu nunaminertamik tunineqarnissamut sanaartornerullu aallartinnissaanut akuersissutinik, kiisalu pisortanit oqartussaasunit allanit akuersissutinik piniarnissaq akisussaaffigalugu.

Imm. 2-mut

Naalackersuisut maleruagassiaat assersuutigalugu ilusilersorneqarsinnaapput, sulineq aningaasaqarnerlu eqqarsaatigalugit illunik ataatsimoorussanik assigiissaakkanik ikittuinnarnik, atuinissamut periarfissanik pisariaqartitsinerit assigiinngitsut eqqarsaatigalugit qanorluunniit ilusilersorneqarsinnaasunik sanasarnissaq Naalackersuisut qinersinnaallugu.

Imm. 3-mut

Sumiiffinni sorlarni kommunit illuutaannik ataatsimoorussanik Naalackersuisunit tapiiffigineqartumik sanaartortoqarsinnaanersoq aalajangersakkami killiliiffigineqarpoq. Illoqarfinni mikinerusuni isorliunerusunilu ineqarnikkut pissutsinik sanilliussinermi illoqarfinni mikinerusuni isorliunerusunilu innuttaasut imermik kuuginnartumik periarfissaqarnersut aammalu sumiiffimmi ataatsimut eqqakkanut kuuffeqarfeqarnersoq pingaartinneqassaaq. Imermik kuuginnartumik aammalu ataatsimut eqqakkanut kuuffeqarfimmik peqarneranik pingaartitsinissamut tunngaviuvoq, illup ataatsimoorussap sumiiffimmi, innuttaasut assersuutigalugu uffarfinnik errorsisarfinnillu atuinissamut periarfissaqarfigisinnaasaattut atorneqarnissaa.

### *§ 19-imut*

Aalajangersagaq nutaajuvoq.

Aalajangersakkami kommunit illuutaat ataatsimoorussat pisortat illuutaattut isigineqarput. Tassanilu isumaasoq tassaavoq illut tamanut ammasuussasut. Kommunit illuutaat ataatsimoorussat siunertanut arlalinnut atorneqarsinnaassapput. Siunertat aalajangersakkami immikkut taaneqartut saniatigut kommunit illuutaasa ataatsimoorussat eqqartuussinermi suliassaq ataasiinnaq sularineqarniartillugu

Kalaallit Nunaanni Eqqartuussivimmit, nakorsaq tikikkaangat nakorsiertitsinermut imaluunniit persuttarneqarsimasunut imigassamillu atornerluisunut ilitsersuisarfittut siunnersuisarfittullu atorneqarallarsinnaanerata eqqarsaatigineqarsinnaavoq.

## § 20-mut

Aalajangersagaq nutaajuvoq.

### Imm. 1-imut

Aalajangersakkami tapiissutip imikkoortui nassuiarneqarput. Ataatsimut isigalugu tapiissutit atortussanut sullissinernullu atorneqartussaapput. Tapiissutit tamatigit illuliassanut tamakkiisunut, nalinginnaasumik ilusilersorneqartussanut atortulersorneqartussanullu tungasuussapput. Kiisalu Naalackersuisut immikkut ittumik atortulersuinissamut, soorlu errorsivinnut tapiissuteqarsinnaapput. Tamatuma saniatigit ataatsimoorussanik illuliornermut atortussanut allanut tapiissutit tunngasuusinnaapput. Assersuutigalugu ilitsersuisartut, amerlanertigit tassaasartut ilinniarsimasut, najukkami ataatsimoorussamik illuliornermi najugaqartunut ilitsersuisuusartut.

Naalackersuisut tapiissutissanut aningaasaliissuteqarnerminnut atatillugu nalinginnaasumik pilersuisussamut isumaqatigiissusiortarput, taamaalillutillu tassunga akiliinissamut isumaqatigiissuteqartarlutik. Tamatuma saniatigit Naalackersuisut nalinginnaasumik sanaqataasussatut ikiortissamut ilitsersuisoqarnermullu tapiissuteqartassapput, tamatumalu saniatigit innaallagissamut, imermut kiassarnermullu atortunik ikkussuineq attaviliinerluunniit isumagisassallugu. Pisarnertut inuinnarnut isumaqatigiissuteqartarneq tunngavigalugu kommunalbestyrelsimut akiliilluni sullinneqarnissamik isumaqatigiissuteqartoqarsinnaavoq, naak tamanna peqqussummi taaneqanngikkaluartoq.

### Imm. 2-mut

Illu ataatsimoorussaqaq misiligutaasutut sananeqassappat, Naalackersuisut tapiissuteqarnissamut imaluunniit immikkut ittumik ikiorsiinissamut aalajangersakkakut tunngavissinneqarput. Immikkut ittumik ikiorsiinerit illup ataatsimoorussap sananeqarneranut atatillugu qanorluunniit ittuusinnaapput.

### Imm. 3-mut

Illunik ataatsimoorussanik, siornatigit sananeqarsimasunik naliliinissamut Naalackersuisut tapiissuteqarsinnaanerata alajangersakkakut tunngavissinneqarpoq. Tassani eqqarsaatigineqarput illut sulliviit, peqqussummi atuuttumi maleruagassat atuuttut naapertorlugit sananeqarsimasut, kisiannili aamma siunissami illut ataatsimoorussat, siunnersuummi maleruagassat malillugit sananeqartartussat. Naliliineq tassaasinnaavoq, illup ataatsimoorussap teknikkikkut qanoq issusianik naliliineq, illup ataatsimoorussap atuuffiunik atorneqarfiinillu naliliineq imaluunniit

illup sananeqarnerpiaanik naliliineq, tassunga ilitersuisutut atorneqartup naliliiffiqineqarnera ilaalluni.

### § 21-mut

Aalajangersagaq nutaajuvoq.

Imm. 1-imut

Kommunip illuutaanik ataatsimoorussamik, Naalackersuisut tapiiffiqisimasaannik tunisinnermut allatullu atuilernermit aalajangersagaq tunngasuvoq. Tassani illup tunineqarnissaanut imaluunniit siunertamut, illup ataatsimoorussatut atorneqarneranit allaanerumut atorneqalernissaanut Naalackersuisut akuersissuteqarnissaat piumasaqaatigineqarpoq. Illup kommunimi illutut ataatsimoorussatut atorneqarnissaa tunngavigalugu Naalackersuisut tapiissuteqarsimanerat tamatumunnga tunngaviuvoq.

Imm. 2-mut

Aalajangersagaq pineqaatissiisinaanermut aalajangersakkamik imaqarpoq. Kommunip illuutaanik ataatsimoorussamik tunisinnermi kommunalbestyrelsip aalajangersakkami imm. 1 malissimanngippagu, Namminersornerullutik Oqartussat kommunip illuutaanik ataatsimoorussamik tunisinnermit pisassaate erngerlutik utertillugit akilerneqassapput. Namminersornerullutik Oqartussat tunisinnermi pissarsiassaate Namminersornerullutik Oqartussat tapiissuteqarnerminni sanaartornermut naatsorsuutit tunngavigalugit aggorniliisimanerisa annertoqqataanik aggorniliinikkut annertussusilerneqassapput. Tassani kommunip tunisinnermini qaffasinnerusumik akeqartitsinnermini pissarsiarisimasinnaasai kommunip aningaasartuutigisimasaannit kiisalu Namminersornerullutik Oqartussat illup ataatsimoorussap sananeqarnissaanut tapiissutigisimasaannit amerlanerunersut apequtaatinneqassanngilaq. Taamaalillunilu Namminersornerullutik Oqartussat tapiissutigisimasaannik utertitsinikkut pisuunnguallannissamik eqqarsartoqanngilaq.

Namminersornerullutik Oqartussat piumasaqaatimi naammassineqarnissaa naammassitissinnaavaa, kommunip Namminersornerullutik Oqartussanit pissarsiassarinnasaasa pissarsiariumaagassaasalu suulluunniit ajornaatsumik ilanngaatiginerisigut. Naalackersuisunik oqarnermi Naalackersuisut aammalu sullissiviit ingerlatsiviillu allat taassuma ataaniittut pineqarput.

Imm. 3-mut

Aalajangersakkami kommunip illuutaata ataatsimoorussap ingerlanneqarnerata ilaanik tamakkiisumilluunniit peqatigiiffinnut, inuinnarnut suliffeqarfinnuunniit kommunalbestyrelsip tunniussisinaanera pineqarpoq. Ingerlatsineq assersuutigalugu arnat peqatigiinnut, nunagisami eqqaanilu peqatigiiffinnut, takornariartitsisarnermi peqatigiiffinnut imaluunniit takornariartitsisartunut il.il. kommunalbestyrelsip

isumagisassanngortissimappagu aalajangersakkap atorineqarnissaa  
eqqarsaatigineqarpoq.

Imm. 4-mut

Ingerlatsinermut isumaqatigiissut atuutsinneqalinnginnermini Naalakkersuisunit  
akuerineqassaaq.

#### § 22-mut

Aalajangersagaq nutaajuvoq.

Aalajangersakkami kommunip illuutaanik ataatsimoorussamik  
piginnittussaataitaanerup piffissap qanoq ilinerani Naalakkersuisuniit  
kommunalbestyrelsimut nuunneqarsinnaanera aalajangersarneqarpoq.

Nalinginnaasumik Naalakkersuisut kommunit illuutissaannut ataatsimoorussamut  
atortussanik pisinisaaq pillugu pilersuisumut isumaqatigiissuteqartarput. Tamatuma  
kingorna atortussat pilersuisumiit nassiuussivissamut attartorneqarnissaat pillugu  
Naalakkersuisut isumaqatigiissuteqartarput. Tamatuma kingorna kommunip  
illuutaanik ataatsimoorussamik piginnittussaataitaaneq atuilernissamut akuersissutip  
tunniunneqarnerata kingorna kommunimut tunniunneqartassaaq.

Aalajangersakkami siunertarineqarpoq illu ataatsimoorussaq  
naammassineqanngippat, Naalakkersuisut atortunik atuisinnaatitaanerisa  
qulakkeerneqarnissaa, tassunga piiasinnaaneq allamullu tunniussisinnaaneq  
ilaalluni.

#### § 23-mut

Aalajangersagaq nutaajuvoq, aammalu inissialiortiternermut tapersiissuteqartarneq  
pillugu Inatsisartut peqqussutaanni nr. 1-imi, 9. april 1992-imeersumi,  
kingusinnerusukkut allannguuteqartinneqartumi § 1, nr. 2-p ilaanut taartaalluni.

Tapiiffigineqarsinnaasut taarsigassarsitinneqartussallu inunnut  
namminersorsinnaatitaasunut killilerneqarnerisigut, inuit  
namminersorsinnaajunnaarsitaasimasut kiisalu meeqqat 18-it inorlugit ukiullit  
kapitali manna naapertorlugu tapiiffigineqarnissamik  
taarsigassarsitinneqarnissamilluunniit qinnuteqarsinnaatitaanngillat, taamatullu  
pisussaatitaasut pisinnaatitaasullu tapiiffigineqarnissamik  
taarsigassarsitinneqarnissamilluunniit qinnuteqarsinnaatitaanatik.

Kiisalu tapiiffigineqartoq taarsigassarsitinneqartorluunniit nunami najugaqartutut  
inuit nalunaarsorsimaffianni nalunaarsorsimassaaq.

## § 24-mut

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 10, imm. 2-mut assingusuvoq. Inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 10, imm. 1 atorunnaarsinneqarpoq.

Aalajangersakkami siunertat suut akiliutinut tapiissutitalimmik taarsigassarsititsivigineqarsinnaanersut aalajangersarneqarpoq. Naalackersuisut inissianik pigisaqalernissamut taarsigassarsititsisinnaapput, kisiannili inissianik sanaartornermut taarsigassarsititsisarunnaarlutik. Kiisalu Naalackersuisut inissianik alliliinermut pitsanngorsaaneermullu taarsigassarsititsisinnaapput. Tassalu kapitalimi inissiat pioreersut, aqqissuussinermullu ilaareersut pineqarput.

Naalackersuisut taamaallaat aalajangersagaq naapertorlugu taarsigassarsititsisinnaapput, Inissiamut Namminersornerullutik Oqartussat taarsigassarsititsereersimappata. Tassalu inissianik Namminersornerullutik Oqartussat taarsigassarsititsivigisaannik sananeqarsimasunik, Namminersornerullutik Oqartussat taarsigassarsiarititaat akilersorlugit naammassineqareersimappata, taamaalillutillu atorunnaarsimallutik, pigisaqalernissamut, alliliinermut pitsanngorsaaneermullu Naalackersuisut taarsigassarsititsisinnaangillat. Inissianik pigisaqalernissamut, alliliinermut imaluunniit pitsanngorsaaneermut taarsigassarsiarititanut tunngatillugu inissiat taakku pisortanit taarsigassarsiaqarfionngillat, taamaattumillu piginnittut immaqalu piginnittunngorumaartussat peqqussutissatut siunnersuummi matumani maleruagassat naapertorlugit Namminersornerullutik Oqartussanit taarsigassarsinissamik qinnuteqarsinnaanatik. Piginnittut taakku assersuutigalugu pitsanngorsaaneessamut taarsigassarsinissamik qinnuteqarusussagunik, illuliortiternernut aningaasalersuineq pillugu Inatsisartut peqqussutaat atorsinnaavaat.

"Akiliutinut tapiissutitalinnik taarsigassarsiat" tassaapput taarsigassarsiat, pingaartumik Naalackersuisunit taarsigassarsiaritinneqarsimasut. Tamatuma kingorna taarsigassarsiallip Naalackersuisunit taarsigassarsiaminut qaammatikkaartumik akiliutaannut Naalackersuisut tapiissuteqartarput. Tassalu taarsigassarsialik qaammatikkaartumik akiligassamut aningaasartuutinut tamaginnut akiliisassanngilaq, kisiannili Naalackersuisut tapiissuteqarfingngisai akilertassallugit. Oqaatsimi "akiliutinut tapiissutit" aamma pineqarpoq, taarsigassarsiallip qaammatikkaartumik akiliutissanit akiligassani akilersimangippagit, Naalackersuisut akiligassanut tapiissutissaminnik akiliisinnaangitsut. Tamatuma kingunerisaanik taarsigassarsiallip akiligassaanuunnaangitsaq, kisiannili akiligassanut tamakkiisunut taarsigassarsialik kinguaattooruteqalissaaq.

## § 25-mut

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 10, imm. 3-p immikkoortuanut siullermut tullermullu aamma § 10, imm. 4-p immikkoortuisa aappaannut assingusuvoq.

### Imm. 1-imut

Naalakkersuisut aalajangersakkami imm. 1 naapertorlugu taarsigassarsiat pioreersut tamaasa allanik taarserlugit ataatsimoortillugit nutaamik taarsigassarsititsisinnaapput. Taarsigassarsiat allanik taarserlugit taarsigassarsititsinermi taarsigassarsiat, Naalakkersuisut inissiap sananeqarneranut taarsigassarsiarititaat, kiisalu inissiamik pigisaqalernermit, alliliinermit imaluunniit pitsanngorsaanermit taarsigassarsiarititaat taarsigassarsianut nutaanut ataatsimoortinneqassapput. Tassani iluanaarutissanik akiliisoqartussaangimmat, taarsigassarsiat allanik taarserlugit taarsigassarsititsinermi taarsigassarsiallip akiliisinnaassuseqarnissaa piumasarineqanngilaq.

### Imm. 2-mut

Aalajangersakkami taarsigassarsiat allanik taarserlugit taarsigassarsiat immikkoortui ataasiakkaat aalajangersarneqarput.

### Imm. 3-mut

Akilersuinissamik pilersaarusiornermi taarsigassarsiallip aningaasaqarnerminik paasisimannilernissaanut ikiorserneqarnissaa siunertarineqarpoq. Taamaattumik akilersuinissamik pilersaarummi taarsigassarsiallip qaammammut akiliutissaata annertussusissaat aammalu piffissaq taarsigassarsiat allanik taarserlugit taarsigassarsiarititat akilersorneqarfissaat allassimassapput. Kisiannili taarsigassarsititsinermi piumasaqaatit taarsigassarsinermit isumaqatigiisummi aalajangersarneqassapput.

## § 26-mut

Aalajangersagaq nutaajuvoq. Tamatumani allaffissornikkut inuit, ukiuni akileraaruteqarfiusuni kingullerni marlunni 180.000 korusunit inorlugit ukiumut inoqutigiinni akileraaruteqaataasussanik isertitaqarsimasut taarsigassarsitinneqartannginnissaat suleriaasiusimavoq.

Aalajangersakkami inuit kikkut, akiliutinut tapiissutitalimmik taarsigassarsitinneqarsinnaanerit aalajangersarneqarpoq.



Akerlianilli aalajangersakkap immikkoortuani siullermi taarsigassarsiallit, ukiuni akileraaruteqarfiusuni kingullerni marlunni 180.000 koruunit inorlugit ukiumut inoqutigiinni akileraaruteqaataasussanik isertitaqarsimasut Naalakkersuisunit taarsigassarsitinneqartannginnissaat allassimavoq.

Taamaalilluni inuit akissaatikitsut, akilersuisinnaalernaviangitsut taarsigassarsitinnerisigut akiitsoqarnerulersinneqarnissaasa pinngitsoortinneqarnissaa tamatumani siunertaavoq.

Aalajangersakkap immikkoortuisa aappaani allassimavoq, inuit siunissami qanittumi inoqutigiinni ukiumut 180.000 koruuninik amelanerusunilluunniit akileraaruteqaataasussanik isertitaqarnissamut periarfissaqartut Naalakkersuisunut taarsigassarsinissamik qinnuteqarsinnaasut. Siunissamik qanittumik oqarnermi pineqarpoq, inuup isertitai ukiumut 180.000 koruunit sinnerlugit amerlassuseqalerlutik qaffaateqartussanngornerannut pisoqareersimasoq. Assersuutigalugu inuk ilinniareerluni atorfinissimasinnaavoq, imaluunniit piffissap ilaani suliffissaaleqereerluni atorfinissimasinnaalluni, akissarsiai qaffassimasinnaallutik, imaluunniit qitornartaarnerminut atatillugu ullormusiaqarluni sulinnigiffeqareerluni sulileqqissimasinnaalluni. Siunissami inoqutigiinni isertitat 180.000 koruunit sinnerlugit amerlassuseqalernissaasa kingunerisaanik, aamma inuup taassuma Naalakkersuisunit taarsigassarsiaminut akilersuinissamut periarfissaqalersimanissaa naatsorsuutigineqarpoq.

#### *§ 27-mut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkat allannguuteqartinneqartumi § 10, imm. 5-imut assingusuvoq.

#### *Imm. 1-imut*

Aalajangersagaq qinnuteqartup inissiamik, Namminersornerullutik Oqartussanit taarsigassarsititsivigineqarsimasumik pigisaqalernissamut, alliliinissamut imaluunniit pitsanngorsaannissamut taarsigassarsitinneqassanersoq imaluunniit taarsigassarsiat allanik taarserlugit taarsigassarsitinneqassanersoq Naalakkersuisut naliliinissaannut malittarisassanik imaqarpoq. Aalajangersakkami tunngavissat taagorneqartut Naalakkersuisut naliliiniarneranni tunngavigineqartussat, qinnuteqartup taarsigassarsiat erniaanut akilersugassartaanullu akiliisinnaanersoq, kiisalu inissiaq Naalakkersuisut taarsigassarsiarititaannut qulakkeerinissamut naammattumik pitsaassuseqarnermoq pillugu ataatsimut paasititsiviussapput.

#### *Imm. 2-mut*

Taarsigassarsialik inissiami najukkamini Namminersornerullutik Oqartussanit ataatsimik amerlanerusunilluunniit taarsigassarsiaqareerpat, Naalakkersuisut naliliiniarnerminni aamma taarsigassarsiallip maannamut akiliisinnaassusia

akiliinissamullu piumassuseqarnera, kiisalu akiitsut sinnerisa amerlassusaat tunngavigissavaat. Taarsigassarsiallip maannamut akiliinissamut pisussaaffini naammassisimappagit, taarsigassarsialik nutaanik taarsigassarsiteqqinneqarsinnaavoq, taamatullu maannamut taarsigassarsiaasimasut annertuumik appartinneqarsimappata, tamanna taarsigassarsititseqqinnissamut tunngaviusinnaalluni.

Imm. 3-mut

Aalajangersakkami taarsigassarsiallip taarsigassarsiaminut akilersuinissamut periarfissaqarneranik Naalakkersuisut naliliisassasut allassimavoq. Tassalu taarsigassarsialik ukiuni akileraaruteqarfiusuni marlunni kingullerni inoqutigiinni ukiumut 180.000 koruuninik amerlanerusunilluunniit akileraaruteqaataasussanik isertitaqarsimanersoq, imaluunniit siunissami isertitaqartussatut naatsorsuutigineqarnerasoq tamatumani naammangilaq.

#### *§ 28-mut*

Aalajangersagaq najoqqutassatigut allannguuteqartinneqarluni inissialiortiternermut tapersiisuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 11-imut assingusuvoq.

Imm. 1-mut

Aalajangersakkap atuutilerneratigut inissianik Namminersornerullutik Oqartussanit taarsigassarsititsivigineqarsimasunik pigisaqalernissamut Naalakkersuisut taarsigassarsiarititaat inissiamik qularnaveeqqusisussaataitanermi akilernerqartussatut siullertut tunniunneqartassapput. Kiisalu imm. 1-imi allassimavoq, taarsigassarsiat allanik taarserlugit taarsigassarsiarititat aamma inissiamik qularnaveeqqusisussaataitanermi akilernerqartussatut siullertut tunniunneqartassasut. Tamatumunnga peqquataavoq inissiamik Namminersornerullutik Oqartussanit taarsigassarsititsiviusimasumut piginnittumut siornatigut taarsigassarsiaritinneqarsimasut allanik taarserlugit ataatsimoortillugit taarsigassarsiatut nutaatut kattunneqartarmata.

Imm. 2-mut

Aalajangersakkami inissianik Namminersornerullutik Oqartussanit taarsigassarsititsiviusimasunik alliliinissamut pitsanngorsaanissamulluunniit Namminersornerullutik Oqartussat taarsigassarsiarititaasa akilernerqarnissaannut tulleriinnilerlugit inissisimanagerat aalajangersarneqarpoq.

#### *§ 29-mut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 12, imm. 1-imut, 2-mut, 3-mut aamma 5-imut assingusuvoq.

#### Imm. 1-imut

Aalajangersakkami takuneqarsinnaavoq inissianik, Namminersornerullutik Oqartussanit taarsigassarsititsiviusimasunik pigisaqalernissamut taarsigassarsiat ukiumut 6 procentinik erniaqartinneqarlutik akilersorneqassasut. Qaammammut akiliutissat aalajangersarneqarnerini piffissaq akilersuiffiusussaq sivisunerpaamik ukiunik 20-nik sivisussuseqassaaq.

Piffissap taarsersukkanik akilersuiffiusussap aalajangersarneqarnerani qaammammut akiliutissat taarsigassarsiallip akiliisinnaassusianut naleqqussarneqarnissaat Naalakkersuisut pingaartissinnaavaat. Tassani taarsigassarsiallip akiliisinnaassusiata aalajangerneqarnerani ataasiakkaatigut naliliinissaq pineqarpoq. Taarsigassarsiap annertussusaa, taarsigassarsiallip nalilinnik pigisaqarnera kiisalu inissiap pisoqaassusaa niuernikkullu nalinga pingaarutilittut tunngavigineqarsinnaapput.

#### Imm. 2-mut

Aalajangersakkami allassimavoq, inissianik Namminersornerullutik Oqartussanit taarsigassarsititsivigineqarsimasunik alliliinissamut pitsanngorsaaniissamulluunniit taarsigassarsiat ukiumut 6 procentinik erniaqartinneqarlutik akilersorneqassasut. Qaammammut akiliutissat aalajangersarneqarnerini piffissaq akilersuiffiusussaq sivisunerpaamik ukiunik 15-inik sivisussuseqassaaq.

Piffissap taarsersukkanik akilersuiffiusussap aalajangersarneqarnerani Naalakkersuisut qaammammut akiliutissat taarsigassarsiallip akiliisinnaassusianut naleqqussarneqarnissaat pingaartissinnaavaat. Tassani taarsigassarsiallip akiliisinnaassusiata aalajangerneqarnerani ataasiakkaatigut naliliinissaq pineqarpoq. Taarsigassarsiap annertussusaa, taarsigassarsiallip nalilinnik pigisaqarnera kiisalu inissiap pisoqaassusaa niuernikkullu nalinga pingaarutilittut tunngavigineqarsinnaapput.

#### Imm. 3-mut

Aalajangersakkami allassimavoq taarsigassarsiat allanik taarserlugit taarsigassarsiat ukiumut 6 procentinik erniaqartinneqarlutik akilersorneqassasut. Qaammammut akiliutissat aalajangersarneqarnerini inigisap annertussusaani ukiumut kvadratmeterimut 420 koruunit inorlugit amerlassusilerneqannginnissaat aalajangersarneqarpoq. Inigisap annertussusissaanut tunngatillugu siunnersuummi § 4-mut oqaaseqaatini nassuiaatit sukumiinerusut innersuussutigineqarput.

Ataatsimut isigalugu akiitsut (G) ullut akiliiffissat tulleriit tunngavigalugit akiligassat (y), ernianut akilersuutinullu tunngasuusut, annertoqqatigiikkuutaarlugit akilersorneqassapput (n).

Ullormi akiliiffissami akiitsut atuutilersimappata, aammalu ullormi akiliiffissami tullermi akilersorneqartussanngorpata, akiligassat naatsorsorneqarnissaannut malitassaq tunngavigalugu naatsorsorneqarsinnaapput, aammalu akiitsut akiitsunik naatsorsuisarnermi malitassaq tunngavigalugu naatsorsorneqarsinnaallutik:

$$y = G_n \cdot \frac{r}{1 - (1+r)^{-n}}$$

G tassaavoq akiitsut atsiorneqarnerminni annertussusaat.

Inissiamik pigisaqalernissamut taarsigassarsianut tunngatillugu n annerpaamik qaammatinik 240-nik, tassalu ukiunik 20-nik sivisussuseqartarpoq, aammalu r ukiumut 6 procentiusarluni (0,06).

Inissianik alliliinissamut pitsanngorsaaniissamullu taarsigassarsianut tunngatillugu n annerpaamik qaammatinik 180-inik, tassalu ukiunik 15-inik sivisussuseqartarpoq, aammalu r ukiumut 6 procentiusarluni (0,06).

Taarsigassarsiat allanik taarserlugit taarsigassarsianut tunngatillugu r ukiumut 6 procentiuvoq (0,06), kiisalu akiliutit minnerpaamik ukiumut inissiap annertussusaanut kvadratmeterimut 420 koruuninik aalajangersarneqarluni. Ukiumut inigisap annertussusaanut kvadratmeterimut killiliussat 420 koruuniusut missiliuinikkut aalajangersarneqarput, taakkulu agguaqatigiissillugit pisortat inissiaataanni attartortittakkani ineqarnermut akiliutaasartut amerlaqatigaat. Assersuutigalugu inissiaq 80 kvadratmeterinik annertussuseqarpat, inigisap annertussusaanut kvadratmeterimut 450 koruunit qaammammut 2.800 koruuniupput (420 x 80 kvadratmeter : qaammatit 12-it).

Imm. 4-mut

Aalajangersagaq malillugu taarsigassarsialik annertunermik akilersuisinnaavoq. Annertunermik akilersuinerup kingunerisaanik piffissaq taarsigassarsiat akilersorneqarfissaat sinneruttoq sivikillissaaq, taarsigassarsianut akiliutissat allanngortinneqartussaannngimmata. Assersuutigalugu taarsigassarsiallip annertunermik akilersuineratigut Naalakkersuisut akilersuutitut 30 procentinik tapiissuteqartartussaapput, tak. siunnersuummi § 30, imm. 1.

### § 30-mut

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarpeq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 12, imm. 4-mut aamma § 13-imut assingusuvoq.

Imm. 1-imut

Aalajangersakkap atuutilerneratigut akiliutinut 30 procentinik Naalackersuisut tapiissuteqartassapput, tamatumani taarsigassarsialik nalinginnaasumik akilersuigaluarpat, annertunermik akilersuigaluarpat, imaluunniit taarsigassarsisup akiitsut sinneri tamakkerlugit akileraluarpagit. Tamanna siunnersuummi § 29-mut innersuussutini takuneqarsinnaavoq.

Imm. 2-mut

Aalajangersakkap atuutilerneratigut taarsigassarsiallip meerai 18-it inorlugit ukiullit, angerlarsimaffimmi najugaqartutut inuit nalunaarsorsimaffianni nalunaarsorsimasut apeqqutaatillugit taarsigassarsiallip akiliutaanut Naalackersuisut tapiissutaat qaffattassapput. Naalackersuisut annerpaamik meeqqanut arfinilinnut, tassalu 45 procentit nalinginut tapiissuteqartarput. Tapiissutit 30 procentiusut ilanngukkaanni, Naalackersuisut qaammammut akiliutaasartunut tapiissutaat annerpaamik 75 procentiusinnaapput.

Taarsigassarsialik siunnersuummi § 29, imm. 4 naapertorlugu annertunermik akilersuippat, akilersugai meeqqanut tapiissuteqarfiussanngillat, tak. siunnersuummi § 30, imm. 2, tassungalu siunnersuummi § 29, imm. 4 sanilliunneqassaaq.

Imm. 3-mut

Qitornaq akilersuutinut appaassutaasoq angerlarsimaffimmi najugaqartutut inuit nalunaarsorsimaffianni nalunaarsorsimajunnaarpat taarsigassarsisup Naalackersuisunut nalunaaruteqarnissamut pisussaaffeqarnera aalajangersakkami malittarisassiunneqarpoq. Taarsigassarsiallip nalunaartussaataitaneranut taarsigassarsisup akiligassatigut tunngavissaqanngitsumik meeqqanut appaavigineqarnissamik pisinnaatitaaffeqannginnera, aammalu taarsigassarsiallip meeqqat qanoq amerlatigisut taarsigassarsialimmi najugaqarnerat pillugu nalunaaruteqartussatut qaninnerpaanera tunngaviuvoq.

### *§ 31-mut*

Imm. 1 najoqqutassatigut allannguuteqartinneqarluni inissialiortiternermut tapersiissuteqartarnek pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 12, imm. 6-imut assingusuvoq.

Imm. 1-imut

Aalajangersakkami Naalackersuisut taarsigassarsianut akilersuutinik akiligassanngortinneqartunik allakkatigut akileeqqusissutinik saqqummiussinissamut pisussaaffeqarnerat aalajangersarneqarpoq. Akileeqqusissummik saqqummiussinermut atatillugu akiitsut akilinngitsuukkat akileeqqusissummut akitsuummik ilaneqassapput, taannalu akileeqqusissummut akitsuut 50 koruuniusoq, akiitsut 1.000 koruuninit amerlanerusut 2 procentiannik ilallugu akiitsunut akilinngitsuukkanut ilanngunneqassaaq.

### *§ 32-mut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 14, imm. 1, nr. 1-imut assingusuvoq.

Aalajangersakkami atuisinnaatitaanermut killiliinerit suut inissianut atuunnersut maleruagassiuunneqarpoq. Atuisinnaanermut killiliinerit inissiaq Naalakkersuisunit taarsigassarsititsivigineqarsimatillugu atuuttussaapput. Taarsigassarsialik piffissap qanorluunniit ilinerani akiligassanik akiitsut sinnerinik, akiligassanngortinneqartunik akiitsunillu akilinngitsuugaasimasinnaasunik akiliinermigut atuisinnaatitaanermut killiliinernit taaneqartunit imminut pisussaaffeerutsissinnaavoq. Taamatuttaaq taarsigassarsiallip akiliisinnaajunnaarnerani atuisinnaatitaanermut killiliinerit atorneqannginnissaat periarfissinneqarpoq.

### *§ 33-mut*

Imm. 1 najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 15, imm. 1-imut assingusuvoq. Aalajangersakkami imm. 2 aamma 3 nutaajupput, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 17, imm. 1-imut, 2-mut 3-mullu taartaallutik.

Imm. 1-imut

Amerlanertigut inissiap piffissami pineqartumi niuernikkut akia aammalu Namminersornerullutik Oqartussat taarsigassarsiarititaat annertoqatigiinneq ajorput. Nalinginnaasumik Namminersornerullutik Oqartussat taarsigassarsiarititaat piffissami pineqartumi niuernikkut akigititaasumit annertunerusarput. Tamanna siunersuummi § 32 naapertorlugu qularnaveeqqusiinissamik inerteqquteqarnermut atatillugu aalajangersakkap matuma atulersinneqarneranik kinguneqarpoq, taannalu malillugu Naalakkersuisut pisussaapput, taarsigassarsialik inissiamik Namminersornerullutik Oqartussanut utertitsinissamik kissaateqartillugu inissiamik tigusissallutik. Taarsigassarsiallip inissiaq pigisani aatsaat Namminersornerullutik Oqartussanut utertissinnaavaa, inissiaq suli Namminersornerullutik Oqartussanut taarsigassarsiaqarfiuppat.

Imm. 2-mut

Aalajangersakkami Naalakkersuisut taarsigassarsialimmut aningaasatigut isumannaarneqartussanik naatsorsuinissaannut pisussaaffilerneqarnerat aalajangersarneqarpoq. Ullup naatsorsuusiorfiusup aallartiffia tassaavoq ulloq, Naalakkersuisut inissiamik taarsigassarsisumiit tigusiffiat.

Imm. 3-mut

Aalajangersakkami Naalackersuisut qanoq iliorlutik aningaasatigut isumannaarneqartussanik naatsorsuisassanersut aalajangersarneqarpoq.

Aningaasatigut isumannaarneqartussanik naatsorsuisarneq maannamut maleruagassanut naleqqiullugu pisariillisaatinik annertuunik imaqarpoq, taakkulu peqqussummi atuuttumi § 15, imm. 1-mi aningaasatigut naatsorsueriaaseq nassuiarneqartoq malillugu naatsorsorneqartussaapput, tak. § 17.

Aningaatigut isumannaarneqartussat naatsorsornerini inissiap teknikkikkut aningaasaqarnikkullu nalinganit Naalackersuisut piumasaqaataat tamakkiisut matussuserneqarsinnaasut paasinarsisimappat, Naalackersuisut naatsorsukkat inernerisaat taarsigassarsisumut akilissavaat.

#### *§ 34-mut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkat allannguuteqartinneqartumi § 15, imm. 2-mut assingusuvoq.

Imm. 1-imut

Aalajangersakkami taarsigassarsiallip atugassarititaasut suut tunngavigalugit inissiamik tunniussisinnaanera pineqarpoq.

Imm. 2-mut

Aalajangersakkap atuutilerneratigut tunniussinissamut Naalackersuisut akuersissuteqartarnerat tunngavissatut aalajangersakkat malillugit pisassaaq. Taamaalilluni Naalackersuisut tunniussinissamut itigartitsisassapput, inissiamik pisisusaaq soorlu inoqutigiinni ukiumut akileraaruteqaataasussanik 128.000 koruunit inorlugit isertitaqartarpat, pigisaqalertusaaq taamatut pisoqarneratigut tunniussinerup kingunitsiannua Namminersornerullutik Oqartussanut akiitsuminik isumakkeerfigineqarnissamik imaluunniit allannortitsinissamik qinnuteqarsinnaammat. Piumasaqaatitigut pisisusaaq inissiami Namminersornerullutik Oqartussanut taarsigassarsiaminik akilersuisinnaanersoq pillugu Naalackersuisut naliliisarnissaat siunnerfigineqarpoq.

Illuatungaani siunnersuummi § 33, imm. 1 naapertorlugu taarsigassarsiallit inissiamik Namminersornerullutik Oqartussanut utertitsisarnerisa aamma siunnersuummi § 36 naapertorlugu Naalackersuisut inissiamik tigusisarnerisa aammalu illuatungaani siunnersuummi § 34 naapertorlugu piginnittut inissiamik piginnittumut nutaamut tunniussisarnerisa immikkoortinnissaat pingaaruteqarpoq.

§ 34 naapertorlugu tunniussisoqassappat, piginnittuiusoq inissiamik tunisisuususaavoq. Piginnittuiusup pisinissamillu isumaqatigiissuteqarfigisaata akornanni pissutsit Namminersornerullutik Oqartussanit susassarineqanngillat. Piginnittuiusup ajoqutinut amigaatinullu ersinngitsunut akisussaaffigisinnaasai piginnittuiusup pisinissamillu isumaqatigiissuteqarfiusup akornanni isumaqatigiissummik tunngaveqassapput.

Siunnersuummi § 33, imm. 1 naapertorlugu taarsigassarsisup Namminersornerullutik Oqartussanut utertitsinerani, imaluunniit siunnersuummi § 36, imm. 1 naapertorlugu Naalackersuisut tigusineranni, Naalackersuisut ajoqutinut amigaatinullu ersinngitsunut akisussaaffigisinnaasai Naalackersuisut pisinissamillu isumaqatigiissuteqarfiusup akornanni isumaqatigiissummik tunngaveqassapput. Naalackersuisut naliliinermikkut ajoqutit amigaatillu Naalackersuisunut akiligassanngortinneqartut pillugit piginnittuiusumit akilerneqarnissaat piunasaqaatigisinnaavaat.

#### *§ 35-mut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 16, imm. 1-imut assingusuvoq.

Aalajangersakkami qanoq pisoqartillugu Naalackersuisut taarsigassarsiarititaat akiligassanngortinneqartassanersut allassimavoq.

Nr. 1-imut

Taarsigassarsiallip piffissaq eqqorlugu ernianut akilersuutinullu akiliinnginnerata kingunerisaanik taarsigassarsiat akiligassanngortinneqassapput. Taamaalilluni taarsigassarsialik taarsigassarsiaminut akiliisinnaatinnani akilersuinissamik Naalackersuisunut isumaqatigiissuteqarnissamut periarfissaarutissaaq.

Kalaallit Nunaani qularnaveeqquusiisarneq pillugu inatsit atuuttoq naapertorlugu, taarsigassarsialik pigisamut aalaakkaasumut qularnaveeqquusiussaqaarluni taarsigassarsititsinerami allagartaq malillugu piffissaliussaq naatinnagu ernianut akilersuutinullu akiliisimassaaq, taarsigassarsialik allakkatigut tamatumunnga akileeqqusissutip Naalackersuisunit kommunalbestyrelsimilluunniit nassiunneqarneraniit imaluunniit saqqummiunneqarneraniit kingusinnerpaamik ullut arfineq marluk qaangiutsinnagit ernianut akilersuutinullu akiliisimappat. Naalackersuisut imaluunniit kommunalbestyrelsip akileeqqusissutaani piffissaq eqqorlugu akiliiffissaq kingulleq allassimassaaq, tassanilu ersarissumik allassimassaaq, piffissaliussaq qaangiutsinnagu erniat akilersuutillu akilerneqanngippata, aningaasaatit akiligassanngortinneqassasut. Akileeqqusissut akiligassalimmut apuunnissaa anguniarlugu Kalaallit Nunaanni inoqarfiit aamma Kalaallit Nunaata naalagaaffiullu sinnerata akornanni nassiunneqassappat, piffissaq eqqorlugu akiliiffissaq tassaassaaq, akiligassallip akileeqqusissummit tigusineraniit



ullut arfineq marluk, tamatumani akileeqqusissut nalunaarasuartaatit atorlugit akiligassalimmut nassiunneqarsimangippat.

#### Nr. 2-mut

Taarsigassarsialik pisussaavoq inissiaq illersorsinnaasumik aserfallatsaaliussallugu. Tamanna paasisariaqarpoq taarsigassarsiallip illup ilaanik pisariaqartitsilertarnertut akulikitsigisumik taarsersuisassasooq iluarsaassisassasorlu, assersuutigalugu qalianik igalaanillu ussiitsunik taarsersuilluni iluarsaassilluniluunniit. Kiisalu taarsigassarsiallip inissiaq suliaassat tulleriiarlugit aserfallatsaalissavaa, assersuutigalugu pisariaqartitsilertarnertut akulikitsigisumik illup silataa qalipattassallugu. Naalackersuisut nr. 2-imik atuutsitsinermini qularnaveeqqusiiffiusunik nakkutilliissapput, tassanilu paasinierneqartassaaq qularnaveeqqusiussaq pigineqarnersoq aammalu pitsaasumik aserfallatsaalineqarnersoq.

#### Nr. 3-mut

Inissiaq ikuallattoornissamut anorersuarmillu ajoquserneqarnissamut sillimmaserneqarsimangippat, tamanna taarsigassarsiat akiligassanngortinneqarnissaannut tunngaviussaaq, inissiami sillimmaserneqarsimangitsumi ajoqusikkat annertuut Naalackersuisut qularnaveeqqusiussaannik annertuumik ajorseriartitsisussaammata. Ikuallattoornermi anorersuarneranilu ajoqusikkat taaneqarnerini sillimmasiissut nalinginnaasooq, pigisap aalaakkaasup ikuallattoqarnerani anorersuarneranilu ajoqusernissaanut sillimmasiissutaasooq eqqarsaatigineqarpoq.

#### Nr. 4-mut

Taarsigassarsialik inissiamik tamakkiisumik imaluunniit taassuma ilaanik isaterippat, tamanna Naalackersuisut taarsigassarsiarititaasa akiligassanngortinneqarnerannik kinguneqassaaq.

#### Nr. 5-mut

Taarsigassarsialik inissiamit najukkaminit inuussutissarsiutinik ingerlataqarnersoq Naalackersuisut naliliiffigisassavaat. Tamatumaniissaaq siunnersuummi § 7-imut oqaaseqaatit innersuussutigineqarput.

#### Nr. 6-imut

Aalajangersakkami allassimavoq, taarsigassarsialik Naalackersuisut akuersiteqqaarnagit inissiamit najukkaminit nuuppat, imaluunniit inissiamik attartortitsippat Naalackersuisut taarsigassarsiarititaat akiligassanngortinneqassasut. Tassanilu taarsigassarsiat akiligassanngortinneqassanngippata taarsigassarsiallip piffissami pineqartumi inissiami taarsigassarsivigisamini najugaqarnissaa piumasaaqataavoq.

Taarsigassarsiallip inissiamik pigisaminik piffissami aalajangersimasumi attartortitsinissaanut imaluunniit najukkami inissiat inoqanngitsut amerlanerat peqcutigalugu inissiaq attartortinnagu piffissami aalajangersimasumi inissiamit nuunnissaanut Naalakkersuisut akuersissuteqarsinnaapput. Akuersissuteqartoqarnissaa anguneqarsinnaavoq, pingaartumik illoqarfimmi nunaqarfimmiluunniit taarsigassarsiallip inigisaata inissisimaffigisaani suliffissaqartitsiniarnikkut pissutsit peqcutaallutik taarsigassarsialik suliartorluni piffissami aalajangersimasumi sumiiffimmut allamut nuuttariaqarluni aalajangerpat.

Nr. 7-mut

Taarsigassarsialik inissiaq qularnaveeqqusiullugu taarsigassarsisinnaanngilaq, qularnaveeqqulluunniit Naalakkersuisut taarsigassarsiarititaannut tulliutillugu akilerneqartussatut inissinneqaralarpat. Inerteqquteqarnermut tunngaviuvoq taarsigassarsiallip inissiamik Naalakkersuisunut, inissiamik tigusinerminni Namminersornerullutik Oqartussat taarsigassarsisullu akornanni aningaasatigut aaqqitassanik naatsorsuisussanut utertitsinissamut periarfissaqarnera.

Nr. 8-mut

Naalakkersuisut qularnaveeqqusiussamik pigisaqartutut inissiap illersorsinnaasumik aserfallatsaalineqarnera taamaalillunilu qularnaveeqqusiissutaasup pigineqarnera qulakkiisallugu pisinnaatitaaffeqarput. Tamanna qulakkeerniarlugu Naalakkersuisut inissiap ilua takusarlugu isersinnaanissaat pisariaqarpoq, taamaattumillu Naalakkersuisut inissiamut iseqquneqanngippata tamanna taarsigassarsiat akiligassanngortinneqarnissaannut tunngavigineqarsinnaalluni.

Nr. 9-mut

Aalajangersagaq Naalakkersuisut alliliinissamut pitsanngorsaannissamulluunniit aningaasalersuutissanik taarsigassarsitsitsineranni inissiap sillimmataasinnaanera qulakkeerniarlugu ikkunneqarpoq. Taarsigassarsiallip alliliinissaq pitsanngorsaannissarlunniit, Naalakkersuisut taarsigassarsititsiffigisaat naammassinngippagu, inissiaq naleqarnerulinngitsoorsinnaavoq, taamaalillunilu Naalakkersuisut inissiamut taarsigassarsitsitsinerminni qulakkeerinniffigineqanngitsoorsinnaallutik.

### § 36-mut

Imm. 1 najoqqutassatigut allannguuteqartinneqarluni inissialiortiternermut tapersiissuteqartarnej pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 16, imm. 2-mut assingusuvoq. Imm. 2 aamma 3 nutaajupput, aammalu inissialiortiternermut tapersiissuteqartarnej pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 17, imm. 1-imut, 2-mut aamma 3-mut taartaallutik.

Imm. 1-imut

Siunnersuummi § 35 naapertorlugu periaatsit nassuiarneqartut arlaat atorlugu Naalakkersuisut taarsigassarsiarititaat akiligassanngorsimatillugit, Naalakkersuisut inissiamik tiguisinnaanerata aalajangersakkami maleruagassiuunneqarpoq.

Imm. 2-mut

Aalajangersakkami taarsigassarsialimmut aningaasatigit isumannaarneqartussat naatsorsornissaannut Naalakkersuisut pisussaaffeqarnerat aalajangersarneqarpoq. Ullup naatsorsuiffiusup aallartiffia tassaavoq ulloq taanna Naalakkersuisut inissiamik taarsigassarsisumiit tiguisiffiat.

Imm. 3-mut

Aalajangersakkami Naalakkersuisut qanoq iliorlutik aningaasatigit isumannaarneqartussanik naatsorsuisassanersut aalajangersarneqarpoq.

Aningaasatigit isumannaarneqartussanik naatsorsuisarneq maannamut maleruagassanut naleqqiullugu annertuunik pisariillisarneqarpoq, taannalu naapertorlugu peqqussummi atuuttumi § 16, imm. 2-mi aningaasatigit naatsorsueriaaseq nassuiarneqartoq malillugu naatsorsorneqartassapput, tak. § 17.

Aningaasatigit isumannaarneqartussat naatsorsornerini inissiap teknikkikkut aningaasaqarnikkullu nalinganit aningaasat Naalakkersuisut pisassaata tamakkiisut matussuserneqarsinnaasut paasinarsisimappat, naatsorsukkat inernerisaat taarsigassarsisumut Naalakkersuisut akilissavaat.

### *§ 37-mut*

Aalajangersagaq najoqqutassatigit allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkat allannguuteqartinneqartumi § 19-imut assingusuvoq.

Taarsigassarsiallip toqunerani taarsigassarsiallip aapparisaat pinngitsooranilu kingornussisussai taarsigassarsiallip taarsigassarsianut pisinnaatitaaffiinik pisussaaffiinillu tigusinissamik pisinnaatitaasut aalajangersakkami allassimavoq. Tassanilu tunniussinissarpiaq pineqanngilaq, taamaallaallu qularnaveeqquissaqarluni taarsigassarsinermut allagartamut taarsigassarsinermullu uppernarsaammut ilassutissamik suliaqartoqaannartussaalluni. Aalajangersakkami taarsigassarsianik tiguisinnaaneranut apeqqut kisimi maleruagassiuunneqarpoq. Apeqqutit kingornussisinnaatitaaneranut tunngasut aammalu apeqqutit allat pigisamik tigusinissamut atuinissamullu pingaaruteqartut allanik tunngaveqartinneqarlutik maleruagassiorneqartarput.

### § 38-mut

Aalajangersagaq nutaajuvoq.

Imm. 1-imut

Inissiamik taarsigassarsiallip Namminersornerullutik Oqartussanut utertissimasaanik imaluunniit Naalakkersuisut taarsigassarsisumit tigusimasaanik tunisinerminni Naalakkersuisut qanoq iliorsinnaanerat aalajangersakkami oqaatigineqarpoq. Periaatsit aalajangersakkami taakkartorneqartut malillugit Naalakkersuisut inissiamik tunisisarnissaannik aalajangersakkami pisussaaffiliisoqanngilaq. Inissiaq taarsigassarsisumiit Namminersornerullutik Oqartussanut nuunneqarnermini Namminersornerullutik Oqartussanit pigineqalissaaq, taamaattumillu tamatuma kingorna Namminersornerullutik Oqartussat pigisaannut maleruagassat malittarisassallu malillugit Namminersornerullutik Oqartussanit atorneqarsinnaalissalluni. Assersuutigalugu Naalakkersuisut inissiaq inissiatut attartortittakkatut imaluunniit inisseqqiffittut atorsinnaavaat.

Inissianik tunisisarnermi periaatsit aalajangersakkami tullerriaagaanngitsumik taakkartorneqarput.

*Imm. 2-mut*

Aalajangersakkami tunisinermut aningaasartuutunik kina akiliisusasaanersoq, aammalu tunisinermut aningaasartuutit qanoq ilillutik Naalakkersuisunit taarsigassarsisussap taarsigassarsiassaanut ilanngunneqassanersut aalajangersarneqarpoq.

### § 39-mut

Aalajangersagaq najoqqutassatigut allannguuteqartinneqarluni inissialiortiternermut tapersiisuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 21a, imm. 2-mut assingusuvoq.

Imm. 1-imut

Aalajangersagaq taarsigassarsiallip inissiami Naalakkersuisunit taarsigassarsianut akiliutinut akiligassanngortunut, akiitsunut akilinngitsuukkanut, akileeqqusissutinut akitsuutinut akiitsullu sinnerinut isumakkeeriffigineqarsinnaaneranut tunngasuuvoq. Aalajangersakkami isertitassatut piumasaqaatit qinerneqarsinnaasut marluk atorneqarput. Isertitassanut piumasaqaatip taarsigassarsiallip inoqutaani siunissami qanittumi isertitassat ukiumut 128.000 koruunit inorlugit annertussuseqalernerinik kinguneqartussamik pisoqareertillugu atorneqarnissaa eqqarsaatigineqarpoq. Assersuutigalugu taarsigassarsialik siusinaartumik pensionisiaqalersimasinnaavoq utoqqalinersiutisiaqalersimasinnaalluniluunniit, taarsigassarsiallip aappani

inoqatiniluunniit annaasimasinnaavaa, taamaattumillu taarsigassarsiallip inoqutaani isertitassat siornatigumut naleqqiullugu ataavartussamik appangaatsiartussatut naatsorsuutigisariaqalersimallutik.

Imm. 2-mut

Isertitassanut killiliussanut imm. 1-imi taaneqartunut tunngatillugu taarsigassarsialik 18-it inorlugit ukiulinnik angerlarsimaffimmi najugaqartunik qitornaqarpat, isertitassanut killiliussaq 128.000 koruuniusoq meeqqamut ataatsimut 4.000 koruuninik qaffanneqartassaaq. Tamanna meeqqanut amerlanerpaamik arfinilinnut atuuppoq.

Assersuutigalugu taarsigassarsialik tallimanik angerlarsimaffimmi najugaqartunik qitornaqaruni, taarsigassarsialik ukiumut inoqutigiinni akileraaruteqaataasussanik 148.000 koruunit inorlugit isertitaqartarsimaguni, akiitsumi isumakkeerfigineqarnissaannik qinnuteqarsinnaavoq.

#### *§ 40-mut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarnek pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 10a, imm. 1-3-mut assingusuuvoq.

Imm. 1-imut

Aalajangersagaq taarsigassarsiallip inissiami taarsigassarsianut akiliutit akiligassanngortut, akiitsut akilinngitsuukkat, akileeqqusissutinut akitsuutit akiitsullu sinneri taarsigassarsianut erniaqanngitsunut akilersugassaannngitsunullu, piffissap ingerlanerani nalikilliartuaartussanut allanngortinnissaannut periarfissaqarneranut tunngasuuvoq. Aalajangersakkami isertitassatut piumasaqaatit qinerneqarsinnaasut marluk atorneqarput.

Isertitassanut piumasaqaatip taarsigassarsiallip inoqutaani siunissami qanittumi isertitassat ukiumut 180.000 koruunit inorlugit annertussuseqalernerinik kinguneqartussamik pisoqareertillugu atorneqarnissaa eqqarsaatigineqarpoq. Assersuutigalugu taarsigassarsialik siusinaartumik pensionisiaqalersimasinnaavoq utoqqalinersiutisiaqalersimasinnaalluniluunniit, taarsigassarsiallip aappani inoqatiniluunniit annaasimasinnaavaa, taamaattumillu taarsigassarsiallip inoqutaani isertitassat siornatigumut naleqqiullugu ataavartussamik appangaatsiartussatut naatsorsuutigisariaqalersimallutik.

Imm. 2-mut

Taarsigassarsialik 18-it inorlugit ukiulinnik angerlarsimaffimmi najugaqartunik qitornaqarpat, isertitassanut killiliussaq 180.000 koruuniusoq meeqqamut ataatsimut

4.000 koruuninik qaffanneqartassaaq. Tamanna meeqqanut amerlanerpaamik arfinilinnut atuuppoq.

Assersuutigalugu taarsigassarsialik arfineq marlunnik qitornaqaruni, taarsigassarsialik ukiumut inoqutigiinni akileraaruteqaataasussanik 204.000 koruunit inorlugit isertitaqartarsimaguni, akiitsumi taarsigassarsiatut erniaqanngitsutut akilersugassaannngitsutullu allanngortinneqarnissaannik qinnuteqarsinnaavoq. Tassalu meeqqat arfineq aappassaannut 4.000 koruuninik ilanngaasiisoqassanngilaq.

Imm. 3-mut

Taarsigassarsiallip akiitsui sinneqaratik taamaallaalli akilinngitsuukkanik akiitsoqartillugu, taarsigassarsiallip akiitsuinik allanngortitsisarneq aalajangersakkami pineqarpoq. Taamaattoqartillugu akiitsut ingerlaannartumik taarsigassarsiatut erniaqanngitsutut akilersugassaannngitsutullu, annertoqqatigiinnik aningaasartalerlugit qaammatini 60-ini nalikilliartuaartinneqartussatut allanngortinneqassapput.

Taarsigassarsiallip inissiamik Naalackersuisunut utertitsisinnaatitaanera aalajangersakkami kalluarneqanngilaq, taarsigassarsiat imaluunniit taarsigassarsiat arlallit taarsigassarsiatut erniaqanngitsutut akilersugassaannngitsullu allanngortinneqaraluartut inissiamut taarsigassarsiat ingerlaannartussaammata.

#### *§ 41-mut*

Aalajangersagaq najoqqutassatigut allannguuteqartinneqarluni inissialiortiternermut tapersiisuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 10a, imm. 4-p immikkoortuanut tullermut aamma § 21a, imm. 3-p immikkoortuanut tullermut assingusuvoq.

Tunngavissat Naalackersuisut qinnuteqaammik suliarinninnerminni pingaartitassaat aalajangersakkami taaneqarput.

Taarsigassarsiallip nalilinnit pigisai inuussutissarsiorsinnaaneratullu naatsorsuutigisaaq kiisalu illup pisoqaassusaa aammalu niuernikkut nalinga Naalackersuisut pingaartissavaat. Kisiannili qinnuteqartoq akiitsuminik isumakkeerfigineqarsinnaanersoq imaluunniit akiitsui allanngortinneqarsinnaanersut pillugit naliliiniarnermi, akiitsut sinnerisa annertussusaat immikkut pingaarutilittut inissisimannngilaq. Taamaattumik taarsigassarsiat annikitsut annertuullu isumakkeeriffigineqarsinnaapput allanngortinneqarsinnaallutilluunniit.

Aamma aalajangersakkami nr. 1-4-mi tunngavissat allat, Naalackersuisut qinnuteqaammik suliarinninnerminni pingaartitassaat taaneqarput:

Nr. 1-imut

Inissiaq kuuginnartumik imeqanngippat, kuuffeqanngippat innaallagiaqanngippallu, atortulersuutit taaneqartut pigineqarnerannut sanilliullugu inissiap teknikkikkut aningaasaqarnikkullu nalinga appasinnerusumik aalajangersarneqassaaq. Tamanna piginnittup akiitsuminik isumakkeerfigineqarsinnaaneranut akiitsuisaluunniit allanngortinneqarsinnaaneritut tapertaassaaq.

#### Nr. 2-mut

Inissiaq iluarsaateqqammersimappat, soorlu nutaanik igalaalernerqarsimappat, nutaamik qalialernerqarsimappat nutaamilluunniit oqorsaqqinneqarsimappat, tamatuma kingunerisaanik inissiap iluarsaanneqannginneranut sanilliullugu inissiap teknikkikkut aningaasaqarnikkullu nalinga qaffasinnerusumik aalajangersarneqassaaq. Tamanna piginnittup akiitsuminik isumakkeerfigineqarsinnaaneranut akiitsuisaluunniit allanngortinneqarsinnaaneritut akerliuvoq.

#### Nr. 3-mut

Inissiamik piginnittoq akilinngitsuukkaminik akiitsoqarpat, tamatumalu peqatigisaani piginnittoq najukkami pisortat inissiaataannut attartortittakkamut innersuunneqarnissamut periarfissaqarpat, ilaatigut ineqarnermut tapiiffigineqarsinnaalluni, tamanna piginnittup akiitsuminik isumakkeerfigineqarsinnaaneranut akiitsuisaluunniit allanngortinneqarsinnaaneritut akerliuvoq.

#### Nr. 4-mut

Ataatsimut isigalugu akiitsunik isumakkeerisarneq taamaallaat atorneqartariaqarpoq, inissiaq niuernikkut naleqanngippat aammalu taarsigassarsiallip qaammatikkaartumik akiliutiminik akiliisinnaanissaa ilimanaateqanngippat. Piumasaqaatit taakku naammassineqarsimanngippata, akiitsunik allanngortitsisarneq ataatsimut isigalugu atorneqartariaqarpoq. Taarsigassarsialik akiitsunik isumakkeerfigineqarnissamik qinnuteqarnermigut iluanaarniarsimasinnaavoq, taarsigassarsiallip akiitsuminik isumakkeerfigineqarnermigut inissiap nalinga maannarpiaq iluanaarutigisinnaammagu. Akiitsunik allanngortitsinissamik qinnuteqartarnermi iluanaarniarsinnaaneq taanna atuutinngilaq, taarsigassarsiallip inissiap nalinganit iluanaarutigisinnaasani aatsaat akiitsut nunguppata pissarsiarisinnaammagit.

Akiitsunik allanngortitsisarneq taarsigassarsialinnut, illoqarfinni nalinginnaasumik inissiap niuernikkut naleqartutut naatsorsuutigineqarnera pequtigalugu akiitsunik isumakkeerinissamut itigartitsiviusartuni ataatsimut isigalugu atorneqartariaqarpoq. Illoqarfinni taakkunani taarsigassarsialik, inoqutigiinni ukiumut akileraaruteqaataasussanik, assersuutigalugu 110.000 koruuninik isertitaqartartoq, taarsigassarsialittuulli inoqutigiinni ukiumut akileraaruteqaataasussanik, assersuutigalugu 175.000 koruuninik isertitaqartartutuulli taarsigassarsiaminik allanngortitsisinnaasariaqarpoq.

## § 42-mut

Aalajangersagaq nutaajuvoq, aammalu allaffissornermi suleriaasiusumik aalajangersimasumik inatsisitigut tunngaviliilluni.

### Imm. 1-imut

Inissiamut, taarsigassarsiallip pigiunnaariigaanut, aammalu utertitsinermut imaluunniit Naalakkersuisut inissiamik utertitsillutik tigusinerannut atatillugu akiitsut naatsorsorneqareersimappata, akiliutinut akiligassanngortinneqartunut, akiitsunut akilinngitsuukkanut, akileeqqusissutinut akitsuutinut akiitsullu sinnerinut taarsigassarsiallip isumakkeeriffigineqarsinnaaneranut aalajangersagaq tunngasuvoq. Tassalu aalajangersakkakut akornusersimaneqanngilaq taarsigassarsiallip inissiami najukkamini, kisiannili taarsigassarsiallip pigiunnaarsimasaani akiligassanut akiligassanngortinneqartunut, akiitsunut akilinngitsuukkanut, akileeqqusissutinut akitsuutinut akiitsullu sinnerinut isumakkeeriffigineqarnissaa. Assersuutigalugu taarsigassarsiallip inissiaq inummut najugaqatigisaminut tunniussimasinnaavaa.

### Imm. 2-mut

Aalajangersagaq inissiamut, taarsigassarsiallip pigiunnarsimasaanut tunngasuvoq, tassanilu tunngavissat taarsigassarsiallip akiliutinut akiligassanngortinneqartunut, akiitsunut akilinngitsuukkanut, akileeqqusissutinut akitsuutinut akiitsullu sinnerinut isumakkeeriffigineqarnissaanik Naalakkersuisut naliliiniarnerminni pingaartitassaat taaneqarput. Ataatsimut isigalugu Naalakkersuisut taarsigassarsialik, inissiamik piginnittuuginnarnerminut naleqqiullugu taarsigassarsiat tunngavigalugit nalilinnik iluanaarutaasinnaasunik piginnittuujunnaarsimappat isumakkeerfigineqarsinnaanersoq ajornannginnerusumik naliliiffigisalissavaat.

## § 43-mut

Aalajangersagaq oqaasertamigut allannguuteqartinneqarluni inissialiortiternermut tapersiissuteqartarnek pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkat allannguuteqartinneqartumi § 10a, imm. 5-imut assingusuvoq.

Aalajangersagaq akiligassanngortitsisarnissamut aalajangersagaavoq. Taarsigassarsialik tammarsimappat tamanna eqqartuussivitsigut aalajangiiffigineqartariaqarpoq, tassanilu taarsigassarsiallip tammarsimanagera, taamaalillunilu tammarsimasut pillugit inatsimmi, kingusinnerusukkat allannguuteqartinneqartumi § 5 naapertorlugu toqusimasutut naatsorsuutigineqarnera aalajangiiffigineqassaaq. Nalinginnaasumik tammarsimasut, kingullermik suli inuusutut ilisimaneqarnerminniit ukiut tallimat qaangiunnerini toqusimasutut nalunaarutigineqartarput, tak. tammarsimasut pillugit inatsisip nalunaarutigineqarnera nr. 766, 4. august 2005-imeersoq.



Aalajangersagaq piginnittut nikinnerannut nassuiaatinik imaqarpoq.

§ 44-mut

Aalajangersagaq nutaajuvoq, aammalu maannamut allaffissornikkut suleriaasiusumik ersersitsiviunani.

Imm. 1-imut

Aalajangersakkap atuutilerneratigut taarsigassarsiallit, aningaasaqarnikkut annertuumik ajornartorsiuteqartut inissiamut tunngatillugu Naalakkersuisunut taarsigassarsiaminnut akilersuutitut akiliisarnerminnik kinguartitsigallarsinnaapput, tamatumani taarsigassarsiallit akiliutitut akiligassanngortinneqartunut, akiitsunut akilinngitsuukkanut, akileeqqusinermut akitsuutitut akiitsullu sinnerinut isumakkeeriffigineqarnissamik imaluunniit allanngortitsinissamik piumasaqaatinik naammassinnissimangippata. Aalajangersagaq ilaatigut inissianik, Naalakkersuisunit taarsigassarsititsiviusimasunik piginnittut amerlanerusut qaammatikkaartumik akiliutissanik akilersuinerminnik unitsitsivinnissaat pinngitsoorniarlugu ikkunneqarpoq, ilaatigullu Namminersornerullutik Oqartussat inissianik pinngitsaaliissummik arsaarinninnissaat, taamaalillutillu ilaqutariinnik allamut inisseqqitassanngorlugit anisitsisarnissaat pinngitsoorniarlugu ikkunneqarluni.

Akiliisarnermik kinguartitsigallartarnermik aqqissuussineq immaqa taarsigassarsiallit kingusinnerusukkut Naalakkersuisunit taarsigassarsiaminnut qaammatikkaartumik akiliisarnerminnik ingerlatitseqqinnissaannut ikiorsiissutaasinnaavoq.

Akiliisarnermik kinguartitsigallartarnermik aqqissuussineq taarsigassarsiallip atuinermut, tassalu innaallagissamut, imermut kiassarnermullu aningaasartuutitut akiliisannginnissaanik tungaviliinngilaq.

Imm. 2-mut

Aalajangersagaq malillugu Naalakkersuisut akiliisarnermik kinguartitsigallarsinnaapput, nr. 1-imi imaluunniit 2-mi piumasaqaatit naammassineqarsimappata.

Aalajangersakkami nr. 1-imut tunngatillugu taarsigassarsiallip akilersuutiminik akiliisarnermik aallartitseqqissinnaanissaa annertuumik qulakkeerneqassaaq. Assersuutigalugu taarsigassarsialik napparsimasinnaavoq, ukiup ataatsip iluani aqqinnissaa ilimanaateqarluni.

Aalajangersakkami nr. 2-mut tunngatillugu taarsigassarsiallip sivisunerpaamik ukiut marluk ingerlanerini akiitsuminik isumakkeerinniffigineqarnissamut allanngortitsinissamullu piumasaqaatinik naammassinnissinnaalernissaa annertuumik qularnaateqassanngilaq.

Imm. 3-mut

Taarsigassarsiallip akiliisarnerninik kinguartitsigallarnissaa Naalakkersuisunit akuerineqassanersoq Naalakkersuisut naliliiniarneranni, taarsigassarsiallip kingusinnerusukkut akilersuinerminik aallartitseqqissinnaanissaanut tamakkiisumik takussutissiisussatut pisut pingartinneqartussat siunertaqarput.

*§ 45-mut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 21b, imm. 1-ip immikkortuanut siullermut aamma imm. 2-mut assingusuvoq.

Imm. 1-imut

Aalajangersakkap atuutilerneratigut Naalakkersuisut inissianik, inunnit ukiuni akileraaruteqarfiusuni kingullerni marlunni inoqutigiinni ukiumut 180.000 koruunit inorlugit akileraaruteqaataasussanik isertitaqarsimasunit pigineqartunik iluarsaassinissamut, alliliinissamut pitsanngorsaansamulluunniit annerpaamik 100.000 koruuninik tapiissuteqarsinnaapput.

Aaqqissuussinerup aamma siunissamut sammisuunissaa qulakkeerniarlugu, Naalakkersuisut inunnut, inoqutigiinni isertitat maanna qanoq annertussuseqarnerat apeqqutaatinnagu siunissami qanittumi inoqutigiinni ukiumut 180.000 koruunit inorlugit isertitaqartussatut naatsorsuutigineqartunut taarsigassarsititsisinnaalissapput. Siunissap qanittup oqaatigineqarnerani eqqarsaatigineqarpoq inuup inoqutaani siunissami qanittumi isertitassat ukiumut 180.000 koruunit inorlugit annertussuseqalernerinik kinguneqartussamik pisoqareersimasooq. Assersuutigalugu taarsigassarsialik siusinaartumik pensionisiaqalersimasinnaavoq utoqqalinersiutisiaqalersimasinnaalluniluunniit, taarsigassarsiallip aappani inooqatiniluunniit annaasimasinnaavaa, taamaattumillu taarsigassarsiallip inoqutaani isertitassat siornatigumut naleqqiullugu ataavartussamik appangaatsiartussatut naatsorsuutigisariaqalersimallutik.

Imm. 2-mut

Tapiissutinik pissarsinissamut piumasaqaataavoq, maanna piginnittuusut taarsigassarsiaqartuullutik inissiaq Namminersornerullutik Oqartussanit taarsigassarsiaqarfiusooq taarsigassarsiaqarfiusimalluniluunniit. Aalajangersakkami siunertaavoq, aammattaaq akissaatikinnerusut inissiamik najukkaminnik aserfallatsaaliuinnissamut, kiisalu inissiamik najukkaminnik alliliinissamut periarfissaqartinneqarnissaat. Inuilli ukiuni akileraaruteqarfiusuni kingullerni marlunni inoqutigiinni ukiumut akileraaruteqaataasussanik 180.000 koruuninik amerlanerusunilluunniit isertitaqarsimasut, siunnersuummi § 24 naapertorlugu inissiami najukkaminni alliliinissamut pitsanngorsaansamulluunniit qinnuteqarnissamut periarfissaqarput.

Inissiat, Naalackersuisunit taarsigassarsiaqarfijunnaarsimasut, aammalu Naalackersuisunit taarsigassarsiaqarfinginnerminni tunineqarsimasut aaqqissuussinerup avataaniipput. Tamatumunnga tunngaviuvoq, inissiat niuerutigineqarnerminni pisortanit taarsigassarsiaqarfinginnera.

Imm. 3-mut

Aalajangersagaq malillugu isertitassanut killiliussat meeqqamut ataatsimut, 18-it inorlugit ukiulimmut angerlarsimaffimmi najugaqartutut inuit allattorsimaffianni nalunaarsorsimasumut ataatsimut 4.000 koruuninik qaffanneqartassapput. Tamannali meeqqanut amerlanerpaamik arfinilinnut atuutissaaq.

#### *§ 46-mut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 21b, imm. 1-ip immikoortuanut tullermut, imm. 3-mut aamma 4-mut assingusuuvoq.

Imm. 1-imut

Naalackersuisunit tapiissutinik ataasiarluni arlaleriarluniluunniit pissarsereersimagaanni, tapiissutinik qinnuteqarsinnaanermut piffissamik aalajangersakkami killiliisoqarpoq.

Piffissaq qinnuteqarfiusoq tassaavoq piffissaq Naalackersuisut qinnuteqaammik tigussiffiat allakkanillu isertutut nalunaarsuiffiat.

Imm. 2-mut

Aalajangersakkami Naalackersuisut tapiissutinik qinnuteqaammik naliliiniarneranni tunngavissat aalajangersarneqarput.

Aalajangersakkami illoqarfinni anginerusuni, realkreddittimit aningaaserivinnilluunniit taarsigassarsinissamut periarfissaqarfiusuni inissianik piginnittut aaqqissuussinermik atuisinnaanissaat siunertarineqanngilaq. Tamatumunnga tunngaviusoq tassaavoq, inissiaq Naalackersuisunit taarsigassarsiaqarfiusoq amerlanertigut akiitsut saniatigut naleqartarmat, taannalu Naalackersuisut taarsigassarsiarititaat akilerneqaraluarpata atorneqarsinnaalertussaavoq taarsigassarsianullu qularnaveeqqusiunneqarsinnaalertussaalluni. Tassalu tassani inissianik Naalackersuisunut taarsigassarsiaqarfiusunut piginnittut tamarmik piffissami pineqartumi imaluunniit siunissami 180.000 koruunit inorlugit isertitaqartussat Nunap Karsianiit tapiissutinik tapersiiffiqarsinnaanissaat siunertarineqanngilaq.

Imm. 3-mut

Aalajangersagaq Naalackersuisunut piginnaatitsisarnissamik aalajangersagaavoq. Suliassat suut tapiiffigineqarsinnaanissaannut tunngatillugu pingaartumik suliassat, inissiap pitsaassusaanik allanngutsaaliutaasut aammalu illup maanna qanoq issusianut atornerqarneranullu naapertuuttut eqqarsaatigineqarput.

#### *§ 47-mut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 1, nr. 2-p ilaanut taartaalluni.

Tapiissuteqarfiusussat taarsigassarsitinneqartussallu inunnut namminersorsinnaassuseqartunut killilerneqarnerisigut, inuit namminersorsinnaajunnaarsinneqarsimasut kiisalu meeqqat 18-it inorlugit ukiullit kapitali manna naapertorlugu tapiiffigineqarnissamik taarsigassarsitinneqarnissamilluunniit qinnuteqarsinnaatitaanngillat, taamatullu pisussaatitaasut piginnaatitaasullu tapiiffigineqarnissamik taarsigassarsitinneqarnissamilluunniit qinnuteqarsinnaatitaanatik.

Kiisalu tapiiffigineqartut taarsigassarsitinneqartulluunniit nunami najugaqartutut inuit nalunaarsorsimaffianni nalunaarsorsimassapput.

#### *§ 48-mut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 22, imm. 1-3-mut taartaalluni.

Imm. 1-imut

Aalajangersagaq malillugu Naalackersuisut illunik sanaqataaffiusunik pigisaqalernissamut taarsigassarsititsisinnaapput. Illu sanaqataaffiusoq tassaavoq, illu aalajangersimasumik suussusilik katiteriaannartut aammalu sumiiffimmi sananeqartussatut tunniunneqarsinnaasoq. Peqqussutissatut siunnersuutip atuutileratigut illunik sanaqataaffiusunik aaqqissuussineq, nammineerluni illulianut aaqqissuussinermut atuuttumut taartaasusaaq atuutsinneqalissaaq. Illup sanaqataaffiusup aammalu nammineerluni illuliassap assigiinngissutaat illutarpiassaanut atortussanut tungasuunngilaq. Assigiinngissutaali illumik sananermiippoq. Illu sanaqataaffiusoq avataaniit ikiorserneqarluni sananeqartassaaq, aaqqissuussinerli maanna atuuttoq nammineerluni illuliassat amerlanertigut ikiorteqarani sananeqartarput, tamatumalu nassatarisaanik sananermut atortussat akuttunngitsumik asiutinneqartarput, nammineerluni illuliortup illumik naammassinissimannginnera peqqutigalugu.

Aalajangersakkami nunap aggornerinut killilersuutunik aalajangersaasoqanngilaq, taamaattumillu illumik sanaqataaffiusumik kissaateqarluni taarsigassarsiniarluni

qinnuteqartoq sumiluunniit najugaqaraluarpat, tassalu nunaqarfimmiikkaluarpat illoqarfimmiikkaluarpalluunniit Naalakkersuisut taarsigassarsititsisinnaapput.

Imm. 2-mut

Aalajangersagaq malillugu Naalakkersuisut inissiamik pioreersumik, Naalakkersuisunit taarsigassarsititsivigineqareersimasumik pigisaqalernissamut taarsigassarsititsisinnaapput. Aalajangersakkami § 38, imm. 1, nr. 2-mut innersuussinerup kingunerisaanik atuiffiusussat tassaalerput illut, siornatigut taarsigassarsiffiusimasut Naalakkersuisunut utertinneqarsimasut imaluunniit taarsigassarsiallit taarsigassarsiaminnik sumiginnaasimanerat peqqutigalugu Naalakkersuisut tigusimasaat. Tassalu atuiffiusinnaasut tassaapput illut inoqanngitsut, Namminersornerullutik Oqartussanit pigineqartut.

Imm. 3-mut

Aalajangersagaq malillugu Naalakkersuisut nammineerluni illulianik naammassineqanngitsunik pioreersunik pigisaqalernissamut taarsigassarsititsisinnaapput. Atuiffiusussat tassaapput nammineerluni illuliat naammassineqanngitsut, peqqussut atuuttoq malillugu Naalakkersuisut taarsigassarsititsivigisimasaat. Tamatuma kingunerisaanik nammineerluni illuliat Naalakkersuisunit tigueqarsimapput, taamaalillunilu taarsigassarsisuusimasup illu naammassisimangimmagu Naalakkersuisunit pigineqalersimalluni.

Imm. 4-mut

Naalakkersuisut illuliassat sanaqataaffiusussat aalajangersimasut suut taarsigassarsititsivigineqartassanersut aalajangereerunikku, Naalakkersuisut suliaassanut aningaasaqarnermullu tunngassuteqartut eqqarsaatigalugit nammineerluni illuliassat assigiissaakkat ikittuinnaat, atuinissamut periarfissanik pisariaqartitat assigiinngitsut eqqarsaatigalugit qanorluunniit ilusilersorneqarsinnaasut toqqassavaat. Naalakkersuisut ilusilersuinissamut atuinissamut periarfissanut piumasaaqatinik aalajangersaasimagunik, illut sanaqataaffiusut suut taarsigassarsivigitinneqartassanersut pillugu aalajangernerminni maleruagassat taakku malissavaat.

#### *§ 49-mut*

Aalajangersagaq nutaajuvoq, aammalu Naalakkersuisut taarsigassarsiarititaasa sumut tunnganissaannut nassuiaaffiilluni.

Imm. 1-imut

Aalajangersagaq malillugu Naalakkersuisut taarsigassarsiarititassaat tamatigut illuliassanut sanaqataaffiusussanut, sumiiffimmut tunniunneqartussanut tunngasuupput. Naalakkersuisut illunik aalajangersimasunik atortussiortartumut, illuliassanut sanaqaaffiusussanut atortussanik pisinissamut nassiussinissamullu

isumaqatigiissuteqartarput. Pisinissamut isumaqatigiissut aningaasartuutissallu allat, soorlu assartuinnermut tunngasut, aningaasartuutissanik uppersarneqarsimasunik tamakkiisunik aalajangiiniarnermi tunngavigneqartarput. Taamaalilluni Naalackersuisut atortussanik pisinermut umiarsuakkullu nassiussinermut uppersartaatissanik pissarsinermikkut aningaasartuutissat tamakkiisut uppersartussaavaat.

#### Imm. 2-mut

Aalajangersagaq malillugu Naalackersuisut taarsigassarsiarititaat tamatigut illumi pioreersumi atortussanut ilassutaasussanut, inissiaq najugaqarfigineqarsinnaasunngorlugu suliarineqarnissaanut pisariaqartunut tamatigut atorneqartartussaapput. Atortussat sumiiffimmut tunniunneqassapput. Atortussanik ilassutissanik pisinissamut isumaqatigiissut, kiisalu assersuutigalugu assartuinissamut aningaasartuutit ilassutissaat aningaasartuutininik uppersarneqarsimasunik tamakkiisunik aalajangersaaniarnermut tunngavigneqassapput. Taamaalilluni Naalackersuisut atortussanik pisinermut umiarsuakkullu nassiussinermut uppersartaatissanik pissarsinermikkut aningaasartuutit tamakkiisut uppersartussaavaat. Tamatuma saniatigut Naalackersuisut nammineerluni illuliamik pioreersumik tigusinermut akiusussamik aalajangersaasussaapput.

#### Imm. 3-mut

Aalajangersagaq malillugu Naalackersuisut nammineq illuliamut pioreersumut naammassineqanngitsumut taarsigassarsiarititaat, inissiap najugaqarfigineqarsinnaasunngorlugu suliarineqarnissaanut atortussanut ilassutaasussanut pisariaqartunut atorneqartussaapput. Atortussat sumiiffimmut tunniunneqassapput. Atortussanik ilassutissanik pisinissamut isumaqatigiissut, kiisalu assersuutigalugu assartuinissamut aningaasartuutit ilassutissaat aningaasartuutininik uppersarneqarsimasunik tamakkiisunik aalajangersaaniarnermut tunngavigneqassapput. Taamaalilluni Naalackersuisut atortussanik pisinermut umiarsuakkullu nassiussinermut uppersartaatissanik pissarsinermikkut aningaasartuutit tamakkiisut uppersartussaavaat. Tamatuma saniatigut Naalackersuisut nammineerluni illuliamik pioreersumik tigusinermut akiusussamik aalajangersaasussaapput.

#### Imm. 4-mut

Aalajangersakkami atortussanut ataatsimoorussanut ilassutissat, Naalackersuisut taarsigassarsititsivigisinnaasaat arlallit malittarisassiuunneqarput. Assersuutigalugu Naalackersuisut sanaqataasussatut ikiortimut aningaasartuutissanut taarsigassarsititsisinnaapput, taamaalillunilu Naalackersuisut sanasunik, taarsigassarsiallip illumik sanaqataaffiusumik sananerani ikiuuttussanik atugassiisussaapput.

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 24-mut taartaalluni.

Imm. 1-imut

Aalajangersagaq naapertorlugu taarsigassarsialik Namminersornerullutik Oqartussanit taarsigassarsiaminut erniaanut akilersuutitaannullu akiliisassanngilaq.

Imm. 2-mut

Aalajangersakkap atuutilerneratigut taarsigassarsiat piffissap aalajangersimasup iluani akuttoqatigiinnik akilersorneqartassapput.

### *§ 51-imut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 24, imm. 1-imut taartaalluni.

Imm. 1-imut

Aalajangersakkap atuutilerneratigut qinnuteqartup inoqutaani isertitat Naalakkersuisut illumut sanaqataaffiusumut taarsigassarsititsisinnaaneranunt aalajangiisuussapput.

Imm. 2-mut, 3-mut aamma 4-mut

Aalajangersakkami imm. 2-mi, 3-mi aamma 4-mi qinnuteqartup inoqutaani isertitat tungavigalugit Naalakkersuisut taarsigassarsiarititassaasa annertussusissaat nassuiarneqarput.

Qinnuteqartup inoqutaani isertitat akileraaruteqaataasussat 180.000 koruuniuppata taakkuluunniit inorlugit amerlassuseqarpata, Naalakkersuisut aningaasartuutissat uppersarsarneqarsimasut 95 procentiinik taarsigassarsititsissapput. Qinnuteqartup inoqutaani isertitat akileraaruteqaataasussat 450.000 koruuninit amerlaneruppata, assersuutigalugu 451.000 koruuniuppata, Naalakkersuisut taarsigassarsititsisinnaanngillat. Inoqutigiinni isertitat akileraaruteqaataasussat 15.000 koruuninik qaffanneri tamaasa, Naalakkersuisut taarsigassarsiarititassaat 5 procentpointinik appartinneqartassapput. Periaaseq takussutissiami matuma kingulianiittumi takussutissiorneqarpoq.

Isertitat	Nunap	
	Karsianit taars. %- inngorlugit	Nammineq akiligassat %- inngorlugit
180.000	95	5
195.000	90	10
210.000	85	15
225.000	80	20
240.000	75	25
255.000	70	30
270.000	65	35
285.000	60	40
300.000	55	45
315.000	50	50
330.000	45	55
345.000	40	60
360.000	35	65
375.000	30	70
390.000	25	75
405.000	20	80
420.000	15	85
435.000	10	90
450.000	5	95

§ 52-imut

Aalajangersagaq nutaajuvoq, aammalu qinnuteqartup inoqutaani isertitat akileraaruteqaataasussat kapitali 5-imi nassuiarneqartutut paasineqartussat nassuiarneqarput.

Imm. 1-imut

Aalajangersakkami isertitat akileraaruteqaataasussat naatsorsornerini qinnuteqartoq illumut sanaqataaffiusussamut taarsigassarsitinneqassappat, qinnuteqartup siunissami inoqutigisassai pingartinneqassapput. Taamaalilluni inissiami, qinnuteqartup maanna najugaani inoqutigiit isertitai pingartinneqassanngillat.

Tamatumunnga tunggaviuvoq illumi kinguaariit arlallit najugaqatigiittarnerat, taamaattumillu inissiami qinnuteqartup maannakkut najugaani inoqutigiit isertitaa akileraaruteqaataasussat qinnuteqartumut, taassuma aappaanut, qatanngutaanut, angajoqqaavinut, angajoqqaavisa angajoqqaavinut, qitornaanut il.il. tunngasinnaallutik. Taakkulu tassaasinnaapput inuit illumut sanaqataaffiusumut nuuttusaanngitsut.



Illumi sanaqataaffiusumi inoqtigiittut immaqa nooqataasussat isertitaat akileraaruteqaataasussat ilusissaat Naalakkersuisut qinnuteqartup taarsigassarsitinneqarsinnaaneraniq naliliiniarneranni tunngavigineqassaaq. Qinnuteqartup inoqtissaatut aappaasoq, inooqataasoq, qitornat angerlarsimaffimmi najugaqartut kiisalu inuit, inooqataasutut isigineqarsinnaanngikkaluarlutik qinnuteqartup inoqtigisassai allat naatsorsuutigineqartarput.

Taamaattumik inoqtigiinni isertitat tassaapput qinnuteqartup, taassuma aappaata inooqataataluunniit aammalu meeqqat angerlarsimaffimmi najugaqartut, tamatumani meeqqat 18-it inorlugit qaangerlugilluunniit ukioqarnersut apeqqutaatinnagu, aammalu inuit, inooqataasutut isigineqarsinnaanngikkaluarlutik qinnuteqartup inoqtigisassaasa isertitassaat akileraaruteqaataasussat tamakkiisut.

Imm. 2-mut

Aalajangersagaq qinnuteqartup piffissami qinnuteqarfiusumi inoqtissamisut nalunaarutigisaasa inoqtigiinnit, illumut sanaqataaffiusumut nuuttussanit ikinnerunnginnissaat qulakkeerniarlugu ikkunneqarpoq. Naalakkersuisut taarsigassarsiarititassaat qinnuteqartup illumut sanaqataaffiusumut iserternerani inoqtigiit nooqataasussatut naatsorsuutigineqartut amerlassusissaat tunngavigalugit naatsorsorneqassapput. Taamaattumik piffissami iserterfiusumi inoqtigiit nalunaarutigineqartunit amerlaneruppata, tamanna tunngavigalugu Naalakkersuisut taarsigassarsiarititassaasa amerlassusissaat aaqqinneqassapput.

### *§ 53-imut*

Aalajangersagaq nutaajuvoq, aammalu inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 23-mut taartaalluni.

Imm. 1-imut

Taarsigassarsiallip nammineerluni aningaasalersuinissamut taarsigassarsiarisimasinnaasai, kiisalu taarsigassarsiallip sanaartorfissagissaanermut akitsuutitut pisortallu innaallagissamut, imermut kuuffinnullu attaviliinissamut piumasagaataannut uppernarsarneqarsimasunut taarsigassarsiarisimasinnaasai illu sanaqataaffiusoq qularnaveeqqusiullugu taarsigassarsiaritinneqassapput, taannalu qularnaveeqqusiisarneq pillugu Kalaallit Nunaannut inatsit naapertorlugu nalunaarsorneqassaaq.

Imm. 2-mut

Naalakkersuisut illumut sanaqataaffiusumut taarsigassarsiarititaat illumik sanaqataaffiusumik qularnaveeqqusiisinnaatitaanermi taarsigassarsiallip nammineerluni aningaasalersuinissamut taarsigassarsiarisimasinnaasaanut, kiisalu taarsigassarsiallip sanaartorfissagissaanermut akitsuutitut pisortallu innaallagissamut, imermut kuuffinnullu attaviliinissamut piumasagaataannut

uppernarsarneqarsimasunut taarsigassarsiarisimasinnaasaannut tulluutillugu akilerneqartussatut akilerneqarnissaat sallinngoriartuaartussanngorlugu tunniunneqassapput.

Pisortat taarsigassarsiarititaat illup sanaqataaffiusup qularnaveeqqusiunneqarneratigut qularnaveeqqusiisarneq pillugu Kalaallit Nunaannut inatsit naapertorlugu nalunaarsorneqartumik taarsigassarsiaritinneqassapput. Pisortat taarsigassarsiarititaat illu sanaqataaffiusoq qularnaveeqqusiullugu taarsigassarsiaritinneqartillugit, pisortat taarsigassarsiaasa akilerneqarnissaasa tulleriinnilersuinermi inissisimaffiat aalajangersakkami aalajangersarneqarpoq. Kiisalu qularnaveeqqusiisarneq pillugu Kalaallit Nunaannut inatsit aamma qularnaveeqqusiisarnermut maleruagassat nalinginnaasut atuutsinneqarput.

Taarsigassarsiat akilerneqarnissaannik tulleriinnilersuineq imatut takussutissiorneqarsinnaavoq:

Akiligassat Qularnaveeqqummik pigisaqartoq

1a Qinnuteqartup nammineerluni aningaasalersuutissamisut taarsigassarsiarisimasinnaasai (aningaaserivimmit/reakkredittimit)

1b Qinnuteqartup sanaartorfissagissaanermut akitsuutitut pisortallu innaallagissamut, imermut kuuffinnullu attaviliinissamut piunasaqaataannut taarsigassarsiarisimasinnaasai (aningaaserivimmit/reakkredittimit)

2 Naalakkersuisut illumut sanaqataaffiusumut taarsigassarsiarititai

1a-mi aamma 1b-mi taarsigassarsiat akilersorneqarneranni Naalakkersuisut taarsigassarsiarititaasa akilerneqarnissaat sallinngoriartuaassaaq.

#### *§ 54-imut*

Aalajangersagaq nutaajuvoq.

Imm. 1-imut

Aalajangersagaq Naalakkersuisut misileraalluni sanaartornermut taarsigassarsititsisinnaanerannut, tapiissuteqarsinnaanerannut imaluunniit immikkut ittumik ikiorsiisinnaanerannut tunngasuvoq. Immikkut ittumik ikiorsiinermi pineqartoq tassaasinnaavoq, illup sanaqataaffiusup sananeqarneranut attuumassutilinnut tamanut ikiorsiisarneq. Misileraalluni sanaartorneq tassaasinnaavoq, illumik sanaqataaffiusumik nutaamik, issittup silaannaani misilerarneqartussamik sananeq.

Imm. 2-mut

Illut sanaqataaffiusut siusinnerusukkut sananeqarsimasut, peqqussut atuuttoq malillugu nammineerluni illulianik taaneqartut naliliiffigineqarnerinut atatillugu Naalakkersuisut taarsigassarsititsisinnaanerannut, tapiissuteqarsinnaanerannut imaluunniit immikkut ittumik ikiorsiisinnaanerannut aalajangersagaq tunngasuvoq. Immikkut ittumik ikiorsiinermi pineqartoq tassaasinnaavoq, illumik sanaqataaffiusumik naliliinermut attuumassutilinnut tamanut ikiorsiisarneq, assersuutigalugu illu maannamut issittumik silaannalimmi atorsinnaasimanersoq pillugu naliliinermi.

#### *§ 55-imut*

Aalajangersagaq nutaajuvoq.

Imm. 1-imut

Aalajangersagaq malillugu Naalakkersuisut kommunimut illumik sanaqataaffiusumik pigisaqalernissamut tapiissuteqarsinnaapput.

Imm. 2-mut

Aalajangersakkami nassuiaatigineqarpoq Naalakkersuisut sunut tapiisinnaanersut. Tapiiffigineqartut tamatigut tassaasarpot, illuliassat sanaqataaffiusussat sumiiffimmut tunniunneqartut. Taakku saniatigut tapiissutit allanut tunngasuusinnaapput, soorlu sanaqataasunit ikiorserneqarnermut ilitsersorneqarnermullu aningaasartuutininut. Aningaasartuutissat Naalakkersuisunit tapiiffigineqanngitsut kommunip akilissavai.

#### *§ 56-imut*

Aalajangersagaq nutaajuvoq.

Imm. 1-imut

Aalajangersakkami allassimavoq, illumut sanaqataaffiusussamut taarsigassarsinissamik qinnuteqaat kingusinnerpaamik decembarip ulluisa aallaqqaataanni Naalakkersuisunut nassiunneqassasoq. Tamatumunnga tunngaviusoq tassaavoq taarsigassarsinissamik qinnuteqaatip Naalakkersuisunit suliarineqartussaana, kiisalu illunut sanaqataaffiusunut atortussanik inniminniisoqarnissaanik, poortuisoqarnissaanik aammalu ukiup tulliani upernaap aasalluunniit, illup sanaqataaffiusup sananeqarfissaata ingerlanerani umiarsuakkt nassiussivissamut assartorneqarnissaanik isumaginnittussaanaerat. Sumiiffinni arlalinni ukiumut taamaallaat ataasiarluni marloriarluniluunniit umiarsuaqartarpoq, aammalu silap pissusaa peqquataalluni illut sanaqataaffiusut sananeqarnissaasa aasaanerani ingerlanneqarnissaa pitsaanerpaasarpoq. Naalakkersuisut piffissap qinnuteqarfiusup uniorneqarnissaanik immikkut ittumik akuersissuteqarsinnaanngillat. Assersuutigalugu qinnuteqaat decembarip ulluisa

pingajuanni tiguneqarpat, qinnuteqaat toqqorneqassaaq, ukiullu tulliani qinnuteqaatinut takkuttunut allanut ilanngunneqarluni suliarineqassalluni.

Imm. 2-mut

Aalajangersakkap immikkoortuani 2-mi qinnuteqaat sunik ilaqartinneqassanersoq aalajangersarneqarpoq. Paasissutissat taakku ilanngunneqarsimanngippata, qinnuteqartup illumut sanaqataaffiusumut taarsigassarsinissamik qinnuteqaataa qinnuteqaatinut allanut, decembarip ulluisa aallaqqaataat sioqqullugu nassiunneqarsimasunut paasissutissanillu attuumassutilinnik ilaqartinneqartunut ilanngullugu suliarineqarsinnaassanngilaq.

Taarsigassarsinissamik qinnuteqartup nammineerluni aningaasalersuutissaminut uppersarsaataa amerlanertigut tassaasarpoq, taarsigassarsiniarluni qinnuteqartup aningaaserivianiit uppersarsaat naatsoq, tasanilu taarsigassarsinissamik qinnuteqartup aningaasalersuinermi akiligassaminik akiliisinaanera allassimasarpoq. Nunaminertamik inniminniinermut uppersarsaat kommunimit pissarsiarineqartarpoq, tasanilu kommunip taarsigassarsinissamik qinnuteqartup illumik sanaqataaffiusumik sananissamat nunaminertamik inniminniisimanera uppersarsartarpaa.

Kiisalu imm. 2-mi aalajangersarneqarpoq qinnuteqartoq ukiuni kingullerni tallimani sulisimanngippat Naalakkersuisut taarsigassarsititsisinnaanngitsut. Aalajangersakkami siunertarineqarpoq piffissami sivikitsumi isertitakinnerup, soorlu ilinniarnermik suliffissaaleqinermillu peqquteqartumik, isertitat naatsorsornerinut sunniuteqarujussuarnera peqqutigalugu qinnuteqartup itigartitaanissaata pinngitsoorneqarnissaa. Ukiut tallimat ingerlanerini isertitanik agguaqatigiisitsisarnikkut tamanna pinngitsoorneqarsinnaavoq. Qinnuteqartoq ukiut kingulliit tallimat ingerlanerini sulisimassaaq, qinnuteqartoq ukiuni tallimani kingullerni ingerlaannartumik sulisimappat, imaluunniit qinnuteqartoq ukiut tallimat kingulliit ingerlanerini piffissami ataatsimi arlalinniluunniit sulisimappat.

#### *§ 57-imut*

Imm. 1 aamma 2 najoqqutassatigut allannguuteqartinneqarlutik inissialiortiternermut tapersiissuteqartarnek pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkat allannguuteqartinneqartumi § 22, imm. 5-imut assingusuupput.

Imm. 1-imut

Aalajangersakkami siunertarineqarpoq taarsigassarsinissamat neriorsuutit tunniunneqartut atorneqarsinnaanerannik atorunnaarsinneqarsinnaanerannillu qulakkeerinissaq. Taarsigassarsinissamat neriorsuutip suliarineqarnerinut peqatigitillugu Naalakkersuisut suliffeqarfimmut, assersuutigalugu illumut sanaqataaffiusumut atortussanik pisinissamik isumaqatigiissuteqassapput. Suliassaq naammassineqanngippat taarsigassarsiassatut aningaasaliissutit Naalakkersuisunut

utertinneqarnissaat aammalu siunertanut allanut tulleriiaarinermi atorneqarsinnaanissaat pingaaruteqarpoq.

Imm. 2-mut

Aalajangersakkap atuutilerneratigut Naalakkersuisut pisuni immikkut ittuni imm. 1-imi piffissamut killiliussat taaneqartut uniorneqarnissaannut immikkut ittumik akuersissuteqarsinnaapput. Immikkut ittumik akuersissuteqarsinaanerup pingaartumik illup sananeqarnerata ingerlalluareernerani, kiisalu atuilernissamut akuersissutip suliarineqarnissaata kisimi utaqqisaanerani atorneqarsinnaanera eqqarsaatigineqarpoq. Aalajangersakkami eqqarsaataasoq pingaarneq tassaavoq Naalakkersuisut taarsigassarsiarititaasa atorneqarnissaat, taamaalillunilu sanaartukkap piffissamut pilersaarutaasoq annikitsumik uniorneqaraluartoq naammassineqarnissaa.

Imm. 3-mut

Illumik sanaqataaffiusumik piginnittuusinnaatitaanerup piffissap qanoq ilinerani Naalakkersuisuniit taarsigassarsisumut nuunneqartarnissaa aalajangersakkami aalajangersarneqarpoq.

Suleriaaseq malillugu Naalakkersuisut illumut sanaqataaffiusussamut atortussanik pisinissaq pillugu pilersuisumut isumaqatigiissusiortarput. Tamatuma kingorna atortussat pilersuisumiit nassiussivissamut assartorneqarnissaat pillugu Naalakkersuisut isumaqatigiissusiortarput. Illumut sanaqataaffiusumut piginnittuusinnaatitaaneq aatsaat taarsigassarsisumut nuunneqassaaq, qularnaveeqqusiussaqaarluni taarsigassarsititsinermi allagartaq nalunaarsorsimasoq uparuagassartaqanngitsoq tiguneqarpat.

Illu sanaqataaffiusussaq sananeqanngitsuussagaluarpat Naalakkersuisut atortussanik atuisinnaanerannik qulakkeerinissaq aalajangersakkami siunertarineqarpoq, tassunga atortussat peerlugit allamut tunniunneqarsinnaanerat ilaalluni.

### *§ 58-imut*

Aalajangersagaq najoqqutassatigut allannguuteqartinneqaarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkut allannguuteqartinneqartumi § 25, imm. 3-mut aamma 4-mut assingusuvoq.

Atuisinnaatitaanermut killiliinerit suut illunut sanaqataaffiusunut atuunnersut aalajangersakkami maleruagassiuunneqarpoq. Illu sanaqataaffiusoq Naalakkersuisunit taarsigassarsiaqarfutillugu atuisinnaanermut killiliinerit atuuttussaapput. Taarsigassarsialik piffissap qanorluunniit ilinerani akiitsut sinnerinik akiliinermigut atuisinnaatitaanermut killiliinernit taaneqartunit imminut pisussaaffeerutsissinnaavoq.

### *§ 59-imut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkat allannguuteqartinneqartumi § 26-mut assingusuvoq.

Imm. 1-imut

Aalajangersakkap atuutilerneratigut taarsigassarsiat piginnittut nikinneranni tunngaviumik akiligassanngortinneqassapput.

Imm. 2-mut

Aalajangersakkami allassimavoq, taarsigassarsiallip aappaa pinngitsooranilu kingornussisussai taarsigassarsiallip toqunerani taarsigassarsiallip taarsigassarsianut pisinnaatitaaffinik pisussaaffinillu tigusinissamut pisinnaatinneqartut. Tassanilu suliaq tunniussinerpiatut suliarineqassanngilaq, taamaallaalli qularnaveeqqusiussaqaarluni taarsigassarsinissamut uppersarsaammut taarsigassarsinermullu uppersarsaammut pioreersumut ilassuteqartoqassalluni. Aalajangersakkami taamaallaat taarsigassarsianik tigusinnaanermut apeqqut maleruagassiuunneqarpoq. Kingornussisarnermut inatsisinut tunngasut apeqqutillu allat, illuutip tiguneqarsinnaaneranut atorneqarsinnaaneranullu tunngasut allamik tunngaveqarluni maleruagassiuunneqartarput.

### *§ 60-imut*

Aalajangersagaq najoqqutassatigut allannguuteqartinneqarluni inissialiortiternermut tapersiissuteqartarneq pillugu Inatsisartut peqqussutaanni nr. 1-imi, 9. april 1992-imeersumi, kingusinnerusukkat allannguuteqartinneqartumi § 26, imm. 1-imut assingusuvoq.

Aalajangersakkami qanoq pisoqartillugu Naalakkersuisut taarsigassarsiarititaat akiligassanngortinneqartassanersut allassimavoq.

Nr. 1-imut

Taarsigassarsialik pisussaavoq illu sanaqataaffiusoq illersorsinnaasumik aserfallatsaaliussallugu. Tamanna isumaqarpoq taarsigassarsialik illup ilaanik pisariaqalernerit tamaasa taarsersuisassasoq iluarsaassisassallunilu, assersuutigalugu qalianik igalaanillu ussiitsunik taarsersuilluni iluarsaassilluniluunniit. Kiisalu taarsigassarsiallip illu sanaqataaffiusoq suliaassat tulleriarlugit aserfallatsaalissavaa, assersuutigalugu pisariaqalernerit tamaasa illup silataa qalipattassallugu. Naalakkersuisut nr. 1-imik atuutsitsinerminni qularnaveeqqummik pigisaqartutut nakkutilliissapput, tassanilu paasiniarneqartassaaq qularnaveeqqusiussaq pigineqarnerisooq aammalu pitsaasumik aserfallatsaalineqarnerisooq.

#### Nr. 2-mut

Illu sanaqataaffiusoq ikuallattoornissamut anorersuarmillu ajoquserneqarnissamut sillimaserneqarsimanngippat, tamanna taarsigassarsiat akiligassanngornissaannut tunngaviussaaq, illumi sanaqataaffiusumi sillimaserneqarsimanngitsumi ajoqusikkat annertuut Naalackersuisunut qularnaveeqqusiussaani annertuumik ajorseriartitsisussaammata. Taamaalilluni taarsigassarsiallip minnerpaamik ikuallattoornissamut anorersuarmillu ajoqusernissamut matussusiisinnaasumik sillimasiinissaanut piumasaqaat taarsigassarsititsisup illumut sanaqataaffiusumut qularnaveeqqusiiffigineqarnissamut soqutiginninneranik tunngaveqarpoq. Ikuallattoornermi anorersuarneranilu ajoqusikkat taaneqarnerini sillimasiissut nalinginnaasoq, pigisap aalaakkaasup ikuallattoqarnerani anorersuarneranilu ajoqusernissaanut sillimasiissutaasoq eqqarsaatigineqarpoq.

#### Nr. 3-mut

Tarsigassarsisup illu sanaqataaffiusoq tamaat ilaannaaluunniit isaterpagu, tamanna Naalackersuisut taarsigassarsiarititaasa akiligassanngortinneqarnerinik nassataqassaaq.

#### Nr. 4-mut

Naalackersuisut taarsigassarsiaq illumit sanaqataaffiusumit inuussutissarsiutininik ingerlataqarnerisup pisuni ataasiakkaani naliliiffigissavaat. Aammattaaq siunnersuummi § 7-imut oqaaseqaatit innersuussutigineqarput.

#### Nr. 5-imut

Aalajangersakkami oqaatigineqarpoq, taarsigassarsialik Naalackersuisut akuersiteqqaarnagit illumit sanaqataaffiusumit nuuppat imaluunniit illumik sanaqataaffiusumik attartortitsippat, Naalackersuisut illumik sanaqataaffiusumik pigisaqalernissamut taarsigassarsiarititaat akiligassanngortinneqassasut. Tassalu tunngaviusumik piumasaqaataasoq tassaavoq, taarsigassarsiat akiligassanngortinneqassanngippata piffissami pineqartumi taarsigassarsiallip illumi sanaqataaffiusumi taarsigassarsititsivigineqarsimasumi najugaqarnissaa.

Taarsigassarsiallip illumik sanaqataaffiusumik pigisaminik piffissami aalajangersimasumi attartortitsinissaanut imaluunniit najukkami inissiat inoqanngitsut amerlanerat peqqutigalugu attartortussarsisinnaannginneq pissutigalugu illu attartortinnagu piffissami aalajangersimasumik killilikkami illumit nuunnissaanut Naalackersuisut akuersissuteqarsinnaapput.

Akuersissuteqartoqarnissaa anguneqarsinnaavoq, pingaartumik illoqarfimmi nunaqarfimmiluunniit taarsigassarsiallip illuutaata sanaqataaffiusup inissisimaffigisaani suliffissaqartitsiniarnikkut pissutsit peqqutaallutik taarsigassarsialik suliarlorluni piffissami aalajangersimasumi sumiiffimmut allamut nuuttariaqarluni aalajangerpat.

#### Nr. 6-imut

Naalakkersuisut qularnaveeqqummik pigisaqartutut pisinnaatitaapput, illu sanaqataaffiusoq illersorsinnaasumik aserfallatsaalineqarnersoq aammalu qularnaveeqqusiissutaasoq pigineqarnersoq qulakkiissallugu. Tamanna qulakkeerniarlugu Naalakkersuisut illumut sanaqataaffiusumut takuniaanissaat pisariaqalersinnaavoq, taamaattumillu Naalakkersuisut tunngavissaqartillutik illup sanaqataaffiusup iluanik takuniaallutik iserniarnerminni itigartinneqarpata, tamanna taarsigassarsiat akiligassanngortinneqarnerinut tunngaviussaaq.

### *§ 61-imut*

Aalajangersagaq nutaajuvoq. Inatsisitigut inissisimanermut atuuttumut naleqqiullugu siunnersuut allannguutinik annertuunik imaqarpoq, maannami peqqussutip oqaasertaani Naalakkersuisut illumik sanaqataaffiusumik tiguisinnaanerit toqqaannartumik allassimalerpoq.

#### Imm. 1-imut

Illumik sanaqataaffiusumik, periaatsit siunnersuummi § 60-imi nassuiarneqartut ilaannik peqquteqartumik Naalakkersuisut taarsigassarsiarititaannik akiligassanngortitsiviusimasumik Naalakkersuisut tiguisinnaanerit aalajangersakkami malittarisassiuunneqarpoq. Illumik sanaqataaffiusumik tiguisinermik saniatigut taarsigassarsiallip aningaasatigut ajornartorsiutaanik aaqqiiniarnermut Naalakkersuisut suleqataasinnaanngillat, tamatumunnga ilaalluni illup sanaqataaffiusup allamut tunineqarnissaanut Naalakkersuisut suleqataasinnaanngitsut.

#### Imm. 2-mut

Taarsigassarsisumut aningaasatigut isumannaarneqartussanik Naalakkersuisut naatsorsuinissamut pisussaaffilerneqarnerit aalajangersakkami aalajangersarneqarpoq. Ulloq naatsorsuutit aallartiffiat tassaavoq ulloq, Naalakkersuisut illumik sanaqataaffiusumik taarsigassarsisumiit tiguisiffiat.

#### Imm. 3-mut

Aalajangersakkami Naalakkersuisut qanoq iliorlugit aningaasatigut isumannaarneqartussanik naatsorsuisassanersut aalajangersarneqarpoq.

Aningaasatigut isumannaarneqartussani takuneqarsinnaappat, illup sanaqataaffiusup teknikkikkut aningaasaqarnikkullu nalingata Naalakkersuisut piunasaqaataat tamaasa matussusersinnaagai, inernerit Naalakkersuisut taarsigassarsisumut akilissavai.

### *§ 62-imut*

Aalajangersagaq nutaajuvoq.



### Imm. 1-imut

Aalajangersakkap atuutilerneratigut Naalakkersuisut illunik sanaqataaffiusunik inunnit, ukiuni kingullerni marlunni ukiumut inoqutigiinni 180.000 koruunit inorlugit akileraaruteqaataasussanik isertitaqarsimasunit pigineqartunik iluarsaassinissamut annerpaamik 75.000 koruuninik tapiissuteqarsinnaapput.

Aaqqissuussinerup siunissamut sammisuunissaa qulakkeerniarlugu, aamma Naalakkersuisut inunnut, maanna inoqutigiinni isertitat amerlanerugaluarpataluunniit, siunissami qanittumi ukiumut inoqutigiinni 180.000 koruunit inorlugit akileraaruteqaataasussanik isertitaqartussatut naatsorsuutigineqartunut annerpaamik 75.000 koruuninik tapiissuteqarsinnaaner atuuatissaaq. Siunissap qanittup oqaatigineqarnerani eqqarsaatigineqarpoq inuup inoqutaani siunissami qanittumi isertitassat ukiumut 180.000 koruunit inorlugit annertussuseqalernerinik kinguneqartussamik pisoqareersimasoq. Assersuutigalugu taarsigassarsialik siusinaartumik pensionisiaqalersimasinnaavoq imaluunniit utoqqalinersiaqalersimasinnaalluni, taarsigassarsiallip aappani inooqatiniluunniit annaasimasinnaavaa, taamaattumillu taarsigassarsiallip inoqutaani isertitat siornatigumut naleqqiullutik ataavartussamik ajorseriangaatsiartussatut eqqarsaatigineqarsinnaallutik.

### Imm. 2-mut

Tapiissutinik pissarsinissamut illup sanaqataaffiusup, maanna piginnittuusut taarsigassarsisoralugit Naalakkersuisunit taarsigassarsititsiviusup taarsigassarsititsiviusimasulluunniit matumani pineqarnissaa piunasaqaataavoq. Aalajangersakkami siunertaavoq, aammattaq akissaatikkineruserusut illuminnik sanaqataaffiusunik aserfallatsaaliuinissamut periarfissaqartinneqarnissaat.

Illut sanaqataaffiusut, Naalakkersuisunit taarsigassarsiaqarfiujunnaarsimasut, aammalu Naalakkersuisunit taarsigassarsiaqarfiunnginnerminni tunineqarsimasut aaqqissuussinerup avataaniipput. Tamatumunnga tunngaviuvoq, illup sanaqataaffiusup niuerutigineqarnermini pisortanit taarsigassarsiaqarfiusimannginnera.

### Imm. 3-mut

Aalajangersagaq malillugu meeqqamut ataatsimut, 18-it inorlugit ukiulimmut, angerlarsimaffimmi najugaqartutut inuit allattorsimaffianni nalunaarsorsimasumut imm. 1-imi aamma 2-mi isertitassanut killiliussat kr. 4.000-inik qaffanneqartassapput. Tamannali meeqqanut amerlanerpaamik arfinilinnut atuuppoq.

### § 63-imut

Aalajangersagaq nutaajuvoq.

### Imm. 1-imut

Taarsigassarsialik ataasiarluni arlaleriarluniluunniit tapiiffigineqareersimatillugu Naalakkersuisunit tapiissutissanik qinnuteqarnissamut piffissamut killiliussat aalajangersakkami aalajangersarneqarput.

Piffissaq qinnuteqarfusoq tassaavoq, ulloq qinnuteqaatip Naalakkersuinit tiguneqarfia allakkatullu isertutut nalunaarsorneqarfia.

Imm. 2-mut

Aalajangersakkami Naalakkersuisut tapiissuteqarnissamut qinnuteqaammik naliliisarnerannut tunngavissat aalajangersarneqarput, taannalu malillugu iluorsaassinissap annertussusaa, qinnuteqartup pigisaanut nalilinnut aammalu suliaassanik nammineerluni suliarinninnissamut piginnaanerisassaanut naatsorsuutigineqartumut, kiisalu inissiap pisoqaassusaanut niuernikkullu nalinganut naleqqiunneqassaaq.

Taamaalillunilu illut sanaqataaffiusut illoqarfinni annerusuni, realkredit-imit aningaaserivimmilluunniit taarsigassarsinissamik periarfissaqarfiusuni aaqqissuussinerup atorneqarnissaa siunertarineqanngilaq. Tamatumunnga tunngaviusoq tassaavoq, illut sanaqataaffiusut amerlanertigut akiitsut saniatigut naleqartarmata, taannalu atorneqarsinnaallunilu taarsigassarsianut qularnaveeqqusiunneqarsinnaalluni. Tassalu tassani illunik sanaqataaffiusunik tamanik piginnittut piffissami pineqartumi imaluunniit siunissami 180.000 koruunit inorlugit isertitaqartussat Nunap Karsianiit tapiissutinik tapersiiffigineqarsinnaanissaat siunertarineqanngilaq.

Imm. 3-mut

Aalajangersakkami imm. 3-mi allassimavoq, illumik sanaqataaffiusumik iluorsaassinissamut tapiiffigineqarnissaaq pillugu qinnuteqaatinik aqutsinermut Naalakkersuisut maleruagassiorsinnaasut. Tassani pingaartumik suliaassat, illup pitsaassusaanik allanngutsaaliissutaasussat, aammalu illup maanna qanoq issusianut atorsinnaanerannullu naleqqiullugu naapertuuttut eqqarsaatigineqarput.

#### *§ 64-imut*

Imm. 1-imut

Aalajangersagaq naapertorlugu peqqussutissatut siunnersuut 1. januar 2008-mi atuutilissaaq.

Imm. 2-mut

Tamatuma peqatigisaanik inissialiortiternermut tapersiissuteqartarneq pillugu Inatsisartut inatsisaat nr. 1, 9. april 1992-imeersoq, kingullermik Inatsisartut inatsisaatigut nr. 3-kkut, 12. maj 2005-imeersukkut allanngortinneqartoq atorunnaarsinneqassaaq.

Imm. 3-mut

Maleruagassat, Inatsisartut peqqussutaat atuuttoq naapertorlugu  
atuutsinneqarlersimasut attanneqaannarsimasullu atorunnaarsinneqarnissamik  
tunganut atuutiinnassasut siunnersuutigineqarpoq.